

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 1 6 1941

T9299/8125(30)

借國氏號門一

秦末

楚陳勝

楚襄彊

楚景駒

西楚項籍

趙武臣

燕韓廣

齊魏韓

代陳餘

南越趙氏

項羽分封

借國氏號門二

秦末

成公孫述

天水隗氏

楚黎秦豐

淮南李憲

邯鄲王昌

代盧芳

齊張步

海西董憲

汝寧延岑

翼江田戎

更始分封

壽春袁氏

燕公孫氏

抱罕宋建

武都楊氏

借國氏號門三

隋末

夏竇建德

魏李密

鄭王世充

吳杜伏威

吳李子通

楚米紫

楚林士弘

燕高開道

燕羅藝

離召亂苗

定楊劉武高

永樂郭子和

梁梁師都

秦薛舉

涼李軌

梁沈法興

漢東劉黑闥

魯徐圓朗

齊公祐

借國氏號門四

唐末

趙王氏

鄴羅氏

燕劉氏

秦李氏

南天儂氏

宋韓氏

滁郭子興

天完徐壽輝

漢陳氏

吳張士誠

學海君道部卷之八十四

世系類

僭國氏號一

卮言曰易曰上天下澤履君子以辨上下定民志古者君臣之分既定有力者無敢奸焉炎黃禪繼至於三代功高德懋天與人歸宜其宗廟享而子孫保矣自是以還建邦立業列土分土者德有厚薄則世有久近前編可攷也其有乘時誰起因亂蝟興擁州據郡盜名僭號者非不任智力以自雄假仁義以竊國然而德既未能以及遠才亦不足以服衆或歷數載而亾或不一年而滅既殞其身亦覆其族祇爲英主之驅除或爲姦雄之資藉也若夫志大而謀疎始義而終逆者亦可悲焉故爲僭國門系于列國之後

哈佛大學漢和
圖書館珍藏印

秦末僭國篇

卮言曰夫秦失其鹿天下共逐之譬之陳涉揭竿項羽持挺漢祖張網焉而卒獲之者漢也然犄角之勢陳項于漢宜為首功其餘諸王或荷戈而從或守株而待雖不得鹿要亦共逐者矣項氏所立諸國大率歸漢漢網恢乎

楚陳勝章

楚隱王陳勝字涉陽城人

河南陽城縣

涉少時嘗與人傭耕

謂役力而受雇直也輟

耕之隴上悵恨久之曰苟富貴無相忘傭者笑而應曰若為傭耕何富貴也勝太息曰嗟呼燕雀安知鴻鵠之志哉秦二世元年壬辰七月是時發閭左戍漁陽者九百人屯大澤鄉勝與陽夏人吳廣皆為屯長會天大雨道不通已失期法皆斬勝廣乃殺將尉令徒屬曰公

等皆失期當斬假令毋斬而戍死固十六七且壯士不死則已死則舉大名耳王侯將相寧有種乎眾皆從之乃詐稱公子扶蘇項燕為壇而盟稱大楚攻大澤鄉技之攻斬斬下徇斬以東行將兵至陳卒數萬人入據之大梁人張耳陳餘來謁勝素聞其賢大喜豪傑父老請立勝為楚王勝以問耳餘對曰秦為無道滅人社稷暴虐百姓將軍出萬死之計為天下除殘今始至陳而王之示天下私願將軍毋王急引兵而西遣人立六國後自為樹黨為秦益敵敵多則力分與眾則兵強誅暴秦據咸陽以令諸侯則帝業成矣不聽遂自立為王號張楚郡縣苦秦法爭殺長吏以應之使從東方來以反者聞二世怒下之吏後至者曰羣盜鼠竊狗偷不足憂也乃悅勝以廣為假王監諸將擊滎陽張耳陳餘復請奇兵畧趙地勝以所善陳人武

臣爲將軍耳餘爲投尉予卒三千人徇趙又令周市徇魏聞周文陳之賢人習兵法不恃敵之不我攻恃吾之不可攻今王恃敵而不自恃若跌而不振悔無及也不聽文行收兵數十萬至戲軍焉二世乃大驚少府章邯請赦驪山徒悉發以擊楚軍大敗之十一月周文出關止屯曹陽邯追敗之復走澠池十餘日邯擊大破之周文自刎軍遂不戰吳廣圍滎陽不能下裨將田臧等矯陳王令誅之獻其首於王王以臧爲上將軍西迎于秦軍戰死三世益遣長史司馬欣董翳佐章邯擊楚柱國君殺之又進擊陳西張賀軍賀死臘月陳王之汝陰還至下城父其御莊賈殺陳王以降勝故涓人呂臣爲蒼頭軍起攻陳殺賈復以陳爲楚葬勝於碭謚曰隱初勝旣稱王故人皆往依之其妻父亦往焉勝以衆賓待之長揖不拜妻父怒而去諸故人皆引去而諸將不親附所以及於敗

賈生論曰始皇旣沒餘威振于殊俗然而陳涉瓮牖繩樞之子阝隸之人而遷徙之徒也材能不及中人非有仲尼墨翟之賢陶朱猗頓之富也躡足行伍之間俛仰仟佰之中率罷散之卒而轉攻秦斬木爲兵揭竿爲旗天下雲合響應山東豪俊遂並起而亡秦族矣

綱目秦二世元年

壬辰

秋七月楚人陳勝吳廣起兵于蘄勝自立爲

楚王以廣爲假王擊滎陽楚遣諸將徇趙魏以周文爲將軍將兵伐秦至戲秦遣少府章邯拒之楚軍敗走十一月楚田臧殺其假王吳廣秦益遣兵擊楚臘月楚莊賈弑其君勝以降于秦呂臣討

賈誅之

劉氏曰勝廣耳得書起兵何惡秦也天下皆秦也何以書楚人不
予秦之滅六國也故起兵者各犯其舊國書舊國則起兵爲
義師矣書伐秦夷秦於楚也自是秦有事必書秦則與列國無
以異矣

尹氏曰勝廣崛起草莽本不足以國書而書之曰楚若大國然
尊楚所以惡秦也又書以周文爲將軍將兵伐秦書伐則秦之
罪著矣陳勝自立纔歲餘耳書莊賈之弑所以成其爲君書呂
臣之討所以正賈之罪惟惡秦之無道而欲誅之故其書法如
此

鄱陽洪氏曰楊子法言或問陳勝吳廣曰亂曰不若是則秦不亾
曰亾秦乎恐秦未亾而先亾矣李軌以爲輕用其身而要乎非命
之運不足爲福先適足以爲禍始予謂不然秦以無道毒天下六
王皆萬乘之國相踵滅亾豈無孝子慈孫故家遺俗皆奉頭鼠伏
目張良徂擊之外更無人敢西向窺其鋒者陳勝出於戍卒一旦
奮發不顧海內豪傑之士乃始雲合響應並起而誅之數月之間
一戰失利不幸隕命於御者之手身雖已死其所置遣侯王將相
竟亾秦項氏之起江東亦矯稱陳王之令而度江秦之社稷爲墟
誰之力也且其稱王之初萬事草創能從陳餘之言迎孔子之孫
鮒爲博士至尊爲太師所與謀議皆非庸人崛起者可及此其志
豈小小者哉漢高帝爲之置守家於碭血食二百年乃絕子雲指
以爲亂何邪若乃殺吳廣誅故人寡思忘舊無帝王之度此其所

以敗也

楚襄彊章

楚王襄彊東城人陳勝之起也令符離人葛嬰將兵徇蕪以東皆下之勝攻陳據之遂自立為楚王嬰至東城今鳳陽府定遠縣立襄彊為楚王聞陳王已立因殺襄彊凡一月

楚景駒章

楚王景駒初人壬辰十二月陵人秦嘉與符離人朱雞石等起兵圍東海守於剡癸巳正月嘉聞陳勝軍敗乃立景駒為楚王在留沛公往從之張良亦聚少年百餘人欲往從景駒道遇沛公遂屬焉沛公與良俱見景駒請兵與審君攻碭下邑拔之還擊豐不下時項梁衆凡六七萬人軍下邳景駒秦嘉軍彭城東欲以至梁梁謂軍吏曰陳

王先首事戰不利未聞所在今秦嘉倍陳王而立景駒逆無道乃

兵擊秦嘉秦嘉軍敗走追之至胡陵嘉還戰一日嘉死軍降景駒走死梁地凡稱王四月

綱目壬辰冬十一月秦嘉起兵於郟癸巳春正月秦嘉立景駒為

楚王四月項梁擊楚王駒殺之

楚義帝詳餘分類

西楚項氏章

武信君項梁下嗣人故楚名將項燕子也家世楚將封於項故姓項氏項燕為秦王翦所圍逼而自殺梁嘗殺人與兄子籍避仇吳中吳中賢士大夫皆出其下壬辰秋陳勝起會稽守殿通欲發兵以應之使梁及桓楚將梁使籍斬通乃召故所知豪吏喻以所為起大事舉

吳中兵收下縣得精兵八千人梁自爲會稽守以籍爲裨將癸巳春
廣陵人召平爲陳三狗廣陵未下聞陳王敗死乃渡江矯陳王令拜
梁爲上柱國曰江東已定急引兵西擊秦梁乃以八千人渡江而西
東陽少年殺令聚衆欲立令史陳嬰爲王嬰曰項氏世世將家有名
於楚今欲舉大事將非其人不可我倚名族亾秦必矣衆從之於是
嬰及英布蒲將軍皆以兵屬梁衆遂至六七萬乃進擊秦秦軍景駒
走死至薛沛公往見之范增往說梁曰陳勝敗固當夫秦滅六國楚
最無罪自懷王入秦不反楚人憐之至今故楚南公曰楚雖三戶亾
秦必楚今勝首事不立楚後而自立其勢不長今君起江東奮起之
將皆爭附君者以君世世楚將爲能復立楚之後也梁然之乃求得
楚懷王孫心立爲楚懷王梁自號爲武信君七月梁已破章邯於東
阿引兵西北至定陶再破秦軍梁輕秦有騎色宋義諫曰戰勝而將
驕卒惰者敗今卒少惰矣秦兵益臣爲君畏之梁弗聽二世益起兵
益章邯擊楚軍大破之定陶梁死

綱目壬辰秋九月楚人項梁起兵於吳癸巳春三月項梁擊楚王
駒殺之夏六月立楚懷王孫心爲楚懷王秋七月秦章邯擊破楚
軍於定陶項梁死

索隱曰下相縣名屬臨淮案應邵云相水名出沛國沛國有相
縣其水下流又因置縣故名下相也

一統志曰下相秦縣名後改宿遷縣屬淮安府故城在邳州城
西南一名項城相傳項羽所生之處也

正義曰括地志云今陳州項城縣卽古項子國

顏師古曰下相今臨淮縣項氏初封於項卽今項城縣

西楚霸王項籍字羽梁兄子也少時學書不成去學劍又不成梁怒籍曰書足以記姓名而已劍一人敵不足學學萬人敵於是梁乃教籍兵法又不竟學長八尺餘力能扛鼎才器過人嘗遊秦中見秦始皇帝曰彼可取而代也梁掩其口毋妄言族矣項梁使籍斬會稽守殷通之而代之以籍爲裨將項梁死籍徙楚懷王自盱眙都彭城秦章邯北擊趙圍趙王於鉅鹿楚懷以宋義爲上將軍封籍爲魯公以爲次將將兵救趙而遣沛公西伐秦十一月籍矯殺宋義而代之大破秦軍鉅鹿下始爲諸侯上將軍諸侯皆屬焉甲午四月章邯以軍降楚十月沛公已定關中遣兵守函谷關籍攻破之遂屠咸陽殺秦降王子嬰乙未正月籍尊楚懷王爲義帝徙之江南都郴五月籍分

王諸侯自立爲西楚霸王王梁楚地九郡都彭城立沛公爲漢王十月籍使人趣義帝行密使吳芮等邀擊殺之江中時漢主已還定三秦至洛陽爲義帝發喪告諸侯以討籍至丙申四月漢王率五諸侯兵伐楚入彭城籍還破漢軍以漢太公呂后歸丁酉十月漢楚皆軍廣武戊戌八月籍與漢約中分天下九月歸漢太后呂后解而東歸十月漢王追籍至固陵齊王韓信彭越等皆會十二月圍籍垓下籍走東城欲東渡烏江亭長艤船待曰江東雖小地方千里衆數十萬亦足王也願大王急渡籍笑曰籍與江東子弟八千人渡江而西今無一人還縱江東父兄憐而王我我獨不愧於心乎乃自刎而死楚地悉定獨魯不下因持羽頭示之乃降漢王以魯公禮葬籍於穀山城親爲發哀哭之而去諸項氏技屬皆不誅封項伯等四人爲列侯

賜姓劉氏

綱目癸巳秋七月秦章邯擊趙圍趙王於鉅鹿以宋義爲上將軍救之冬十一月楚次將項籍擊殺宋義而代之大破秦軍甲午冬十月沛公入咸陽遣兵守函谷關項籍攻破之遂屠咸陽殺子嬰掘始皇冢大掠而東乙未春二月項籍自立爲西楚霸王及分王諸將戊戌冬十月漢追項籍至固陵十二月圍籍垓下籍走自殺太史公曰吾聞之周生曰舜目重瞳子又聞項羽亦重瞳子羽豈其苗裔耶何興之暴也秦秦失其政陳涉首難豪傑蠡起相與並爭不可勝數然羽非有尺寸乘勢起隴畝之中三年遂將五諸侯滅秦分裂天下而封侯王政由羽出號爲霸王位雖不終近古以來未嘗有也及羽背關懷楚放逐義帝而自立怨侯王叛已自矜功伐奮其私智而不師古謂霸王之業欲以力征經營天下五年卒亾其國身死東城尚不覺寐而不自責過矣乃引天亾我非戰之罪也豈不謬哉

劉知幾曰太史公贊項羽重瞳豈舜苗裔此則別加佗語以補書中所闕所謂事無重出者正此類也

鄱陽洪氏曰漢高帝項羽起兵之始相與北面共事懷王及入關破秦子嬰出降諸將或言誅秦王高帝曰始懷王遣我固以能寬容日人已服降殺之不祥乃以屬吏至羽則不然旣殺子嬰屠咸陽使人致命於懷王王使如初約先入關者王其地羽迺曰懷王者吾家武信君所立耳非有功伐何以得顓生約今定天下皆將相諸君與籍力也懷王亡功固當分其地而王之於是陽尊王爲

義帝卒至殺之觀此二事高帝旣成功猶敬佩王之戒羽背主約其末至於如此成敗之端不待智者而後知也高帝微時嘗繇咸陽縱觀秦皇帝喟然太息曰大丈夫當如此矣至羽觀始皇則曰彼可取而代也雖史家所載容有文飾然其大旨固可見云史記索隱曰項羽掘起爭雄一朝假號西楚竟未踐天子之位而身首別離斯亦不可稱本紀宜降爲世家

黃氏震曰遷以羽嘗宰制天下而紀之秦漢之間已過矣然旣君之而又字之抑揚之義豈有在歟

卮言曰遷史列項羽於本紀先儒固已非之其以重瞳爲舜苗裔尤爲無義考項本國也春秋魯僖公滅項其後楚考烈取之以封其將遂爲項氏自此項燕項梁皆係名於項其初不著姓宜爲楚

之支屬何預於舜夫形體末也舜以大德爲天子於重瞳何有且人生而面目之相肖者多矣豈盡出於同氣羽雖暴興而亦速滅矜力寡謀隕身亾氏其聰明曾不足以比尉佗吳芮安在重瞳哉田齊王莽姚秦南陳彼真舜裔也君子猶羞稱之况羽本非類而稱引舜乎

趙武臣章

趙王武臣陳人與陳勝善秦二世元年六月陳勝起兵自立爲楚王張耳陳餘說陳王曰大王興梁楚務在入關未及收河北也臣嘗游趙知其豪傑願請奇兵北略趙地於是陳王許之以武臣爲將軍邵騷爲護軍耳餘爲左右校尉予卒三千人徇趙武臣等從白馬渡河至諸縣說其豪傑曰秦爲亂政虐刑殘滅天下北爲長城之役南有

五嶺之戍外內騷動百姓罷敝頭會箕歛以供軍費財匱力盡重以苛法使天下父子不相聊今陳王奮臂爲天下倡始莫不嚮應家自爲怒各報其怨縣殺其令丞郡殺其守尉今以張大楚王陳使吳廣周文將兵百萬西擊秦於此時而不成封侯之業者非人豪也夫因天下之力而攻無道之君報父兄之怨而成割地之業此一時也豪傑皆然其言乃行收兵得數萬人號武臣爲武信君下趙十餘城皆城守乃引兵東北擊范陽范陽人蒯徹說武信君曰足下必將戰勝而後略地攻得然後下城臣竊以爲過矣誠聽臣之計可不攻而降城不戰而略地傳檄而千里定可哉武信君曰何謂也徹曰范陽令徐公畏死而貪貪欲先天下降君若以爲秦所置吏誅殺如前十城則邊地之城皆爲金城湯池不可攻也君若齎臣侯印以授范陽令

使乘朱輪華轂驅馳燕趙之郊卽燕趙城可無戰而降矣武信君曰善以車百乘騎二百侯印迎徐公燕趙聞之不戰以城下者三千餘城張耳陳餘至邯鄲聞周章軍入關至戲卻又聞諸將爲陳王徇地遠者多以讒毀得罪誅乃說武臣曰陳王非必丘六國後今將軍下趙數十城今將軍下趙數十城獨介居河北不王無以填之目陳王聽讒還報恐不得脫於禍願將軍毋失時武臣乃聽遂自立爲趙王以陳餘爲大將軍張耳爲右丞相邵騷爲左丞相使人報陳王陳王大怒欲盡族武臣等家而發兵擊趙柱國房君諫曰秦未亾而誅武信君等家柴一秦也不如因而賀之使急引兵而擊秦陳王然之從其計徙擊武信君等家宮中封張耳子敖爲成都君使使者賀趙令趣發兵西入關張耳陳餘說趙王曰王王趙非楚意特以計賀王楚

已滅秦必加兵於趙願王毋西兵北徇燕代南收河內以自廣趙南
據大河北有燕伐楚雖勝秦必不敢制趙不勝秦必重趙趙乘秦楚
之敝可以得志於天下趙王以爲然因不西兵而使韓廣略燕李良
略常山張翼略上黨韓廣至燕燕人因立廣爲燕王趙王乃與張耳
陳餘北略地燕界趙王間出爲燕軍所得燕囚之欲求割地使者往
請燕輒殺之有廝養卒走燕壁見燕將曰君知張耳陳餘何欲曰欲
得其王耳趙養卒笑曰君未知此兩人所欲也夫武臣張耳陳餘杖
馬箠下趙數十城此亦各欲南面而王豈欲爲將相終已耶顧其勢
初定未敢三分天下且以可長先立武臣以持趙心今趙地已服此
兩人亦欲分趙而王時未可耳今君乃囚趙王此兩人名爲求趙王
實欲燕殺之此兩人分趙自立夫以一趙尚易燕將况以兩賢王左

提右挈而責殺王之罪滅燕易矣燕將乃歸趙王養卒爲御而歸冬
十月李良已定常山還報趙王趙王復使良略太原至石邑秦兵塞
井陘未能前秦將詐爲二世書以招良良還襲邯鄲邯鄲不知竟殺
趙王時趙人多爲張耳陳餘耳目者故得脫出收散兵得數萬人擊
李良良敗走歸章邯客有說耳餘曰兩君羈旅而欲附趙難可獨立
趙後輔以誼可就功乃求得趙歇立爲趙王居信都

綱目壬辰秋八月楚將武臣至趙自立爲趙王九月燕軍獲趙王
旣而歸之冬十一月趙將李良弑其君武臣

劉氏曰武臣自立也書趙王何成之爲列國也於是列國皆從
其所稱惟死及失地則名之

燕韓廣章

燕王韓廣上谷卒史壬辰七月陳勝使武臣徇趙八月武臣至邯鄲自立爲趙王使廣略燕九月廣將之北徇燕燕地豪傑謂廣曰楚趙皆已立王燕雖小亦萬乘之國也願將軍立爲王廣曰廣母在趙不可燕人曰趙方西憂秦南憂楚其力不能禁我且以楚之強不敢害趙王將相之家今趙獨安敢害將軍家乎廣以爲然乃自立爲燕王居數月趙奉燕王母家屬歸之乙未二月項羽滅秦立諸侯乃分燕爲二徙廣爲遼東王都無終立廣將臧荼爲燕王都薊廣不肯之遼東八月荼擊廣殺之并其地廣稱王凡四年

綱目壬辰秋九月趙將韓廣略燕地自立爲燕王乙未秋九月燕王荼弒遼東王廣

劉氏曰荼廣皆王矣其書弒何廣故君也雖並立爲王而君臣之分不可泯也綱目之書法嚴矣

齊魏趙韓諸王章

齊王田儋齊人故齊王族也壬辰九月自立爲齊王癸巳

六月救魏敗死齊人立故王建弟假爲王七月儋弟榮逐假立儋子市爲王而相之乙未五月榮弒市自立丙申正月楚擊齊榮敗死楚復立假四月榮弟橫立榮子廣爲王擊王假走之丁酉十月漢韓信擊破齊虜王廣橫自立爲齊王己亥二月自殺

魏王咎故魏公子爲寧陵君壬辰九月楚將周市立咎爲魏王而相之癸巳六月秦章邯擊魏市敗死咎自殺七月楚立咎弟豹爲王丙申二月降漢

趙王歇故趙後也癸巳正月趙將張耳陳餘立歇爲趙王丙申十月

韓信破趙擒歇

韓王成故韓公子也癸巳六月項梁爲橫陽君後旣立楚懷王又從張良言立成爲韓王乙未五月西楚殺成

右四國詳列國餘分

代陳餘章

代王陳餘大梁人好儒術遊趙苦陘富人公乘氏以其女妻之餘年少父事張耳相與爲刎頸交陳涉之王也餘與耳謁涉以爲校尉從將軍武臣徇趙武臣立爲趙王以餘爲大將軍趙王武臣死餘與耳立趙歇爲趙王居信都癸巳九月章邯擊趙破邯鄲張耳與趙王歇走鉅鹿王離圍之餘北收兵得數萬人軍其北章邯軍其南鉅鹿兵少食盡張耳數召餘餘不敢前耳又使張廩陳澤往讓之餘使二人

將五千人先嘗秦軍皆沒項羽兵數絕章邯甬道王離軍乏食餘復請兵項羽乃悉引兵度河彼秦軍虜王離於是趙王得出張耳責讓餘問廩澤所在疑餘殺之餘怒解印綬予耳獨與麾下數百人去之

河上澤中漁獵

詳前條內

甲午夏四月章邯與項羽相持未戰秦軍數却

二世使人讓邯邯恐使長史欣請事趙高不見欣恐走還報曰趙高用事於中下無可爲者願熟計之餘亦遺邯書曰將軍居外久多內卻有功亦誅且天之亾秦無愚智皆知之將軍何不與諸侯爲從約分王其地孰與身伏斧鑕妻子爲僇乎邯狐疑陰使羽約未成羽引兵連戰大敗之邯乃以墀降羽乙未春二月項羽滅秦分天下王諸侯立張耳爲常山王治信都徙趙王歇王代羽怨田榮不從楚擊秦以故不封餘不從入關亦不封餘客或說羽曰陳餘張耳一體有功

於趙今耳王餘不可不封羽不得已聞其在南皮卽以南皮旁三縣封之張耳之國餘怒曰耳與餘功等也今耳王餘獨侯此項羽不平及齊王田榮叛楚餘乃使夏說說齊王曰項羽爲天下宰不平盡王諸將善地徙故王王惡地乃趙王乃北居代餘以爲不可聞大王起兵不聽不義願大王資餘兵擊常山復趙王請以趙爲扞蔽齊王欲樹黨乃遣兵從餘丙申冬十月餘悉三縣兵與齊兵共襲常山常山王張耳敗走歸漢餘迎趙王於代復爲趙王趙王德餘立以爲代王餘爲趙王弱國初定不之國留傳趙王而使夏說以相國守代丁酉十月漢王遣韓信張耳擊趙破之斬餘泚水上餘穰王凡一年被斬綱目癸巳春正月趙將張耳陳餘立趙歇爲王乙未冬十月陳餘以齊兵襲常山王耳走漢代王歇復爲趙王立餘爲代王丙申冬

十月漢韓信大破趙軍禽王歇斬代王餘

南越趙氏章

南越武王趙佗真定人本姓趙氏秦始皇初并天下略定楊越置桂

林南海象郡以謫徙民與越雜處十三年以佗爲南海龍川令卽今

縣之至二世時南海尉任囂病且死召佗語曰秦爲無道天下苦之

聞陳勝等作亂天下未知所安南海僻遠吾恐盜兵侵地至此欲興

兵絕新道自備新道秦所待諸侯變會病甚且番禺負山險阻南海

東西數千里頗有中國人相輔此亦一州之主也可以立國郡中長

吏無足與言者故召公告之卽被佗書被音光行南海尉事囂死佗

卽移檄告橫浦陽山湟谿關曰橫浦關在虔州大庾縣西南通豫章

嶺湟谿關在縣盜兵且至急絕道聚兵自守因稍以法誅秦所置長

吏以其黨為假守秦已破滅佗即擊并桂林象郡自立為南越武王

生以武為號不僭于古也

高帝已定天下為中國勞苦故釋佗弗擊十一年乙巳

夏四月使陸賈授璽綬立佗為南粵王與剖符通使使和集百越無

為南邊患害陸賈至說佗以禮義佗即奉命高后時有司請禁南越

關市鐵器佗曰高帝立我通使物今高后聽讒臣別異蠻夷隔絕器

物此必長沙王計也

長沙王吳芮也欲倚中國擊滅南越而並王之自為功

也於以是佗乃自尊號為南越武帝發兵攻長沙邊邑敗數縣而去

高后遣將軍隆慮侯竈往擊之會暑濕士卒大役兵不能踰嶺歲餘

高后崩即罷兵佗因此以兵威邊財物賂遣閩越西甌駱役屬焉東

西萬餘里乃乘黃屋左纛稱制與中國侔孝文即位使陸賈往讓佗

佗謝罪請去帝制稱臣陸賈還報文帝大說遂至景帝時秘臣遣使

入朝請然其居國竊如故號其使天子稱王朝命如諸侯

綱目癸巳春正月南海尉趙佗自立為南越王漢高帝十一年乙

巳夏五月立故秦南海尉趙佗為南粵王高后稱制五年戊午春

南越王趙佗反秋九月遣將軍周竈擊南越孝文元年壬戌秋八

月遣太中大夫陸賈賜南越王佗書佗稱臣奉貢

文王胡佗之孫佗卒武帝建元四年胡立為南粵王卒謚文

明王嬰齊胡之太子初胡之世閩越擊南越胡上書告天子天子為

發兵討閩越破之胡乃遣太子嬰齊入宿衛後十餘歲胡實病甚嬰

齊請歸胡卒嬰齊代立

王興嬰齊之子初嬰齊宿衛在長安時取邯鄲穆氏女生子興及即

位上書請立穆氏女為后興為嗣嬰齊卒太子興代立其母為太后

太后淫亂國人不附其相呂嘉遂與其弟將卒攻弒王及太后
王建德嬰齊長男越妻之子也初封術陽侯呂嘉殺興而立建德為
王擊殺漢使者發兵拒守漢遣將軍路博德等擊之元鼎六年庚午
冬博德等平南越獲建德呂嘉置九郡

右南越自尉佗初王凡五世共九十二年

南粵即今廣東廣州府城

蒼梧王趙光者越王同姓聞漢兵至及越揭令定自定屬漢自定者光由定
而來越桂林監居翁論甌駱屬漢皆得為侯

史記索隱述贊曰中原鹿走羣雄莫制漢事西馳越推南裔陸賈
騁說尉佗去帝穆后內朝呂嘉狼戾君臣不協卒從剽絕

閩粵王無諸及粵東海王搖皆故越王句踐之後詳後中興類列國
餘分

項羽分封諸國章

秦王子章邯

春秋邯國之後

初為秦少府秦二世元年壬辰秋七月陳勝起陳

自立為楚王武臣為趙王魏咎為魏王田儋為齊王劉季起沛項梁
起會稽二年癸巳冬陳勝遣周章等將兵擊秦西至戲兵數十萬一

世大驚與羣臣謀曰柰何章邯曰盜已至眾彊今發近縣不及矣酈
山徒多請赦之授兵以擊之二世乃大赦天下使邯將擊破周章軍
而走遂殺章曹陽二世益遣長史司馬欣董翳佐邯擊盜殺陳勝城
父破項梁定陶滅魏咎臨濟楚地盜名將已死邯乃北渡河擊趙圍
鉅鹿三年甲午秋項羽將楚卒往故鉅鹿邯等戰數却二世使人讓
邯邯恐使長史欣請事至咸陽留司馬門三日趙高弗見又弗信欣
恐亾去高使人捕追不及欣見邯曰趙高用事於中下無可為者今

戰能勝高必嫉妬吾功戰不能勝不免於死願將軍孰計之陳餘亦遺邯書曰白起為秦將南征鄢郢北阬馬服攻城略地不可勝計而竟賜死蒙恬為秦將北逐戎人開榆中地數千里竟斬陽周何者功多秦不能盡封因以法誅之今將軍為秦將三歲矣所亡矢以十萬數而諸侯並起滋益多彼趙高素諛日久今事急亦恐二世誅之故欲以法誅將軍以塞責使人更代將軍以脫其禍夫將軍居外久多內卻有功亦誅無功亦誅且天之亡秦無愚智皆知之今將軍內不能直諫外為亡國將孤特獨立而欲常存豈不哀哉將軍何不還兵與諸侯為從約共攻秦分王其地南面稱孤此孰與身伏鈇質妻子為僂乎邯狐疑陰使侯始成侯軍侯也始成其名使項羽欲約約未成項羽使沛將軍日夜引兵渡三戶三戶津名軍漳南與秦戰再破之項羽悉引兵

擊秦軍汧水上大破之章邯使人見項羽欲約項羽召軍吏謀曰糧少欲聽其約軍吏皆曰善項羽乃與邯期洹水南殷上上已盟章邯見項羽而流涕為言趙高羽乃以邯為雍王置楚軍中使長史欣為上將軍將秦軍為前行到新安秦軍降者羽盡擊殺之而獨與邯欣都尉翳入秦八月趙高作亂二世自殺高立子嬰為王子嬰誅趙高沛公破秦軍入武關遂至霸上子嬰降沛公入咸陽月餘而項羽至遂屠咸陽殺子嬰乙未春二月項羽自立為西楚霸王立沛公為漢王王漢中而分關中中王秦降將以距塞漢乃立邯為雍王王咸陽以西都廢丘今陝西西安府雍平縣八月漢王還定三秦邯迎戰敗走廢丘丙申夏五月漢兵圍廢丘邯自殺凡稱王一年

塞王司馬欣初為秦櫟陽獄掾項梁常有櫟陽逮逮捕也乃請斬獄掾

曹咎書抵欣以故事得已抵相憑託也欣後為長史二世遣欣佐章

邯擊盜卒與章邯降項羽入關滅秦分主諸將以欣賞有德於項梁

故立欣為塞王咸陽以東至河都櫟陽今陝西西安府咸寧縣八月漢王還定

三秦欣降九繻王六月

翟王董翳初為秦都尉二世遣佐章邯擊盜翳勸邯降楚故立翳為

翟王王上郡都高奴今陝西邠州八月漢王還定翳降九繻王六月

河南王申陽瑕丘人縣屬山陽今張耳嬖臣也項羽為楚將將兵救趙

申陽先下河南郡迎楚河上故立陽為河南王都雒陽是冬十月降

漢九繻王八月

殷王司馬卬趙人初為趙將將兵定河內數有功項羽分王諸將故

立卬為殷王王河內都朝歌今河南衛輝府二年丙申春三月為漢所虜九

繻王一年

臨江王共敖共音龔姓譜云共商諸侯之國晉有左行共華又云鄭共叔段後洪氏云共工氏後加水為洪初為義

帝柱國將兵擊南郡功多項羽分王諸將因立敖為臨江王都江陵

三年丁酉秋七月卒子尉史表作驩嗣立二年巳亥冬十二月漢巳滅項

籍遣劉賈擊尉虜之共五年

燕王臧荼姓諸臧初為燕王廣將從項羽救趙因從入關故立荼為

燕王都薊今順天府薊州巳亥秋九月荼反漢高帝自將擊虜之九王燕五

年

常山王張耳故趙相也項羽以耳素賢又從入關故立耳為常山王

王趙地都襄國今直隸府冬十月降漢

九江王黥布初為楚將封當陽君項羽救趙入關布常冠軍故立布

王趙地都襄國今直隸府冬十月降漢

為九江王都六今廬州府六安州丙申降漢

衡山王吳芮故鄱君也項羽救趙芮率百越佐諸侯又從入關故立

芮為衡山王都邾湖廣黃州府黃岡縣戊戌漢徙王長沙

右三王與亾詳列國門漢異姓諸王章

遼東王韓廣本自立為燕王也項羽徙為遼東王都無終今永平府七五縣

胡氏曰無終縣屬北平郡非遼東郡界蓋羽令韓廣都於無終而

令併王遼東之地故也

右詳前章

齊王田都齊王市將也從項羽救趙因從入關故立為齊王都臨菑

膠東王田市本自立為齊王也項羽徙為膠東王都即學

濟北王田安故齊王建孫也項羽方渡河救趙安下濟北數城引其

兵降羽故立安為濟北王都博陽今山東東平府

西魏王豹本自立為魏王也本都梁項羽欲自取梁地故徙豹為西

魏王王河東都平陽今山西平陽府

代王歇本自立為趙王也本都襄國項羽徙為代王

韓王成本自立為韓王也項羽分王諸侯惟成如故都陽翟

史記索隱曰姚氏云韓成是項梁所立不與七國封表云十八王

並項羽所命不細區別又高紀云項羽與成至彭城廢為侯又殺

之是不令就國當以陽翟為都而不之其所封國也

右六王與亾詳列國餘分

韓王鄭昌故吳令也乙未秋七月項籍殺韓王成九月立昌為韓王

冬十月昌降漢凡欄王二年

之虛號孰與奕世之實封豈俱能如項籍田橫之不屈志哉識有短長亦若天所限云

漢更始帝劉玄
許帝主餘分

成公孫述章

成主公孫述字子陽扶風茂陵人也其先武帝時以吏二千石自無鹽徙焉述父仁成帝末爲侍御史哀帝時述以父任爲太子舍人稍增秩爲郎後仁爲河南都尉而述補清水長王莽天鳳中爲導江卒正居臨邛壬午秋七月漢宗室劉縯及弟光起兵春陵興復帝室新市平林兵皆附之癸未二月新市平林諸將共立更始將軍爲二大破莽兵八月更始立爲帝南陽宗成起兵徇漢中以應漢戍至成都虜掠暴橫述謂郡中豪傑曰天下同苦新室思劉氏久矣故聞漢將軍到馳迎道路今百姓無辜而婦子係獲此寇賊非義兵也乃因詐爲漢使拜述益州牧擊成殺之而并其衆甲申七月更始遣李寶益忠等將兵徇蜀漢述遣其弟恢迎擊於綿竹大破走之由是威震益部述遂自立爲蜀王成都民夷皆附之乙酉四月述自稱成帝號元龍與六月光武卽位于鄗建武六年庚寅四月遣耿种等七將軍從隴道伐蜀而隗囂反使其將王元據隴坻諸將與戰大敗而還囂降蜀述以爲寧朔王囂卒子純立甲午十月隗純降漢王元奔蜀隴右悉平乙未三月遣吳漢等將兵伐蜀述遣王元拒之河池而元以其衆降丙申十月吳漢大破蜀兵進攻成都述引兵出戰漢使護軍高午等擊之述兵大亂午奔陳刺述洞胷墮馬左右輿入城述以兵屬延岑其夜死明日岑以城降漢夷述妻子盡滅公孫氏并族延岑述據成都凡十四年稱帝十二年

綱目癸未秋公孫述起兵成都甲申秋公孫述自稱蜀王乙酉夏四月公孫述稱帝于蜀六月蕭王卽皇帝位于郾建武十二年冬十一月吳漢進軍攻成都公孫述引兵出戰吳漢擊殺之延岑以成都降

天水隗氏章

寧朔王隗囂字季孟天水成紀人也少仕州郡王莽時劉歆引爲士歆歿囂歸鄉里季父崔素豪俠能得衆癸未秋崔聞更始立而莽兵連敗乃與兄義等同起兵以應漢囂止之不聽遂聚衆數千人攻平襄殺莽鎮戎大尹李育崔等以囂素有名好經書共推爲上將軍囂辭讓不得已乃遣使聘方望以爲軍師攻元漢復移檄數莽罪惡勒兵十萬擊殺雍州牧陳慶分遣諸將徇隴西諸郡皆下之九月漢兵

入長安誅王莽甲申二月更始都長安遣使徵囂囂至以爲右將軍乙酉六月光武卽位于郾長安亂更始敗走囂走歸天水十二月囂據天水自稱西州上將軍戊子十日囂遣馬援奉書入見己丑十二月囂自稱西伯議欲稱王鄭興諫乃止乃遣其子恂詣闕帝以爲胡騎校尉庚寅四月帝遣耿弇等七將從隴道伐蜀五月囂反使其將王元據隴坻諸將與戰大敗而還十二月囂遣兵下隴馮異祭遵擊破之囂遂降蜀辛卯正月公孫述立囂爲朔寧王壬辰四月帝自將征囂衆皆降囂將妻子奔西域公孫述遣將王元周宗將兵救囂迎囂以歸冀癸巳正月囂病且餓粲糗糒志憤而卒

綱目癸未秋成紀隗囂起兵應漢更始甲申春二月徵隗囂爲右將軍建武元年乙酉秋九月鄧禹承制以隗囂爲西州大將軍四

冬十月隗囂遣馬援奉書入見十二月公孫述遣兵屯陳倉隗囂遣兵助馮異擊破之述遣使招囂囂斬其使六年夏五月隗囂反冬十二月隗囂降蜀七年春二月公孫述立隗囂為寧朔王八年壬辰夏四月帝自將征囂囂眾皆降囂奔西域六月尹氏曰君子樂成人之美故不以其終之惡而并沒其始之善觀綱目所書隗囂遣兵助馮異與斬公孫述之使等語皆以示予也使囂始終若此亦何不可之有惜哉

嗣王隗純囂之少子囂卒王元周宗立純為王總兵據冀公孫述遣將趙匡田弇助純帝使馮異擊之八月來歙率異等討純田甲午八月帝如長安遂至汧純將高峻降十月來歙等攻破落門周宗行巡苟宇趙恢等將純降王元奔蜀徙諸隗於京師以東後純與賓客入胡至武威捕得誅之

天台胡氏曰隗純降而徙其族以其西州疆宗恐其後復能為變也

綱目建武九年癸巳春正月隗囂死諸將立其子純十年甲午冬十月來歙等攻破落門隗純降隴右悉平

右隗氏據天水稱王二世凡四年自起兵至滅共十二年

楚黎秦豐章

楚黎王秦豐即人辛巳秋豐起兵南郡攻得邛宜城等十餘縣有眾萬人甲申十二月豐據黎丘自號楚黎主丁亥六月延岑攻南陽大將軍耿弇擊破之岑走東陽與豐合豐以女妻之大將軍朱祐祭遵等與岑戰於東陽破之岑走歸豐祐遂南與岑彭等軍合七月豐擊

岑彭於鄧彭擊破之進圍豐於黎丘戊子冬岑彭攻豐三歲斬首九萬餘級豐餘兵裁千人食且盡十二月帝幸黎丘遣使招豐豐不肯降乃使朱祐等代岑彭圍黎丘使岑彭南擊田戎己丑六月朱祐急攻黎丘豐窮困出降檻車送雒陽誅之

綱目辛巳莽地秋南郡秦豐兵起甲申冬秦豐據黎丘自稱楚黎

王光武建武四年戊子十二月帝如黎丘遣將軍朱祐圍秦豐三年

己夏六月秦豐降斬之

卮言曰南郡今荊州府黎丘城名在襄陽府宜城縣東東漢書卮
縣一有此城

淮南王李憲穎川許昌人莽時為廬江屬令莽末江賊王州公等起眾十餘萬攻掠郡縣莽以憲為偏將軍廬江連率擊破州公莽敗憲

據郡自守癸未十一月憲自稱淮南王丁亥十一月憲稱帝置百官

擁九城眾十餘萬廬江十二城憲所得者九城耳庚寅正月馬成等拔舒獲憲憲據

廬江稱帝四年稱王四年

綱目癸未冬十月莽廬江連率李憲據郡稱淮南王建武三年丁亥

冬十一月李憲稱帝于廬江四年戊子秋八月帝如壽春遣將軍馬

成擊李憲九月圍舒

卮言曰綱目書李憲據郡稱王而不書其敗亦不見漢何時平淮南惟建武六年正月依通鑑所書吳漢等拔胸斬董憲龐萌江淮東山悉平按范紀是年馬成等拔舒獲李憲吳漢等拔胸斬董憲龐萌蓋獲李憲則江淮平斬董憲龐萌則山東平也拔胸之上逸拔舒事蓋以二憲之誤而綱目無所改正乃見考核之難也廬江

卽今廬州府

邯鄲王昌章

王昌一名郎趙國邯鄲人素爲相工明星曆常以爲河北有天子氣時趙繆王元子林好奇數任俠於趙魏間多通豪猾而郎與之親善王莽時長安中有自稱成帝子子與者莽殺之卽緣是詐稱真子與云毋故成帝謳者嘗見黃氣從上下遂任身趙后欲害之僞易他人子以故得免識命者郎中李曼卿與俱至蜀十七到丹陽二十還長安展轉山中來往燕趙以須天時林等信之乃與趙國大豪李育張參等通謀共立郎會民間傳赤眉將度河林等因此宣言赤眉當立劉子輿以觀衆心百姓多信之癸未十二月林等遂率車騎數百晨入邯鄲城止于王宮立郎爲天子林爲丞相分遣將帥徇下幽冀移

檄州郡曰制詔部刺史郡太守曰朕孝成皇帝子子輿者也昔遭趙氏之禍因以王莽篡殺賴知命者將護朕躬解形河濱削迹趙魏王莽竊位獲罪于天天命佑漢故使東郡太守翟義嚴鄉侯劉信擁兵征討出入胡漢普天率土知朕隱在人間南嶽諸劉爲其先驅朕仰觀天文乃興于斯以今月壬辰卽位趙宮休氣薰烝應時獲雨蓋聞爲國子之襲父古今不易劉公聖公未知朕故且持帝號諸與義兵咸以助朕皆當裂土享祚子孫已詔聖公及翟太守丞與功臣詣行在所疑別史二千石皆聖公所置未覩朕之沈滯或不識去就強者負力弱者惶惑今元元創煨已過半矣朕甚悼焉故遣使者班下詔書郎以百姓思漢旣多言翟義不死故詐稱之以從人望於是趙國以北遼東以西皆望風響應甲申春二月更始遷都長安光武爲

大司馬北徇薊耿况遣其子弇詣長安至宋子會王郎起從吏曰子
興成帝正統捨此不歸遠行安之弇按劍曰子興弊賊卒爲降虜耳
我至長安東漁陽上谷兵馬歸發突騎以鱗鳥合之衆如摧枯折腐
耳公等不識去就族滅不義也弇聞光武在奴廬乃馳北上謁光武
留署長史與俱北至薊而薊中反應王郎城內擾亂光武於是趣出
城晨夜南馳至南宮弇與光武相失北走昌平說其父况擊邯鄲時
郡國皆已降王郎獨信都太守任光和戎太守邳彤不肯光自恐不
全聞光武至大喜彤亦來會光乃發傍縣得精兵四千八以從劉植
耿純等皆來迎光武衆稍合至萬人北擊中山進拔盧奴所過發奔
命移檄邊郡共擊邯鄲郡縣還復響應光武引兵東北拔廣阿而耿
弇以上各漁陽兵行定郡縣會光武於廣阿光武以其將寇恂吳漢
等爲將軍時更始遣謝躬率六將軍討郎不能下光武與合軍圍鉅
鹿郎遣將宗宏救鉅鹿光武戰不利景丹等縱兵擊之大敗四月進
軍邯鄲連戰破之郎使杜威請降威稱郎實成帝遺體光武曰假使
成帝復生天下不可得况詐子與者乎威求萬戶侯光武曰頭得全
身可矣威怒而去光武急攻之五月拔邯鄲郎走追斬之凡稱帝五
月

綱目癸未十二月王郎稱帝於邯鄲狗下幽冀甲申春二月薊城
反應王郎大司馬秀走信都和戎發兵擊邯鄲大司馬秀拔廣阿
夏四月進拔邯鄲斬王郎

代盧芳章

代王盧芳字君期安定三水人居左谷中王莽之世天下咸思漢德

芳由是詐稱武帝曾孫劉文伯云曾祖母匈奴谷蠡渾邪王之姊爲
武帝皇后生三子遭江充之亂太子誅皇后坐死中子次卿孫亡之
長陵小子田卿逃於左谷霍將軍立次卿迎回卿回卿不出因居左
谷生子孫卿孫卿生文伯常以是言狂惑安定間王莽末乃與三水
屬國羗戎起兵更始至長安徵芳爲騎都尉使鎮撫安定以西更始
敗三水豪傑共計議以芳劉氏子孫宜承宗廟乃共立芳爲上將軍
西平王時乙酉歲光武已卽帝位使使與西羗匈奴結和親單于曰匈奴本與漢
約爲兄弟後匈奴中衰呼韓邪單于歸漢漢爲發兵擁護世世稱臣
今漢亦中絕劉氏來歸我亦當如呼韓邪立之令尊事我乃使匈奴
二將數千騎迎芳兄弟入匈奴立芳爲漢帝以程爲中書郎將將胡
騎還入安定初五原人李興隋昱朔方人田颯代郡石賁閔堪各

起兵自稱將軍戊子歲單于遣無樓且渠王入五原塞與興等和親

欲令芳還漢地爲帝己丑冬興等引兵至單于庭迎芳十二月與俱

入塞都九原縣

宋勝州銀城縣

掠有五原朔方雲中定襄鴈門五郡並置守

令與胡通兵侵苦北邊庚寅十二月馮異破隗囂於隴進軍義渠擊

破芳將賈覽匈奴奧鞬日逐王北地上郡安定皆降辛卯冬芳以事

誅其五原太守李興兄弟其朔方太守田颯雲中太守喬扈各舉郡

降癸巳六月吳漢率王常等四將軍兵五萬餘人擊芳將賈覽閔堪

於高柳匈奴救之漢軍不利於是匈奴轉盛鈔暴日增甲午正月吳

漢復率王霸等四將軍六萬人出高柳擊賈覽匈奴數千騎救之連

戰於平城下破走之丙申十二月芳與匈奴烏桓連兵數寇邊帝遣

杜茂等將兵鎮守北邊治飛狐道築亭障修烽燧凡與匈奴烏桓大

小數十百戰終不能克丁酉二月芳攻雲中久不下其將隋昱留守
九原欲脅芳來降芳知之與十餘騎入匈奴其衆盡歸隋昱昱乃
詣闕降詔拜昱五原太守己亥冬芳自匈奴復入居高柳帝使張堪
擊破匈奴於高柳以堪爲漁陽太守庚子九月芳與閔堪使使請降
帝立芳爲代王堪爲代相賜繒二萬匹因使和集匈奴芳上疏謝自
陳思望闕庭詔報芳朝明年正月初匈奴聞漢購求芳貪得財物故
遣芳還降旣而芳以自歸爲功不稱匈奴所遣單于復址言其計故
賞遂不行由是大恨入寇尤深芳入朝南及昌平有詔止令更朝明
壬寅五月芳自昌平還內自疑懼遂復反與閔堪相攻連月匈奴遣
數百騎迎芳出塞芳留匈奴中十餘年病死

綱目建武元年乙酉秋九月安定人盧芳詐稱漢宗室匈奴迎之立

以爲漢帝五年十二月盧芳入塞掠據五部七年冬十二月馮異

擊盧芳匈奴降之十二年冬十二月盧芳與匈奴烏桓連兵寇邊

十三年春正月盧芳奔匈奴己亥冬十二月盧芳復入居高柳十

六年冬十月盧芳降立以爲代王十九年壬寅夏五月盧芳復反奔

匈奴

劉氏曰綱目書蠻夷立以爲帝者三匈奴於盧芳突厥於楊政道
契丹於石敬瑭事成惟敬瑭耳定楊不與焉王莽時書匈奴分道
入塞不書入寇賊莽也此書入塞何未忍以狄狄芳也至與匈奴
烏桓連兵犯塞則書寇矣

卮言曰匈奴以盧芳稱帝旣降漢而復反是寇盜也而系之僭國
者帝初卽位僭亂未盡平而芳以此時僭號匈奴間是與王郎等

耳

齊張步章

齊王張步字文公琅邪不其人漢兵之起步亦聚眾數千人攻旁縣下數城自為王威將軍遂據本郡更始遣魏郡王閎為琅邪太守步拒之不得進閎為檄曉喻使人降得顛榆等六縣收兵數千人與步戰不勝甲申冬十月梁王劉永據國起兵拜步輔漢大將軍忠節侯督青徐二州使征不從命者步受其爵號乃治兵于劇今青州壽光縣遣將徇太山東萊城陽膠東北海濟南齊諸郡皆下之步拓地寢廣兵甲日盛王閎懼其眾散乃詣步相見欲誘以義方步大陳兵引閎怒曰曰步有何過君之前見攻之甚乎閎按劍曰太守奉朝命而文公擁兵相距闕攻賊耳何謂甚耶步默然良久離席跪謝乃陳樂獻酒待

以上賓之禮令閎關掌郡事

關通也

乙酉夏六月光武即位于鄗丙戌

四月遣將軍蓋延擊梁八月克睢陽永敗走胡陵帝使太中大夫伏隆持節使青徐招降郡國步聞永破遣其掾隨隆詣闕請降十一月帝復遣伏隆使齊拜步為東萊太守并新除青州牧守都尉俱東隆輟拜令長以下丁亥二月永聞伏隆至劇亦遣使立步為齊王步貪王爵猶豫未決隆曉譬曰高祖與天下約非劉氏不王今可得為十萬戶侯耳步欲留隆與共守二州隆不聽求得反命步遂執隆而受永封是時帝方北憂漁陽南事梁楚故步得專集齊地據郡十二焉步據城陽琅邪高密膠東萊北海齊于乘濟南平原泰山菑川十二郡已丑二月吳漢耿弇擊富平獲索於平原大破之帝因詔弇進討步十月步聞耿弇將至使其大將軍費邑軍歷下又令兵屯祝阿別

於泰山鍾城列營數十以待之。弇渡河先擊祝阿，拔之。鍾城聞祝阿已潰，大恐，空壁亾去。費邑分遣弟敢守拒里，弇進兵先攻巨里，邑自將精兵來救，弇迎擊，大破之。臨陳，斬邑。費敢悉眾亾歸，步弇復縱兵擊諸未下者，平四十餘城。遂定濟南。時步都劇使其弟藍將精兵二萬守西安，諸郡太守合萬餘人守臨菑，相去四十里。弇攻臨菑，拔之。藍聞之，懼，遂將其眾亾歸。劇弇乃令軍中無得虜掠，須張步至，乃取之。以激怒步步，聞大笑曰：「尤來大彤十餘萬眾，吾皆卽其營而破之。今大耿兵少於彼，又皆疲勞，何足懼乎？」乃與三弟藍、弘、壽及故大彤渠帥重異等兵號二十萬至臨菑。大城東攻弇，於是弇先出菑水上，與重異遇，弇故示弱以盛其氣，乃引歸小城，陳兵於內，使劉歆、陳俊分陳於城下。步氣盛，直攻弇營，與歆等合戰。弇引兵出戰，大破之。明日復勒兵出，大戰破之。步引去，弇伏兵縱擊，追至鉅昧水上八九十里，僵尸相屬，收得輜重二千餘兩。步還，劇兄弟各分兵散去。後數日，車駕至臨菑，自勞軍，謂弇曰：「昔田橫烹鄒生，及田橫降，高帝詔衛尉不聽，爲仇張步前亦殺伏隆。若步來歸，命吾當詔大司徒釋其怨事，尤相類也。」帝進幸劇，復追張步步犇平壽，蘇茂將萬餘人來救之。茂讓史曰：「以南陽兵精，延岑善戰，而耿弇走之，大王奈何就攻其營？」旣呼茂不能待，弇步曰：「負負無可言者。」帝遣使告步，茂能相斬降者，封爲列侯。步遂斬茂，詣弇軍門降。弇傳詣行在所，而勒兵入據其城。樹十二郡旗鼓，令步兵各以郡人詣旗下，眾尚十餘萬。輜重七千餘兩，皆罷遣歸鄉里。步三弟各自繫所在，獄詔皆赦。封步爲安丘侯，與妻子居雒陽。於是琅邪未平，帝徙陳俊爲琅邪太守，耿弇復引兵至。

城陽降五校餘黨齊地悉平

綱目建武二年丙戌秋八月青徐羣盜張步等降冬十一月遣光祿

大夫伏隆拜張步為東萊太守三年春二月劉永立張步為齊王

步執伏隆殺之五年己丑春二月耿弇進討張步冬十月耿弇拔祝

阿濟南臨菑與張步戰大破之帝勞弇軍步斬蘇茂以降齊地悉

平

劉氏曰世祖之篇非反者不書討步也其書討何步既降矣復

殺使者非反而何故從反例書討

胡氏曰地里志劇縣屬北海郡春秋紀國之地杜佑曰漢劇縣

故城在壽光縣南

綱目集覽之劇菑川國邑張步都此故城在青州壽光南三十里

海西董憲章

海西王董憲東海人壬午夏憲起兵據郡為赤眉別校甲申冬劉永

據梁承制拜憲大將軍與之連兵丙戌夏永稱帝丁亥二月立憲為

海西王己丑二月帝遣龐萌與蓋延共擊憲萌反襲延軍破之與憲

連和自號東平王屯桃鄉之北帝自將討之六月憲與劉紆蘇茂佼

彊去下邳還蘭陵使茂彊助龐萌圍桃城不能下帝率眾軍進救桃

城親自搏戰大破之龐萌蘇茂佼彊夜走從憲七月帝幸胡陵憲與

劉紆悉其兵數萬人屯昌慮憲招誘五校餘賊與之拒守建陽帝至

蕃五校引去帝乃親臨四面攻憲三日大破之佼彊將其眾降蘇茂

犇張步憲及龐萌走保邳八月帝幸邳留吳漢攻之車駕轉徇彭城

下邳吳漢拔邳憲萌走保胸梁人斬劉紆以降吳漢進圍胸十月耿

弇大破張步帝勞弇軍步斬蘇茂以降齊地悉平庚寅正月吳漢等

拔胸斬憲及龐萌山東悉平

綱目建武三年^{丁亥}春二月劉永立董憲爲海西王五年春二月遣

將軍龐萌擊董憲萌反帝自將討之夏六月董憲劉紆使蘇茂救

龐萌帝自將擊破之憲萌奔胸六年^{庚寅}春正月吳漢等拔胸斬董

憲

東平王龐萌詳後亂賊門

燕王彭寵詳後亂賊門

汝寧延岑章

汝寧王延岑字叔牙南鄭人更始二年甲申春三月岑起兵據漢中

漢中土嘉擊降之有衆數十萬光武建武二年丙戌春二月岑復反

圍南鄭漢中王嘉兵敗走岑遂據漢中進兵武都爲更始將李寶所

破岑走天水公孫述遂取南鄭嘉擊之不利岑引兵入散關至陳倉

嘉追擊破之述遣將從閬中下江州東據扞關於是盡有益州之地

冬十月赤眉復入長安岑屯杜陵赤眉將逢安擊之岑擊安大破之

死者十萬餘人廖湛將赤眉復入長安萬攻漢中王嘉嘉破殺湛詣

鄧禹降丁亥正月漢將馮異大破赤眉於峭底帝自將至宜陽劉盆

子降漢時岑旣破赤眉即拜置牧守欲據關中關中衆寇猶盛岑據

藍田張邴據長安任良據鄜呂鮪王歆等各稱將軍分據郡縣擁兵

多者萬餘人少者數千人轉相攻擊馮異且戰且行屯軍上林苑中

岑引張邴任良共擊異異擊大破之諸營保附岑者皆來降岑遂自

武關走南陽馮異遂平關中夏六月岑攻南陽得數城耿弇與戰於

穰大破之岑與數騎走東陽與秦豐合豐以女妻之朱祐祭遵等

與岑戰於東陽破之岑走歸秦豐岑護軍鄧仲况擁兵據陰縣蘇竟以書說之仲况遂降四年戊子春二月岑復寇順陽縣屬南陽郡遣鄧禹將兵擊破之岑奔漢中公孫述以岑為大司馬封汝寧王十二年丙申冬吳漢伐蜀公孫述困急謂岑曰事當奈何岑曰男兒當死中求生可坐窮乎財物易聚耳不宜有愛述乃散財募士悉以配岑十一月漢兵擊述敗之述以兵屬岑其夜死明旦岑以城降岑據漢中五年降蜀稱王九年

綱目甲申

更始二年

春二月延岑據漢中漢中王嘉擊降之建武二年

丙戌

春二月延岑反據漢中公孫述擊取之王 春三月馮異擊延

岑破之岑走南陽四年春遣鄧禹將兵破之岑奔蜀五年秋七月吳漢進軍攻成都十一月公孫述出戰吳漢擊殺之延岑以成都降

翼江田戎章

翼江王田戎汝南人更始二年甲申冬十二月戎攻陷夷陵自稱掃地大將軍轉寇郡縣衆數萬人是時秦豐起黎丘自號楚黎王戎與豐合豐以女妻之丁亥秋七月征南大將軍岑彭擊豐破之進圍黎丘戊子春二月戎聞秦豐破恐懼欲降其妻兄辛臣圖彭寵張步董憲公孫述等所得郡國以示戎曰雒陽地如掌耳不如且按甲以觀其變戎曰以秦王之強猶為征南所圖吾降决矣乃留辛臣使守夷陵自將兵沿江沂沔上黎丘辛臣於後盜戎珍寶從間道先降於岑彭而以書招戎曰宜以時降無拘前計戎疑臣賣已灼龜卜降兆中折遂復反與秦豐合岑彭擊破之戎亡歸夷陵己丑春三月岑彭

攻拔夷陵戎入蜀盡獲其妻子士眾數萬人公孫述以戎為翼江
王庚寅春正月戎與延岑數請兵立功述疑不聽三月述使戎出江

關巴楚相攻故置江關對白帝城下臨沮夷陵間二縣屬招其故眾

欲以取荊州不克癸巳春正月述遣戎與其大司徒任蒲南郡太守

程汎將數萬人下江關擊破漢將馮駿等軍遂拔巫及夷道夷陵巫縣

亦屬南郡因據荊門虎牙二山名山石壁色紅間橫江水起浮橋關樓立

橫柱以絕水道叢木為柱結營跨山以塞陸路拒漢兵乙未春三月

岑彭屯津鄉數攻戎等不克帝遣吳漢率劉隆等三將發荊州兵與

彭會荊門閏月彭令軍中募攻浮橋先登上賞於是魯奇應募而前

時東風狂急因飛炬焚之橋樓崩燒岑彭悉軍並進蜀兵大亂遂斬

任蒲生獲程汎而戎走保江州彭率眾長驅入江關到江州以其城

固糧多難卒拔留馮駿等攻之自引兵乘利直指墊江十月述使刺

客詐偽亡奴刺殺岑彭丙甲春正月吳漢大破蜀兵遂拔廣都秋七

月馮駿拔江州獲戎戎據夷陵六年奔蜀稱王七年

綱目甲申更始二年冬田戎陷夷陵轉寇郡縣建武四年戊子十二月帝

如黎丘遣將軍岑彭擊田戎五年春三月岑彭攻拔夷陵田戎奔

蜀九年春正月公孫述遣兵陷夷陵十二年丙申秋七月將軍馮駿

拔江州獲田戎

更始分封諸國章

泚陽王王匡新市人新市縣屬江夏郡莽天鳳四年丁丑六月荊州饑饉民

眾入野澤掘鳧苾而食之更相侵奪匡與王鳳為平理諍訟遂推為

渠帥眾數百人於是諸亡命者馬武王常成丹等皆往從之共攻離

鄉聚藏於綠林山中數月間至七八千人辛巳春荊州牧彧奔命二萬人攻之匡等逆擊於雲杜大破牧軍鉤牧車屏泥刺殺其驂乘然終不敢殺牧遂攻拔竟陵安陸多掠婦女還入綠林中至有五萬餘口壬午四月綠林兵遇疾疫死者且大半乃各分散王常等西入南郡號下江兵匡等北入南陽號新市兵皆自稱將軍莽遣嚴尤等擊之秋七月匡等進攻隋平林人陳牧廖湛等復聚衆號平林兵以應之是時光武皇帝與兄縯起兵舂陵使族人嘉招說新市平林兵鳳等從之合兵西擊長聚進屠唐子鄉又殺湖陽尉進拔棘陽至小長安聚與甄阜梁丘賜戰漢兵數敗鳳等各欲解去會下江兵至宜秋縯造其將王常壁說以合從之利常卽引兵與漢軍及新市平林合癸未正月攻甄阜梁丘賜誅之遂圍宛時劉玄在平林兵中號更始將軍諸將議立劉氏以從人望南陽豪傑及常等皆欲立縯而新市平林將帥貪玄懦弱定策立之二月亥卽帝位以匡爲定國上公三月光武與王鳳等徇下昆陽大破莽軍殺王尋莽使太師王匡國將哀章守洛陽八月更始遣匡攻洛陽申屠建李松攻武關松等入關至長安諸軍共攻莽殺之九月匡拔洛陽生縛莽太師王匡哀章皆斬之十月更始都洛陽甲申二月更始遷都長安封匡爲泚陽王匡與張卬橫暴三輔所授官爵皆羣小賈堅關中離心赤眉西入關更始使匡與成丹等分據河東弘農以拒之乙酉春鄧禹擊破河東進圍安邑赤眉會弘農擊敗丞相李松轉北至湖六月光武卽皇帝位鄧禹圍安邑未下匡等合軍擊禹敗之明日癸亥匡等以六甲窮日不出禹因得更治兵甲子匡悉軍攻禹禹擊走之匡等犇還長安更

始使匡等屯新豐以拒赤眉張卬等謀劫更始掠長安東歸南陽更始不從將誅之卬等遂勒兵入宮更始戰敗奔新豐更始疑匡等與卬同謀乃並召入成丹等先至卽斬之匡懼將兵入長安與卬等合赤眉立劉盆子爲帝引兵西向八月更始與李松趙萌等共攻匡等於長安連戰月餘匡等敗走更始復入長安赤眉至高陵匡等迎降之遂共連兵攻長安克之更始敗走奔高陵遂降赤眉爲卬等所殺丁亥二月帝大破赤眉降之匡不知所終匡凡稱王三年

宜城王王鳳新市人莽末與王匡起新市壬午十月光武及兄續起春陵鳳等與之合兵攻拔棘陽遂圍宛癸未二月更始立爲帝以鳳爲成國上公使鳳與光武徇昆陽定陵鄧皆下之光武使鳳守昆陽自與李軼等收兵共破莽軍王莽旣誅更始入都長安封鳳爲宜城

王

鄧王王常潁川舞陽人初與張卬馬武等從王匡於綠林中其後分散常等西入南郡號下江兵漢兵起春陵與新市平林合兵進攻宛爲莽軍所敗光武兄弟及李通造其壁見常說以合從之利常卽率衆與漢合兵共攻莽將甄阜等斬之遂圍宛諸將立更始爲帝以常爲廷尉大將軍封知命侯別徇汝南沛郡還入昆陽與光武共擊破王尋王邑更始西都長安封常爲鄧王行南陽太守事及光武卽位更始爲赤眉所滅常詣洛陽降封山桑侯

詳列國門功臣侯章

膠東王朱鮪新市人初與王匡等起兵新市自稱將軍癸未春與漢兵合破莽軍更始立爲帝以鮪爲大司馬更始誅劉稷劉續固爭鮪與李軼因勸更始執續殺之更始都洛陽欲令親近大將徇河北大

司徒賜言文叔

光武之字

可用鮪以為不可賜深勸之更始乃遣光武甲

申春更始都長安李松等說更始宜悉王諸功臣鮪爭之以為高祖

約非劉氏不王更始乃先封諸宗室為王然後立諸將為王鮪為膠

東王鮪辭曰臣非劉宗不敢干典遂讓不受乃以為大司馬使與李

軼等鎮撫關東光武為蕭王遣鄧禹西入關時鮪與李軼田立陳僑

將兵號三十萬與河南太守武勃共守洛陽蕭王拜寇恂河內太守

馮異為孟津將軍統兵河上以拒洛陽馮異遣李軼書為陳禍福勸

令歸附蕭王軼與通書不復與異爭鋒異破斬武勃軼閉門不收鮪

聞之使人刺殺軼乃遣其將蘇茂賈彊將兵三萬餘入度鞏河攻溫

鮪自將數萬人攻平陰以綴異寇恂擊蘇茂破之馮異亦渡河擊鮪

鮪走異與恂追至洛陽而歸六月蕭王即皇帝位于鄴南秋七月帝

遣吳漢等十一將軍圍鮪于洛陽九月赤眉入長安更始敗走諸將

圍洛陽數月鮪堅不下帝以廷尉岑彭嘗為鮪校尉今往說之鮪在

城上彭在城下為陳成敗鮪曰大司徒被害時鮪與其謀又諫更始

無遣蕭王北代誠日知罪深不敢降彭還具言於帝帝曰舉大事者

不惜小怨鮪今若降官爵可保况誅罰乎河水在此吾不食言彭復

往告鮪鮪從城上下索曰必信可乘此上彭趣索欲上鮪見其誠即

許降辛卯鮪面縛與岑彭俱詣河陽帝解其縛召見之復令彭夜送

鮪歸城明日與蘇茂等悉其眾出降拜鮪為平狄將軍封扶溝侯後

為少府傳封累世

詳列國門功臣侯章

平氏王申屠建不知何許人漢兵起更始立為帝以建為西屏大將

軍使將兵攻武關莽既誅建自長安迎更始遷都長安立建為平氏

王赤眉西入關更始遣兵拒之師敗張卬廖湛胡殷等與建謀共劫更始掠長安東歸南陽謀泄爲更始所殺收凡稱王三年

陰平王陳牧平林人初與廖湛聚衆數千人號平林兵劉玄因徃從牧等爲其軍安集椽光武兄弟起春陵與諸郡合兵而進玄在平林軍中號更始將軍更始立爲帝遂以牧爲大司空遷都長安立爲陰平王赤眉西入關立劉盆子更始使牧與王匡等屯新豐拒之張卬申屠建等謀劫更始東奔事覺更始殺建卬遂勒兵攻更始更始兵敗奔新豐疑牧等與卬同謀乃收斬之凡稱王二年

淮陽王張卬新市人初與王匡朱鮪等起新市自稱將軍其後與漢兵合破莽軍卬與諸將議立更始爲帝劉續以爲宜且稱王以令諸將破莽降赤眉然後舉尊號諸將多曰善卬拔劍擊地曰疑事無功

今日之議不得有二更始卽位以卬爲衛尉大將軍更始都長安

立卬爲淮陽王與王匡等輔政橫暴三輔所授官爵皆羣小賈豎四方怨叛赤眉西入關卬與王匡守河東爲鄧禹所破莽還長安卬與諸將議曰赤眉且至見滅不久不如掠長安東歸南陽事若不集復入湖池中爲盜耳更始不從卬等謀劫更始謀泄遂勒兵掠東西市戰於宮中更始大敗東犇趙萌於新豐王匡將兵入長安與卬合八月更始與趙萌共攻卬等於長安連戰月餘卬等敗走赤眉至高陵卬等迎降之遂連兵入長安更始敗走冬十月更始降赤眉十二月三輔憐更始欲盜出之卬等深以爲慮使謝祿縊殺之

穰王廖湛平林人下江新市兵起湛與陳牧聚衆千餘人號平林兵以應之更始爲其軍安集椽號更始將軍更始立爲帝拜湛爲執金

吾大將軍更始入都長安立湛為穰王及赤眉西入關王匡張卬謀東奔申屠建及湛以為然入說更始不從乃謀劫更始成前計事覺遂與張卬等勒兵掠車西市更始大敗詳前湛後與王匡等同降赤眉為赤眉將兵攻順陽侯嘉兵敗為嘉所殺凡稱王二年

隨王胡殷不知何許人更始即位以為尚書更始入長安立殷為隋王赤眉西入關更始兵敗王匡張卬等欲掠長安東歸南陽復為羣盜更始不從卬乃與殷等謀劫更始事覺殷與卬等遂勒兵與更戰官中更始大敗殷後與王匡等降赤眉不知所終凡稱王三年

襄邑王成丹不知何許人丁丑秋丹與王常等從王匡於綠林中其後分散號下江兵癸未春與漢兵合破莽軍更始即以丹為水衡大將軍更始都長立丹為襄邑王赤眉西入關立劉盆子為帝更始遣

丹與王匡劉均等分據河東弘農以拒之乙酉春鄧禹擊破河東進圍安邑夏六月丹與王匡劉均等擊禹為禹所敗禹追斬均丹等還長安張卬謀掠長安東歸南陽更始不從復使丹與王匡等屯新豐以拒赤眉張卬欲劫更始以成前計勒兵入戰更始敗走東奔趙萌於新豐疑丹與卬等同謀召入斬之凡稱王二年

郾王尹尊不知何許人更始都長安封為郾王乙酉光武即皇帝位丙戌春帝召諸將議兵事以檄叩地曰郾最強誰當擊之賈復對曰臣請擊郾帝笑曰執金吾擊郾吾復何憂遂遣擊郾破之尊降凡稱

王二年

潁陰王宗佻不知何許人更始立以佻為驃騎大將軍都長安立為

潁陰王

佻事跡
史不載

西平王李通南陽宛人初與光武兄弟同起兵更始立以通爲柱國
大將軍輔漢侯更始都長安更拜通爲大將軍封西平王持節鎮荆
州更始爲赤眉所滅光武卽帝位都洛陽徵通爲衛尉封固始侯
舞陰王李軼通之從弟初與光武兄弟同起兵更始立以軼爲五威
中郎將與光武徇下昆陽更始都長安封爲舞陰王使與朱鮪共守
洛陽後爲鮪所殺

東漢末僭國篇

卮言曰東京之卓卽西京之莽也關東州郡起而討卓豈不凜凜
義舉哉卒之各據一方自爲私計而建國立號自袁術始僭端見
矣其後漢家之事去而鼎足之勢成隴西遼東先後稱王固不罪
其逆節而惜其計之不長也

壽春袁氏章

袁術字公路汝南汝陽人也高祖父安字邵公章帝時爲司徒安生
蜀郡太守京京弟敞爲司空京子湯爲太尉湯四子長子平蚤卒平
弟成字文開爲左中郎將壯健有部分貴戚權豪自大將軍梁冀以
下皆與結好言無不從京師諺曰事不諧問文開成弟逢爲司空逢
弟隗爲太傅自安以下四世居三公位由是勢傾天下

容衆無所揀擇賓客入其門無
賢愚皆得所欲爲天下所歸

魏書曰自安
以下皆博愛

諸公子飛鷹走狗後頗折節舉孝廉累遷至河南尹董卓廢立以術
爲後將軍術畏卓之禍出奔南陽獻帝初平庚午州郡起兵討卓推
術庶兄紹爲盟主術據南陽舉兵辛未董卓誅癸酉正月術兵爲曹
操所破術走壽春自領揚州事李傕入長安授術左將軍封陽翟侯

建安元年丙子秋帝還維陽曹操入朝遷帝于許丁丑二月術以讖言代漢者當塗高自以名字應之又以袁氏出陳為舜後以黃代赤德運之次遂有僭逆之謀聞孫堅得傳國璽拘堅妻而奪之議稱尊號主簿閻象進曰昔周自后稷至于文王積德累功三分天下有其二猶服事殷明公雖奕世克昌未若有周之盛漢室雖微未若殷紂之暴也術默然術聘處士張範範使其弟承謝之術謂曰孤以土地之廣士民之眾欲徼福齊桓比迹高祖何如承曰在德不在強夫用德以侑天下之欲雖曰匹夫之資而興霸王之功不足為難若苟欲僭擬干時而動眾之所棄誰能興之術不悅孫策聞之與術書言其不可術始料策必與已合及得其書愁沮發疾策遂絕之丁丑二月僭號於壽春自稱仲家置百官郊祀天地欲以金尚為太尉尚不許

而逃去術殺之

綱目正誤云當塗高乃曹魏之讖象魏闕名表術字公路亦以邑中道近於當塗之義故誤認為已兆也

五月以呂布為左將軍布擊術兵破之又以孫策為會稽太守討術九月曹操擊術走破之術既稱帝淫侈滋甚膳御數百無不兼羅紈厭梁肉自下饑困莫之收卹既而資實空盡不能自立已卯夏術乃燒宮室犇其部曲陳簡復為簡所拒士卒散走不知所為乃遣使歸帝號於紹袁譚迎術欲從下邳北過曹操遣劉備邀之復走壽春六月至江亭坐簣牀而歎曰袁術乃至是乎因憤慨歐血死術從弟胤率其部曲奉術柩及妻子犇廬江太守劉勳於皖城廣陵太守徐環得傳國璽獻之

綱目獻帝初平元年

庚午春三月長沙太守孫堅起兵討卓將軍袁

術據南陽表堅領陳州刺史四年

癸酉春正月袁術進兵封丘曹操

擊破之術走壽春自領揚州事建安二年丁丑春正月袁術稱帝夏五月以孫策爲會稽太守秋七月曹操擊袁術破走之四年己卯夏袁術北走詔劉備將兵邀之術還走歿

漢書論曰天命符驗可得而見未可得而言也然大致受大福者歸於信順乎夫事不以順雖強力廣謀不能得而言也謀不可得之事日失忠信變詐安生况復苟肆行之其以欺天乎雖假符僭稱歸將安所容哉

卮言曰袁術避董卓而出奔起義兵以討賊雖擁衆據郡未爲逆節及兵敗衆散乃謀僭號不亦悖乎是時州郡舉事者雖各懷異志卒未有稱王稱帝者而術始倡之難免僭亂之誅矣然而徒竊空名未攘大物益爭雄於曹氏非加暴於漢家故不與莽卓之徒

同類而戮也

綱目前書曹操遷帝于許下書袁術稱帝而不書其反其權衡審矣

遼東公孫氏章

遼東侯公孫度遼東襄平人也度父延避吏居玄菟任度爲郡吏時玄菟太守公孫域子豹年十八歲早死度少時名豹又與域子同年域見而親愛之遣就師學爲娶妻後舉有道除尚書郎稍遷冀州刺史以謚言免己巳歲同郡徐榮爲董卓中即將薦度爲遼東太守庚午四月度自立爲遼東侯平州牧甲申十二月曹操表爲武威將軍封永寧鄉侯度曰我自遼東何永寧也截印綬於武庫是歲卒

綱目初平元年

庚午夏四月以公孫淵爲遼東太守建安九年甲十

二月孫度卒子康襲行郡事

襄平侯公孫康度之子也度卒康嗣位丁亥以斬袁尚首送曹操拜

左將軍封襄平侯

平郭侯公孫恭康之弟也康卒子晃淵等皆小眾立恭為遼東太守曹丕伐漢篡位拜恭為車騎將軍封平郭侯

燕王公孫淵康之幼子也康卒弟恭立戊申歲淵脅奪恭位上書於

魏王言狀魏王拜淵遼東太守淵南通孫吳吳王立淵為燕王淵以

吳遠不可恃斬其使送魏魏王拜淵大司馬封樂浪公淵不遜丁巳

七月魏兵擊淵不利而還淵自立為燕王戊午八月魏太傅司馬懿

圍兵圍遼東淵走懿擊斬之誅其公卿以下及兵民七千人

綱目戊申

魏太和二年

冬十二月魏以公孫淵為遼東太守丁巳

魏景初元秋

七月魏擊遼東不利公孫淵自稱燕王戊午秋八月魏司馬懿克

遼東斬公孫淵

魏略曰始淵兄晃為恭任子在洛聞淵劫奪恭位謂淵終不可保

數自表請魏討淵及淵亡魏主欲全晃有司不可遂殺之

魏志曰度殘暴而不節淵仍業以載凶砥足覆其族也

抱罕宗建章

宗建隴西人在抱罕自稱河首平漢王

建以居河上流故稱河首

署置百官三十

許年建安甲午冬韓遂馬超既敗曹操因遣夏侯淵擊建斬之涼州

悉平

綱目建安十九年

甲午

秋抱罕宋建反冬十二月討斬之諸羗皆降

卮言曰漢書云宗建王抱罕二十許年不言其何時反也綱目

建安十九年書反夫董李之亂方夏崩沸抱罕僻在邊垂而建

據之暴亂無聞於寇盜者矣曹操擅漢二十年而後平之不得

以此時為反也惟以彈丸之地稱王其僭妄也甚矣抱罕河西地名今河州有抱罕縣

南北朝僭國篇

武都楊氏章

氏王楊茂搜本姓令狐氏略陽清水今陝西秦州清水縣氏也氏者西夷之別

種號曰白馬秦漢以來世居岐隴以南漢川以西自立豪帥漢武帝

滅之以其地為武都郡自汧渭抵巴蜀種類實繁或謂之白氏或謂

之故氏各有君長建安中有楊駒魏書作騰者為部落大帥計健多計略

始居仇池今陝西鞏昌府成縣仇池地方百頃因以為號仇池亦號百頃其旁平地二

十餘里四面斗絕高七里餘為羊腸蟠道三十六回而上至駒孫名

千萬者附魏封百頃王千萬孫名飛龍漸強盛徙居略陽漢分武都為天水郡

又改為漢陽郡又分置永陽郡晉泰始中更為略陽郡即今陝西秦州清水縣晉武帝假平西將軍飛龍

子茂搜其外甥也飛龍養為子惠帝元康丙辰冬茂搜避齊萬年之

亂自略陽率部落四千家還保仇池自號輔國將軍右賢王魏書曰晉愍帝

以茂搜為驃騎將軍左賢王通鑑不載關中人士避亂者多依之茂搜迎接撫納欲去

者衛護資遣之

綱目惠帝元康六年丙辰冬十二月略陽氏楊茂搜據仇池

武都王楊難敵茂搜長子戊寅十二月茂搜卒難敵襲位與弟堅頭

分領部曲難敵號左賢王屯下辨堅頭號右賢王屯河池壬午二月

趙主劉曜自將擊之難敵退保仇池稱藩於趙曜封為武都王

綱目元帝永昌元年壬午春二月趙封楊難敵為武都王

仇池王楊毅難敵子咸和甲午正月難敵卒毅嗣立自稱龍驤將軍

左賢王下辨公以叔父堅頭之子盤為冠軍將軍右賢王河池公遣使稱藩于晉下辨今鞏昌成縣

綱目成帝咸和九年甲午春正月仇池王楊難敵卒子毅嗣遣使來

稱藩

仇池公楊初毅族兄咸康丁酉初襲殺毅并有其眾自立為仇池公

稱臣於趙石虎永和丁未遣使稱藩於晉詔以初為雍州刺史仇池公

綱目成帝咸康元年丁酉楊初殺楊毅自稱仇池公附於趙穆帝永

和三年丁未楊初遣使稱藩詔以初為雍州刺史仇池公

仇池公楊國初子也永和乙卯春毅小弟宋奴使其姑子楊式王因

侍直手刃殺初國帥左右誅式王及宋奴復自立為仇池公桓温表

國為秦州刺史庾言曰通鑑云宋奴殺初自立為仇池公桓温表國為秦州刺史遺國誅宋奴一段國能討賊復讐宜錄

仇池公楊俊國從父永和丙辰俊殺國自立遣使稱藩於晉詔以後

為仇池國子安奔秦為吏部尚書

仇池公楊世俊丁升平庚申二月俊卒世自立為仇池公太和戊辰

世稱藩於晉以世為秦州刺史世弟統為武都太守世亦稱藩於秦

秦以為南秦州刺史

仇池公楊纂世子太和庚午世卒纂自立始與秦絕統與之爭國起

兵相攻咸安辛未二月秦以楊安為梁州刺史與西縣侯雅伐纂進

攻仇池統以武都之眾降秦纂面縛出降雅送纂於長安以統為南

徐州刺史加安都督南秦州鎮仇池徙其民於關中空百頃之地

綱目簡文帝咸安元年辛未春二月秦伐仇池克之執楊纂以歸

隴西武王楊定難敵之孫佛奴之子也初宋奴之死二子佛奴佛狗

逃奔於秦秦主堅以女妻定拜為尚書衛將軍太元乙酉慕容冲攻
 長安定被擒謀臣高蓋以為已子蓋伐後秦敗降定亡奔隴右復收
 集其舊眾堅弑其子丕稱帝晉陽定遣使謝罪丕以定為雍州牧定
 徙治歷城去仇池百二十里置儲蓄於百頃自稱仇池公遣使稱藩
 於晉詔因其所號假之其後又取天水略陽之地自稱秦州牧隴西
 王已丑後秦主登以定為丞相都督秦梁二州牧甲午冬定與後秦
 主崇共攻西秦王乾歸兵敗皆死

武都惠文王楊盛定從父佛狗之子先守仇池定死盛自稱仇池公
 遣使稱藩於晉乙未冬遣使請命詔拜仇池公公氏羗為二十部護
 軍各為鎮戍不置郡縣丙辰春盛攻秦拔祁山庚申春劉裕篡晉稱
 宋壬戌四月宋封盛為武都王初盛聞晉亡不改義熙年號謂世子

之曰吾老矣嘗終為晉臣汝善事宋帝

綱目孝武帝太元十九年

甲午

冬秦主崇及隴西王楊定攻西秦兵

敗皆死定弟盛遣使來稱藩二十一年冬封楊盛為仇池公安帝

義熙十二年

丙辰

春氏王楊盛攻秦拔祁山壬戌

宋永初三

夏四月宋封

楊盛為武都王

卮言曰綱目前書封楊盛仇池公矣繼書氏王楊盛攻秦本於

通鑑蓋盛已自王故曰氏王魏書又云晉封仇池王者誤

武都孝昭王楊玄盛子乙丑六月盛卒玄自稱秦州刺史武都王遣
 使來告喪始用元嘉年號宋主以玄為北秦州刺史武都王是年魏
 克長安玄遣使附魏丙寅十一月魏封玄為南秦王

綱目乙丑

宋元嘉三

夏六月武都王楊盛卒子玄立

會編作嗣

丁卯

魏始光西冬

十一月魏封楊玄為南秦王

卮言曰瓊山丘氏云楊盛亦夷也而書其卒何其聞晉亡不改義熙年號且有終為晉臣之言其慕華可尚也然綱目於楊氏亦多書其卒亂世僭王者亦書卒耳

大秦王楊難當玄弟也巳巳七月玄疾病欲以國授難當難當固辭請立玄子保宗而輔之玄卒保宗立難當妻姚氏勸難當自立難當乃廢保宗自稱秦州刺史武都王宋因而授之難當以保宗為鎮南將軍鎮宕昌以其子順為秦州刺史守上邽保宗謀襲難當事泄難當囚之癸酉秋魏主遣使封難當為南秦王十一月難當襲宋漢中據之甲戌春宋復取漢中難當奉表謝罪詔赦之乙亥難當擢保宗之囚使鎮童亭在上丙子三月難當自稱大秦王改元建義立王后

置百官皆如天子之制然猶貢奉宋魏不絕九月魏主遣將伐難當至畧陽難當懼請奉詔攝上邽守兵還仇池魏師還難當以其子順為雍州刺史鎮下辨巳卯三月保宗與兄保顯自童亭奔魏魏主以保宗為秦州牧武都王鎮上邽又詔鎮略谷復其本國妻以公主保顯為晉壽公壬午五月難當攻宋漢川宋遣兵擊之分兵攻武興下辨白水蘭臯皆取之難當奔上邽獲其兄子保熾又獲其子虎送建康斬之仇池平以胡崇之為北秦州刺史鎮其地立楊保熾為楊玄後使守仇池魏人迎難當詣平城稱兵為難當報仇

綱目巳巳宋元嘉六秋七月武都王楊玄卒弟難當廢其子保宗而自

立庚午夏六月宋以楊難當為武都王丙子魏太延二春二月楊難當

自稱大秦王秋七月魏伐楊難當於上邽降之巳卯春二月楊保

宗奔魏魏以武都王守上邽壬午夏五月宋擊楊難當于之

武都王楊保宗玄子

武都王楊文德保宗弟癸未正月魏兵至下辯胡崇之被擒魏取仇

池楊保熾走時保宗與魏河間公齊對鎮維谷文德說保宗令閉險

自固以叛魏或以告齊四月齊誘執保宗送平城殺之前鎮東司苻

達從事中郎任朮等皆楊氏官屬遂舉兵立文德為主據白崖在葭州分兵

取諸戍進圍仇池自稱秦河梁三州牧仇池公五月魏兵擊走之以

皮豹子為仇池鎮將文德遣使求援于宋宋以文德為北秦州刺史

武都王文德屯葭蘆城縣屬武陽以任朮為左司馬武都陰平氏多歸之

戊子正月魏將皮豹子帥諸軍擊文德文德兵敗棄城當漢中豹子

收其妻子僚屬及楊保宗所尚魏公主而還宋免文德官秩封土庚

寅冬宋主起文德為輔國將軍引兵自漢中西入搖動汧隴文德宗

人楊高帥陰平平武羣氏拒之文德擊高斬之陰平平武悉平宋梁

州刺史劉文之遣文德伐啖提氏不克執送荆州使文德從祖兄頭

成葭蘆文德尋為荆州督劉義宣所殺

綱目癸未宋元嘉二十年夏四月魏殺其武都王楊保宗秋七月

宋立楊文德為武都王戊子春正月魏人擊楊文德文德敗走漢

中宋免其官削爵土

武都王楊元和保宗子保宗之執也元和奔宋宋以元和雖楊氏正

統年幼才弱未正位號部落無定主其族父頭先成葭蘆母妻子弟

並為魏所執而為宋堅守無二心孝建丙申雍州刺史王玄謨請以

頭為西秦州刺史用安輯其眾俟元和稍長使嗣故業若元和才州

不爾便應歸頭頭能藩扞漢川使無虜患彼四千戶荒州殆不漢足
惜若葭蘆不守漢川亦無立理宋主不從其後以元和為武都曰水
太守元和遂據城歸魏魏封為武都王丙午七月元和微弱不能自
立棄國歸魏

綱目乙未

宋孝建二
魏太安元

冬十月宋以楊元和楊頭為將軍

武都王楊僧嗣元和從弟元和歸魏僧嗣復自立屯葭蘆蕭惠開攻
梁州僧嗣帥群氏斷其道以聞宋主以僧嗣為北秦州刺史武都王

綱目丙午

宋泰始二

秋七月宋以楊僧嗣為武都王

武都王楊文度僧嗣從弟癸丑十月僧嗣卒於葭蘆文度自立為武
興王遣使降魏魏以文度為武興鎮將丁巳十月文度遣其弟文弘
襲魏仇池陷之魏遣皮歡喜等擊之魏軍王建安王歷文弘棄城走

綱目癸丑

宋元徽元
魏延興三

冬十月武都王楊僧嗣卒弟文度立降魏丁

巳

宋昇明元
魏太和元

冬十月武都王楊文度襲魏仇池陷之

危言曰綱目書事亦多援筆而成未盡其義如楊僧嗣自號為
武興王非武都也魏但以為鎮將耳且降魏而叛之其襲魏當
去王號通鑑於楊盛攻秦書氏王於文度襲魏書氏帥更精

武都王楊文弘文度弟丁巳十二月魏皮歡喜拔葭蘆斬文度魏以
楊難當族弟廣香為陰平公葭蘆戍主仍詔歡喜築駱谷城文弘奉
表謝罪於魏遣子苟奴入侍魏以文弘為南秦州刺史武都王巳未
蕭道成篡宋稱齊辛酉文弘遣使請降於齊復以為北秦州刺史

綱目丁巳十二月魏拔葭蘆斬楊文度以其弟文弘為武都王

武都王楊後起難當之孫文弘兄子也巳未廣香降齊齊以為西秦

州刺史又以其子吳為武都太守廣香卒其眾半奔文弘半奔梁州
文弘遣後起進據白水庚申齊主以後起為北秦州刺史武都王鎮
武興雖授以官爵而陰敕晉壽太守楊公則使伺便圖之辛酉七月
文弘降齊九月卒諸子皆幼乃以後起為嗣魏以後起為武都王

綱目庚申

齊建元二

十一月齊以楊後起為武都王

武都安王楊集始文弘子後起嗣王集始為白水太守既而集始自
立為王後起擊破之丙寅正月後起卒齊主詔以集始為北秦州刺
史武都王後起弟後明為白水太守魏亦以集始為武都王集始入
朝於魏魏以為南秦州刺史壬申秋集始攻漢中齊梁州刺史陰智
伯擊破之集始走還武興請降於魏遂入朝於魏魏以為漢中郡侯
武興王丁丑二月魏以氏帥楊靈珍為南梁州刺史靈珍舉州降齊

遣其弟婆羅阿卜珍襲集始殺其二弟集同集眾集始窘急亦降於

齊魏遣李崇討之遂克武興斬婆羅阿卜珍靈珍奔還漢中齊以為

北秦州刺史仇池公武都王庚辰歲集始將眾萬餘自漢中北出規

復舊地魏梁州刺史楊椿出頓下辯遣集始書開以利害集始遂復

將其部曲千餘人降魏魏人還其爵位使歸守武興

綱目丙寅齊永明四春二月武都王楊後起卒種人集始立

丁丑齊建秋八月氏帥楊靈珍叛魏魏伐氏克武興楊靈珍奔齊

武興王楊紹先集始子癸未十月集始卒魏立紹先為武興王紹先

幼國事決於二叔父集起集義乙酉十月集起集義立紹先為帝自

皆稱王魏遣楊椿討之丙戌正月集義圍魏關城邢巒遣傅豎眼擊

破之乘勝逐北遂克武興執紹先送洛陽集起集義亡走遂滅其國

以為武興鎮又改為東益州以傳豎眼為刺史集起兄弟相率降魏
 豎眼性情素民獫懷之及元法僧代豎眼素無治幹加以貪殘王賈
 諸姓本州士族法僧皆召為兵葭萌民任令宗因眾之患魏也殺晉
 壽太守以城降梁梁遣張齊迎之遂圍武興魏復以豎眼代法僧為
 刺史將兵赴之豎眼入境民獫皆喜擊殺任令宗齊退保白水豎眼
 入州分兵復取白水又敗梁兵於陰平張齊大敗走還東益州復入
 於魏戊戌正月魏以氏酋楊定為陰平王時東益州刺史杜纂邢豹
 以威惠失中氏豪仇石柱等相率叛魏魏人討之不克正光中魏以
 魏子建為刺史會莫折念生之亂子建將佐皆以州本氏王楊紹先
 之國城民勁勇二秦反者皆其族類諸先收其器械子建曰城民數
 經行陣撫之足以為用急之則腹背為患乃悉召城民慰諭之既而

漸分其父兄子弟外戍諸郡內外卒無叛者己酉七月魏以唐永代

子建為刺史子建去東益而氏蜀尋反唐永棄城走東益州遂沒自

此池入于氏永安之亂紹先逃歸武興復稱王自滅國後二十餘年甲寅春宇

文泰既定秦隴分遣諸將鎮秦渭諸州轉粟給軍紹先懼稱藩送妻

子為質據上文則紹先是稱藩于秦據梁書命紹先為刺史則亦稱藩于梁九月梁以紹先為秦南秦

二州刺史

綱目乙酉梁天監四魏正始二冬十月武興氏王楊紹先叛魏丙戌春正月

魏邢巒討武興氏滅之置東益州紹先逃歸武興稱王通鑑載於宇文泰定關西之年綱目不書

失之

楊智慧紹先子紹先卒智慧立乙卯七月梁兵圍晉壽今四川保寧府廣元縣武

興既沒魏於此置東益州魏東益州刺史傳敬和降梁智慧遣使上

表求帥四千戶歸梁梁武許之卽以爲東益州武興國東連秦嶺西接岩昌南去漢中四百里北去岐州三百里東去長安九百里本有十萬戶世世分減其大姓有符氏姜氏言語與中國同

陰平

今陝西鞏昌府階州文縣

陰平王楊廣香難當族弟丁巳魏以廣香爲陰平公

詳前章梁書公作王

巳未

廣香降齊卒子吳立吳卒子崇祖立崇祖卒子孟孫立梁夫益壬午

以孟孫爲假節督沙州刺史陰平王辛卯孟孫卒子定立戊戌正月

魏以定爲陰平王

梁書云度香攻殺文度自立爲陰平王其後父死子繼通鑑魏殺文度封廣香爲公至定始封爲王

陰平王楊法琛亦盛之苗裔也魏亂據陰平自稱王孝昌中舉衆降

魏以法琛爲黎州刺史羣氏叛服靡常宇文泰討平之分置部落

卮言曰傳云得衆則得國失衆則失國楊氏之興豈有世澤哉始

據仇池彈丸自固耳遭時之亂善撫其衆而用之子孫不忘先業

故寢盛而浸強歷漢魏及南北朝幾三百年覆滅者數矣而代有

豪帥以爭衡於擾攘之際王此一隅以長百蠻中立兩朝不隕其

世雖以中原之力未易削平者不失衆也

右楊氏凡十一世

王二十一人公五人

始丙辰終戊戌共二百二十三年

遼西段氏章

遼西公段務勿塵東郡鮮卑人種類勁健世爲大人晉太安壬戌冬

幽州都督王浚以天下方亂欲結援夷狄乃以一女妻段務勿塵一

女妻素怒延

宇文別部

又表以遼西郡封務勿塵爲遼西公

一云段氏爲檀石槐之後

永興甲子成都王穎廢皇太子自立爲皇太弟鎮鄴王浚與務勿塵

起兵討穎敗之浚大掠鄴中而還丙寅冬惠帝崩懷帝卽位以務勿

塵為大單于子匹磾為左賢王

綱目惠帝太安二年癸亥閏十二月封鮮卑段務勿塵為遼西公

遼西公段疾陸眷務勿塵子務勿塵卒弟涉復辰以疾陸眷襲遼西

公位號永嘉辛未劉曜陷洛陽執懷帝以歸石勒據襄國壬申十月

王浚遣諸軍及疾陸眷與其弟匹磾文鴛從弟末秬攻石勒於襄國

破之已而末秬為勒所獲勒質末秬遣使求和疾陸眷乃以鎧馬金

銀贖末秬勒歸之遣石虎與疾陸眷盟於渚陽結為兄弟疾陸眷引

兵還末秬深德於勒由是段氏專心附勒王浚之勢遂衰癸酉春漢

主劉聰弒懷帝於平陽愍帝即位於長安中國民避亂者多依王浚

浚政法不立段氏兄弟專尚武勇不禮士大夫惟遼東公慕容廆政

事修明愛重人物故多歸之廆攻段氏遂取徒河甲戌三月石勒襲

廆陷之殺王浚師還而廆降於段匹磾丙子十一月劉曜陷長安愍

帝出降并州都督劉琨長史以并州叛降石勒琨與廆匹磾與之結

婚約為兄弟建武丁丑二月元帝即晉王位琨匹磾相與歃血同盟

翼戴晉室皆遣使勸進七月匹磾推琨為大都督結盟討勒并檄疾

陸眷及涉復辰末秬等三面俱集襄國勒懼遣使厚賂末秬末秬既

思報恩且因匹磾在外欲襲奪其國乃間匹磾於涉復辰疾陸眷曰

以父兄而從子弟邪雖一旦有功匹磾獨收之矣涉復辰等以為然

引兵還匹磾不能獨留亦還廆

綱目愍帝建興元年癸酉夏四月慕容廆攻段氏取徒河二年甲戌春

二月漢石勒襲廆陷之殺王浚師還廆降於段匹磾元帝建武元

年丁丑秋七月劉琨段匹磾討石勒未行而罷大興元年戊寅春遼西

年丁丑秋七月劉琨段匹磾討石勒未行而罷大興元年戊寅春遼西

公段疾陸眷卒

尹氏曰匹磾書討勒疾陸眷書卒予義也綱目於段氏每詳之義而已

段末秭疾陸眷從弟疾陸眷卒匹磾復自薊奔喪至於右北平末秭

宣言匹磾將篡出軍擊敗之末秭遂殺涉復辰及其子弟黨與二百

人自立為單于匹磾走還薊士眾離散懼劉琨圖已遂收琨縊殺之

於是夷晉皆不附匹磾已卯四月石勒攻陷幽州匹磾奔樂陵辛巳

三月石勒陷幽冀并州匹磾死之詳臣道部忠義類壬午冬慕容廆遣其世

子皝襲末秭入令支漢縣屬遼西郡今永平遷安縣掠其居民于餘家而還

段牙末秭弟太寧乙酉冬末秭卒牙自立為遼西公慕容廆與段氏

方睦為牙謀使之徙都牙從之即去令支國人不樂

段遼疾陸眷之孫段牙襲位遼欲奪之以徙都為牙罪十二月帥國

人攻牙殺之而自立段氏自務勿塵以來日益強盛其地西接漁陽

東界遼水所統胡晉二萬餘戶控弦四五萬騎甲午二月遼遣其弟

蘭與慕容翰將兵共攻柳城大破之咸康戊戌春趙王虎燕王皝合

兵擊遼破之遼帥妻子宗族豪大于餘家棄令支奔密雲山虎入令

支宮徙段國民二萬餘戶於司雍充豫四州十二月遼自密雲山遣

使求迎於趙既而中悔復遣使於燕皝自帥諸軍迎遼遼與燕謀襲

趙軍敗之皝盡得遼眾待遼以上賓之禮已亥遼謀反燕燕殺之

綱目簡文帝太寧三年配十二月段遼弒其君牙而自立成帝咸

和九年甲午春二月段遼遣兵攻柳城破之咸康四年戊春趙

王虎燕王皝合兵攻段氏破之虎拔令支悉取其地冬十二月趙

遣兵迎段遼燕慕容恪擊敗之以遼歸殺之

段蘭遼弟遼為燕所殺蘭奔宇文部癸卯秋宇文部執蘭送於趙趙

王虎命帥所從復屯令支

齊王段龕蘭子蘭卒龕代領其眾永和庚戌春冉閔滅石氏而自立

龕擁部落南徙據陳留七月引兵東據廣固今山東青州府自稱齊王辛亥

春龕以青州歸晉以為鎮北將軍封齊公乙卯冬龕與燕王皝書抗

中表之儀非其稱帝皝怒遣慕容恪擊之內辰春恪大破龕兵進圍

廣固十一月龕出降恪悉定齊地徙鮮卑胡羯三千餘戶於薊燕王

皝以龕為伏順將軍丁巳六月燕殺龕阬其徒三千餘人

綱目穆帝永和七年辛亥春鮮卑段龕以青州來降十二年丙辰春正

月燕慕容恪大破段龕兵進圍廣固十一月段龕降燕

趙王段勤末穆子初事趙為建義將軍庚戌春冉閔篡趙稱魏勤據

黎陽不附於閔與趙故將會於昌城將攻鄴為閔所敗辛亥春勤聚

胡羯萬餘人保據繹幕漢縣屬清河郡今清河縣屬廣平府在人山自稱趙王尋僭稱

帝燕王雋遣慕容霸擊之四月勤與弟思聰舉城降

右遼西段氏四世公四人僭王二人始癸亥終丙辰凡五十四年

丁零翟氏章

河南王翟斌丁零氏也世居康居後徙中國居中山今真定府定州晉咸和

庚寅六月趙王勒稱帝斌入朝於趙趙以斌為句町王趙滅帥所部

降燕燕封為歸義王秦滅燕徙丁零於新安斌士秦為衛軍從事中

郎太元癸未秦王堅伐晉大敗十二月斌起兵叛秦堅使慕容垂討

之符不遣符飛龍為之副密使謀垂垂知其謀夜襲飛龍殺之而慕

慕容垂

容鳳及燕故臣之子燕郡王騰遼西段延等各帥部曲歸斌段延蓋段國之

種皆勸斌奉垂為謀主斌從之甲申春垂至洛陽斌帥其眾來與垂

會勸垂稱尊號垂至滎陽自稱燕王承制以斌為建義大將軍封河

南王七月斌恃功驕縱邀求無厭又以垂攻鄴城久不下潛有二心

垂子弟皆請除之垂不許禮遇彌重斌諷其黨請為尚書令垂曰翟

王之功宜居上輔但臺既未建此官不可遽置耳斌怒密與符丕通

謀使丁零决隄潰水事覺垂殺斌及其弟檀敏餘皆赦之

綱目孝武帝太元八年癸未冬十一月丁零翟斌起兵攻洛陽泰使

慕容垂討之垂叛秦與斌合九年秋七月燕殺丁零翟斌

翟真斌兄子斌死真夜將管眾北奔邯鄲引兵還向鄴圍欲與丕內

外相應燕太子寶擊破之真還走邯鄲太原王楷等言於垂曰丁零

非有大志但寵過為亂耳今急之則屯聚為寇緩之則有散散而擊

之無不克矣垂從之八月真自邯鄲北走垂遣楷追之及於下邑燕

兵大敗真北趨中山屯於承營乙酉二月燕慕容農等合兵攻真遂

拔承營外郭四月垂去鄴圍北趨中山真自承營徙屯行唐真司馬

鮮于乞殺真及諸翟自立為趙王

翟成真從弟管人共殺鮮于乞立成為主五月燕主垂至常山圍行

唐七月成長史鮮于得斬成出降垂屠行唐盡阬成眾

魏王翟遼真從兄斌死遼奔魯口燕慕容農自信都西擊破之遼退

屯無極縣屬真定農屯藁城縣屬真定以逼之十二月慕容麟與農合兵襲遼

大破之遼單騎奔翟真鮮于之亂遼奔黎陽太守滕恬之甚愛信之

恬之喜畋獵不愛士卒遼潛施姦惠以收眾心恬之南攻鹿鳴城遼

恬之喜畋獵不愛士卒遼潛施姦惠以收眾心恬之南攻鹿鳴城遼

於後閉門拒之恬之東奔甄城遼追執之遂據黎陽豫州刺史朱序遣兵討之三月泰山太守張願以郡叛降於遼八月遼寇譙朱序擊走之丙戌春遼遣其子釗寇陳穎朱序遣兵擊走之四月高平人翟暢執太守徐行遠以郡降遼燕主垂謂諸將曰遼以一城之衆反覆三國之間不可不討五月垂自帥諸將攻遼以太原王恪爲前鋒都督遼衆皆燕趙之人聞恪至相帥歸之遼懼遣使請降垂以遼爲徐州牧封河南公前至黎陽受降而還十月遼復叛燕遣兵寇抄清河平原丁亥二月遼遣司馬眭瓊詣燕謝罪垂以其數反覆斬瓊以絕之遼乃自稱魏天王改元建光置百官戊子四月遼寇滎陽執太守張卓庚寅春遼謀向洛陽朱序擊走之八月劉牢之擊遼敗之

綱目孝武太元十年配春正月丁零翟遼據黎陽十二年刻夏五

月燕使其太原王楷擊翟遼降之冬十月翟遼復叛燕十三年春二月翟遼自稱魏天王十五年秋八月劉牢之擊翟遼敗之

翟釗遼子辛卯十月遼卒釗代立改元定鼎攻燕鄴城燕遼西王農擊却之壬辰二月燕主垂如河間平原釗遣其將翟都侵館陶屯蘇康壘三月垂引兵逼之都南走滑臺釗求救於西燕五月垂進軍黎陽釗列兵南岸以拒之垂潛軍東渡與諸軍夾擊大破之釗走還滑臺將妻子收遺衆北濟河登白鹿山憑險自守農乃引兵還留騎候之釗下山農還兵掩擊盡獲其衆釗曾騎奔長子西燕主永以釗爲車騎大將軍兖州牧封東郡王歲餘釗謀反永殺之

綱目太元十六年辛卯冬十一月翟遼死子釗代領其衆十七年夏

五月燕主垂擊翟釗奔西燕

右翟氏三世稱王五人始癸未終壬辰凡十年

厄言曰按通鑑咸和庚寅書翟斌降趙距太元癸未五十四矣必非一人永和辛亥又書翟鼠降燕封歸義王蓋皆其種類也

涼陳安章

涼王陳安 人初南陽王模鎮關中以安為帳下都尉永嘉辛未

模表遣世子保鎮上邽秦州刺史裴苞拒之模使安攻苞走之及漢

兵陷長安模被害安往歸保於秦州保命安將千餘人討叛羌寵待

甚厚保將張春疾之譖安云有異志請除之保不許春輒伏刺客以

刺安安被創馳還隴城 今秦州秦安縣 遣使詣保貢獻不絕丙子愍帝北遷

戊寅春元帝即位保謀稱帝焦嵩與安舉兵逼上邽保遣使告急於

張寔寔遣軍赴之及聞保謀尊號乃遣使請建康已卯四月保自稱

晉王改元安自稱秦州刺史降於漢又降於成上邽大饑士眾困迫

張春奉保之南安祁山寔遣韓璞救之安退保縣諸 在清水縣 保歸上邽

未幾保復為安所逼寔遣宋毅救之安乃退庚辰春劉曜攻拔陰

保遷於桑城欲奔河西保將張春楊次請擊安保不從五月春次幽

保殺之立宗室子瞻為世子安表於趙主曜請討瞻等曜以安為大

將軍擊瞻殺之張春奔枹罕安執楊次於保柩前斬之因以祭保安

以天子禮葬保於上邽謚曰元王曜以安為秦州刺史壬午三月漢

趙主曜攻仇池還安求朝於曜曜辭以疾安怒以為曜已卒大掠而

歸曜疾甚乘馬輿而還使其將呼延寔監輜重於後安邀擊獲之謂

寔曰劉曜已死子尚誰佐吾當與子共定大業寔叱之曰汝受人寵

祿而叛之自視智能何如主上吾見汝不日梟首於上邽市何謂大

業宜速殺我安怒殺之以寔長史魯平為參軍安遣其弟集帥騎三

萬追曜呼延瑜逆擊斬之安乃還上邽遣將襲汧城今隴州汧陽縣拔之隴

上氏羗皆附於安有衆十餘萬自稱大都督假黃鉞大將軍雍涼秦

梁四州牧涼王以趙募爲相國魯憑對安大哭曰吾不忍見陳安

死也安怒斬之曜聞之慟哭曰賢人民之望也陳安於求賢之秋而

多殺賢者吾知其無所爲也大寧癸未六月安圍趙將軍劉貢於南

安休徒王石武引兵趨上邽以救之與貢合擊安大破之安取餘騎

八千走保隴城七月趙主曜自將圍隴城別遣兵圍上邽安頻出戰

輒敗劉幹攻平襄克之隴上諸縣悉降安留其將楊伯支姜冲兒守

隴城自帥精騎突圍出奔陝中曜遣將軍平先等追之安左揮七尺

大刀右運丈八蛇矛近則刀矛俱發輒殪五六人遠則左右馳射而

走先亦勇捷如飛與安搏戰三交遂奪其蛇矛會日暮雨甚安棄馬

與左右匿於山中明日呼延青人尋其迹獲安於澗曲斬之安善撫

將士與同甘苦及死隴上人思之爲作壯士之歌楊伯支斬姜冲兒

以隴城降別將宋亭斬趙募以上邽降

綱目元帝大興二年庚辰夏五月上邽諸將殺晉王保保故將陳安

降趙以討賊殺之永昌元年壬午春二月陳安叛趙明帝大寧元年

癸未秋七月趙擊陳安斬之

尹氏曰凡書故將皆予義也綱目書故將七唯利幾書及公師

藩書寇非予辭若安書降趙則亦予之而不盡予也及其叛也

則書叛趙矣

卮言曰余讀史至陳安之事可悲也始不忘故主而歸其子可

不謂義乎其去保也以遠害也其攻保也欲去姦也其降趙也

夫曰國大虎

爲復讐也秦州旣亡建康隔絕其叛趙而自王也未賊晉也一呼而歸附之衆十餘萬至死而隴上人猶思之亦非不仁得國者夫不度德審勢而欲以勇力抗强大卽項籍無成况陳安乎

右陳安

安國王午章

安國王王午

人初爲趙幽州刺史永和庚戌二月冉閔篡趙稱

魏燕王雋帥諸軍伐趙趙征東將軍鄧恒棄安樂遁去與午共保薊

三月燕兵至無終午留其將王佗以數千人守薊與鄧恒守保魯口

今饒陽縣有故城

雋拔薊執王佗斬之雋入都於薊燕兵至范陽太守李產

出降雋復以產爲太守產子績爲幽州別駕棄其家從午在魯口鄧

恒謂午曰績鄉里在此父已降燕今雖在此恐終難相保徒爲人累

不如去之午曰此何言也夫以當今喪亂而績乃能立義捐家情節

之重雖古烈士無以過乃欲以猜嫌害之燕趙之士聞之謂我直相

聚爲賊了無意識衆情一散不可復集此爲坐自屠潰也恒乃止午

猶恐諸將不與已同心或致非意乃遣績還雋自將繫魯口軍至清

梁恒將鹿勃早將數千人夜襲燕營慕容霸等擊走之早僅以身免

所從士卒死亡略盡雋引兵還薊

雋之還薊亦鹿勃早有以挫其銳否則進攻魯口矣時石祗

稱帝於襄閔攻之辛亥四月祗將劉顯弒祗以降閔七月顯還稱帝

詳纂

八月雋遣慕容評攻午於魯口軍至南安午遣其將鄭生拒戰

評擊斬之壬子正月閔克襄國殺劉顯四月燕主雋遣慕容恪擊閔

殺之遣慕容評及諸軍攻鄴

燕旣克魏遂釋魯口并力攻鄴

五月午聞魏敗時鄧恒

已死午自稱安國王冉閔之子操奔魯口八月燕王雋遣慕容恪等

攻午午閉城自守送冉操詣燕軍燕人掠其禾稼而還金城湯池非粟不守取其

禾稼彼將焉仰 閏十月午為其將秦興所殺呂護殺興復自稱安國王癸丑

五月雋遣恪擊護甲寅二月恪圍魯口三月拔之護奔野王遣弟奉

表謝罪於燕燕以護為河內太守王午稱王二年呂護一年共三年

秦張琚章

秦王張琚馮翊今同州朝邑縣人初趙使車騎將軍王朗拒司馬勳於長安

冉閔之亂朗自長安赴洛陽庚戌五月朗司馬杜洪據長安自稱晉

征北將軍雍州刺史以琚為司馬關西夷夏皆應之符健欲取之乃

自枋頭悉眾而西以魚遵為前鋒為浮梁以濟孟津遣弟雄帥眾自

潼關入兄子菁帥眾自軹關入自帥大眾隨雄而進杜洪聞之與健

書侮嫚之以琚弟先為征虜將軍帥眾萬二千逆戰於潼關之北先

兵大敗走還長安洪悉召關中之眾以拒健洪弟郁勸洪迎健洪不

從郁帥所部降於健健遣符雄徇渭北氐酋毛受屯高陵徐璩屯好

峙羗酋白犢屯黃白眾各數萬皆斬洪使遣子降於健洪懼固守長

安十月符健長驅至長安杜洪與琚奔司竹在藍屋縣辛亥四月洪琚遣

使召梁州刺史司馬勳勳帥步騎三萬赴之秦王健禦之於五丈原

勳屢戰皆敗退歸南鄭洪等徙屯宜秋洪自以右族輕琚壬子正月

琚殺洪自立為秦王改元建昌五月秦主健攻琚於宜秋斬之

綱目永和六年庚戌夏五月杜洪據長安符健擊敗之七年夏四月

司馬勳會杜洪等兵擊秦敗還八年春正月杜洪司馬張琚殺洪

自稱秦王夏五月秦主健擊張琚斬之

秦寶衝章

秦寶衝章

秦王竇衝扶風人初為秦左將軍乙酉春慕容冲攻秦秦王堅使衝擊破之已而冲入長安堅為後秦王姚萇所弒八月堅子丕自立於晉陽時衝據茲川有眾數萬遣使邀丕共擊後秦丕以衝為雍州牧丙戌冬西燕擊丕殺之丕族子登稱帝於南安衝加號大司馬都督壬辰冬登以衝為左丞相衝徙宅華陰今縣屬華州矜才尚人自請封天水王登不許癸巳六月衝自稱秦王改元元光登攻衝於野人堡衝求救於後秦後秦主萇使太子興擊登敗之甲午七月興嗣位遂擊殺登後秦將軍强熙等叛後秦推衝為主興自將討之熙奔秦川衝奔汧汧川氏仇高執送之衝凡稱王二年

綱目太元十年西秋七月秦竇衝叛秦主登討之後秦使太子興救衝學海君道部卷八十五終

學海君道部卷之八十四

世系類

僭國氏號二

隋末僭國篇

卮言曰隋煬昏暴過于二世大業之末羣雄蜂起割據爭雄者不可勝數也其間僭帝稱王者凡二十人或起隴畝或起卒伍亦各因民之怨乘時之變竊據一隅偷安數載固無馭世之遠略祇為唐室之掃除耳然隋之失鹿也視秦為著故天下之逐鹿也視秦為眾雖不得鹿要陳項之儔矣若楊玄感以楚公起兵比之強藩宇文化及以許公弒逆名為亂賊非豪傑之亡隋者類也故不系此篇

夏竇建德章

夏王竇建德貝州漳南人。世爲農。自言漢景帝太后父安成侯克之。苗裔建德。少尚氣俠。膽力過人。大業辛未十月。募人征高麗。建德以選爲二。古人長同縣孫安祖亦以驍勇選爲征士。安祖辭以家爲水。漂妻子餒死。縣令怒笞之。安祖殺令亡。抵建德。建德謂曰。文皇帝時。天下殷盛。發百萬之衆伐高麗。尚爲所敗。今水潦爲災。百姓困窮。主上不恤。乃更發兵親擊高麗。天下必大亂。丈夫不處當立大功。豈可但爲亡虜耶。乃集無賴少年得數百人。使安祖將之入高雞泊中。爲羣盜。時鄒平民王薄擁衆據長白山。剽掠青齊之郊。又作無向遼東。浪死歌以相感動。避征役者多往歸之。郇人張金稱聚衆河曲。脩人高士達聚衆於清河郡。縣疑建德與賊通。悉收其家屬殺之。建德帥

二百人亡歸士達。士達自稱東海公。建德爲司兵。頃之安祖爲金稱所殺。其衆盡歸建德。建德兵至萬餘人。建德能傾身接物。士卒不可勝數。攻陷城邑。敕都尉鷹揚將與郡縣追捕建德。然莫能禁。丙子十二月。大僕楊義臣擊張金稱。高士達斬之。建德與百餘騎亡去。攻陷饒陽。收兵得三千餘人。義臣以建德不足憂。引去。建德還平陽。收散兵。軍復大振。勝兵至十餘萬人。丁丑正月。建德自立爲長樂王。七月。涿郡畱守薛世雄擊李密。建德襲破之。世雄遁歸涿郡。建德遂圍河間郡。丞王琮固守不下。戊寅三月。宇文化及弒煬帝于都。五月。唐王稱皇帝。而越王侗亦稱帝于東都。七月。琮聞煬帝凶問。乃以河間降。建德饒陽令宋正本說建德以定河北之策。建德引爲謀主。定都樂壽。備置百官。九月。隋宇文化及殺秦王浩。僭稱帝。十二月。有

大鳥五集於樂壽建德以爲巳瑞改元五鳳又有得玄圭獻於建德者宋正本等皆曰此天所以賜大禹也請改國號曰夏建德從之以正本爲納言取深冀易定等州巳卯二月宇文文化及守聊城建德謂其下曰隋爲吾君吾爲隋民化及弒逆不可不討乃引兵趨聊城與化及連戰生擒之隋主侗封建德爲夏王四月王世克篡位僭號鄭八月建德取唐邢滄洛相州進取趙州克黎陽虜淮安王神通李勣往降之遂定衛滑齊兗等州建德遷洛州築宮徙都之庚辰五月建德遣兵侵幽州不克七月秦王世民督諸軍伐鄭王世克遣使如皐之東原五月秦王帥諸軍擊之建德將士大潰建德中契墜馬將軍楊武威擒之秦王讓之曰我討世克何預汝事建德曰今不自來

恐煩遠取建德將士皆潰去俘獲五萬人秦王卽日散遣使歸鄉里七月秦王至長安俘王世克及建德獻于太廟詔赦世克斬建德於市建德餘衆走至洛州欲立建德養子爲主徵兵以拒唐又欲標掠居民還向海隅爲盜齊善行獨以爲不可於是發府庫之帛數十萬段置萬春宮東街以散將卒凡三晝夜乃畢士卒散盡然後與僕射裴矩曹旦帥其百官奉建德妻曹氏及傳國八璽并破宇文化及所得珍寶請降於唐建德凡稱夏王四年先稱長樂王一年自起兵至滅凡十一年

綱目隋大業七年

辛未

冬十月王薄張金稱高士達竇建德等兵起

丙子冬十二月大僕楊義臣擊張金稱高士達斬之竇建德收其

衆取饒陽十三年春正月竇建德稱長樂王十四年

戊寅

春三月宇

文化及弑其君廣於江都立秦王浩五月唐王淵稱皇帝隋越王
侗稱帝于東都秋七月長樂王建德定都樂壽九月隋宋文化及
殺秦王浩自稱許帝冬十一月竇建德取深冀易定等州稱夏王
唐武德二年^巳春二月夏王建德破宇文化及於聊城誅之夏四
月王世克篡位僭號鄭夏王建德立楊政道爲郎公秋八月夏王
建德取唐邢滄洛相州四年秋七月遣秦王世民督諸軍伐鄭王
世克遣使如竇建德乞師四年^辛春正月竇建德將兵救王世克
秦王世民大破之擒建德世克降秋七月秦王世民至長安獻俘
太廟斬王世克斬竇建德

尹氏曰王薄竇建德等皆當時羣盜而不以盜書者亦以楊廣負
天下之大逆故皆書兵起以正其罪此則綱目急于討賊之意耳
予薄等所以誅廣也

劉氏曰前書長樂王建德後書夏王何隋立之也於是建德與世
克結好奉表於隋以爲夏王然則曷爲不書隋立不以臣隋累建
德也綱目於建德多予辭

胡氏曰化及書誅何弑君賊也不誅則亂臣賊子接迹於天下矣
綱目於隋末緒國惟夏多予辭蓋建德之舉常近正故書稱長樂
王不書自爲夏王不書隋以破化及則書誅

卮言曰竇建德張金稱之起兵也其陳勝吳廣之流乎及建德擒
宇文化及聲其罪而誅之幾於正矣綱目一書長樂王四書夏王
先儒以爲多予辭是也至與王世克比而拒唐師則輕躁闇忽失
其初心敗固當矣綱目於是削其國號書其姓名不以列國待之

也唐赦王世克而戮建德是以君子有遣譏焉建德據樂壽卽今河間府獻縣

魏李密章

魏公李密字玄邃其先遼東襄平人曾祖弼爲魏司徒賜姓徒何氏入周爲太師魏國公祖暉爲周太保邢國公父寬上柱國蒲山郡公遂家長山密襲父爵爲蒲山公少有才略志氣雄遠輕財好士爲左親侍煬帝見之謂宇文述曰向者左仗下黑色小兒瞻視異常勿令宿衛述乃諷密使稱病自免密遂屏人事專務讀書嘗乘黃牛讀漢書楊素見遇而異之因召至家與語大悅謂其子玄感曰李密識度如此汝等不及也田是玄感與爲深交大業癸酉六月玄感以楚公起兵黎陽召密而密出至玄感大喜以爲謀王謂密曰子常以濟物

爲已任今其時矣計將安出密曰天子出征遠在遼外公擁兵長驅入薊據險扼其咽喉歸路旣絕資糧皆盡可不戰而擒此上計也玄感曰更言其次密曰今帥衆而西經城而改直取長安天子雖還失其根本可徐圖也玄感曰更言其次密曰倍道襲取東都以號令四方但恐唐禕告之先已固守若引兵攻之百日不克天下之兵四面而至非僕所知也玄感曰公之下計乃上策也遂引兵向洛陽圍東都城不克玄感曰謂天下響應得幸福嗣委以心膂不復專任李密密退謂所親曰楚公好反而不欲勝吾屬今爲虜矣玄感軍屢敗密曰弘化畱守元弘嗣握彊兵在隴右可聲言其反遣使迎公因此入關可以給衆會華陰諸楊請爲鄉導玄感乃解東圍引兵西趣潼關至弘農太守蔡王智積登陴詈之玄感怒畱攻之密諫曰公今詐衆

西入軍事貴速况乃追兵將至安可稽留若前不得據關退無所守
大衆一散何以自令玄感不從遂攻之三日不拔乃引而西宇文述
等追及於皇天原玄感大敗歿密亡命爲人所獲樊子蓋鎖送密詣
高陽密給使者而逃往依郝孝德孝德不禮之又入王薄薄亦不之
竒也密困乏到削樹皮而食之匿於淮陽村舍變姓名聚徒教授郡
縣疑而捕之密亡去抵其妹夫雍丘令丘君明君明不敢舍轉寄密
於遊俠王秀才家秀才以女妻之君明從姪懷義告其事帝令梁郡
通守楊汪相知收捕汪遣兵圍秀才宅適值密出外由是獲免君明
秀才皆歿丁丑春東郡翟讓等皆擁衆爲盜密往來諸帥間說以取
天下之策始皆不信久之稍以爲然相謂曰斯人名公子弟志氣若
是今人人皆云楊氏將滅李氏將興吾聞王者不歿斯人再三獲濟

豈非其人乎由是漸敬密密察諸帥惟翟讓最強乃因王伯當見讓
爲讓畫策往說諸小盜皆下之讓悅密因說讓曰劉項皆起布衣爲
帝王今主昏民怨此亦劉項奮起之會也以足下雄才大略士馬精
銳席卷二京誅滅暴虐隋氏不足亡也讓遜謝會有李玄英者自東
都逃來經歷諸賊求訪密云斯人當代嗜家人問其故云以來民間
謠歌有桃李章曰桃李子皇后繞楊州宛轉花園裏勿浪語誰道許
桃李子謂逃亡者李氏之子也皇與后皆君也宛轉花園裏謂天子
在楊州無還日將轉於溝壑也莫浪語誰道許者密也旣與密遇遂
委身事之翟讓見密爲豪傑所歸遂從其計攻滎陽諸縣多下之帝
徙張須陀爲滎陽通守以討之須陀敗歿戊寅二月密說讓將兵襲
興洛倉破之擊敗東都兵讓於是推密爲盟主上密號爲魏公庚子

設壇場卽位稱元年其文書行下稱行軍元帥府置三司六衛長史以下官拜翟讓爲司徒東郡公亦置長史以下官減元帥府之半略取河南諸郡三月河南討捕使裴仁基以虎牢降密密攻東都入其郭五月東都遣兵擊密大破之密退屯洛口六月密復帥衆向東都大戰于平樂園東都兵大敗密復取回洛倉九月密遣徐世勣取黎陽倉王世克救東都合擊密於洛口十月王世克及密戰于洛北又戰于石子河世克大敗密誘翟讓殺之滎陽郡降于密戊寅正月密敗王世克于洛北三月宇文文化及弒煬帝于江都立秦王浩下令欲還長安四月化及至彭城密據鞏洛以拒之化及不得西引兵入東都五月唐王淵稱皇帝而隋越王侗亦稱帝于東都以王世克爲納言東都聞化及西來議與李密合勢拒之因使使齎敕賜密密上表乞降隋王拜密太尉尚書令封魏公七月密悉以精兵東擊化及化及北趣魏縣密西還鞏洛留徐世勣以備之密驕矜不恤士衆世克簡兵擊密密留將守金墉洛口自引精兵北距邙山以待之密輕世克不設壁壘世克夜伏兵縱擊之密衆大潰輕騎奔虎牢於是密之將帥州縣多降于隋密遂帥其衆降唐唐高祖遣使迎勞相望密喜曰我擁衆百萬解甲歸唐比於竇融功亦不細豈不以台司見處乎至長安乃拜光祿卿賜爵邢國公密大失望十一月唐遣密收撫山東尋敕密還更受節度密遂斬使者入桃林縣驅掠徒衆而東行軍總管盛彥師擊斬之及王伯當傳首長安徐世勣在黎陽帝遣使以密首示之世勣號痛表請收葬詔歸其屍世勣舉軍縞素葬之密素得志哭之者多歐密凡稱魏公二年

綱目隋大業十二年丙子冬十月翟讓李密起兵攻滎陽張須陀擊之敗歿丁丑春二月翟讓李密據與洛倉擊敗東都兵讓推密稱魏公略取河南諸郡冬十月王世克及李密戰于洛北敗績十一月李密誘翟讓殺之唐武德元年戊寅春正月魏公密敗隋王世克于洛北三月宇文化及弒其君廣于江都立秦王浩夏四月宇文化及至彭城魏公拒之之化及引兵入東都五月唐王淵稱皇帝隋越王侗稱帝于東都六月李密敗宇文化及于黎陽降于隋秋八月李密與隋戰大敗遂以其眾降唐冬十月唐以李密為光祿卿封邢國公十一月唐李密叛行軍總管盛彥師討斬之尹氏曰世或謂密似項羽先儒固已辨之矣羽雖慄悍猾賊然志在滅秦無復回貳密起兵不為不久乃與東都迭為勝負其非羽

比甚明且密前此移檄州郡數煬十罪其後反欲降隋何哉綱目前書攻東都又書上表降隋密進退無所據矣其敗宜也劉氏曰李密於隋書起兵矣其後書叛何嘗降唐也故書討斬之綱目之名分嚴矣

卮言曰李密少有大志自負雄才隋煬無道天下大亂密為楊玄感決策不從而敗卒與翟讓起兵聲言弔伐據有鞏洛拒敵東都斯亦陳勝項籍之儔也密類於陳勝而文雅過之識優於項籍而氣槩不如乍降乍叛進退失據尹氏之譏是矣雖然項籍臣義帝而弒之李密附翟讓而殺之陳友諒事徐壽輝而戕之此三人者其行事相類夫爭王圖伯而以不義令天下其何能濟要之項籍稱雄焉密據洛口在今河南府東一百二十里鞏縣西

鄭王世克章

鄭王王世克字行滿祖西域胡號支頽耨後徙新豐死其妻與霸城人王粲爲庶妻頽耨子收從之遂昌粲姓收仕隋歷汴州刺史生世克以蔭爲翊衛煬帝大業中拜將軍爲江都通守戊寅二月翟讓李密據興洛倉擊敗東都兵七月煬帝遣世克等帥軍討之九月世克帥所領會東都留守越王侗遣兵與世克等合擊李密於洛口詔諸軍皆受世克節度十一月世克與密戰大敗戊寅正月密敗世克于洛北三月宇文化及弒煬帝于江都立浩五月唐王稱帝東都羣臣奉越王侗稱帝以世克爲納言封鄭國公七月世克殺元文都隋王以世克爲左僕射總內外諸軍事子弟咸典兵馬隋王拱手而已八月世克擊李密於邙山大敗之密以其衆降唐九月化及弒浩自稱

許帝已卯三月世克自稱鄭王四廢侗稱帝取唐伊州十月世克狗地至滑臺唐汴亳州降之庚辰七月帝遣秦王世民督諸軍伐鄭攻迴洛城世克隔水謂世民曰唐帝關中鄭帝河南世克未嘗西侵王忽舉兵東來何也世民使應之曰四海咸仰皇風惟公獨殂聲教爲此而來世克曰相與息兵講好不亦善乎又應之曰奉詔取東都不令講好也至暮乃引兵還九月鄭顯州總管田瓚以二十五州降唐唐攻轅轅拔之十月鄭濮管榮汴州降唐世克遣使如竇建德乞師十二月鄭許亳等十一州降唐辛巳二月秦王敗世克於穀水進圍洛陽竇建德悉衆救之兵十餘萬軍於成臯之東原五月秦王帥諸軍擊禽之囚至洛陽城下以示世克世克懼突圍走襄陽諸將曰所恃夏王今已爲擒雖出終必無成世克乃帥太子群臣三千餘人詣

軍門降秦王禮接之世克俯伏流汗秦王曰卿常以童子見處今見童子何恭之甚耶世克頓首謝罪戊寅世克徐州行臺祀王世辯以徐宋等二十八州請降世克故地悉平七月世克行臺王弘烈等以襄州降甲子秦王至長安俘世克建德獻于太廟帝見世克而數之世克曰臣罪固當誅然秦王許臣不死丙寅詔赦免世克為庶人與兄弟子侄處蜀世克以防夫未備置雍州解舍獨孤機之子修德帥兄弟至其所矯稱敕呼鄭王世克與兄世暉趨出修德等殺之詔免修德官其餘兄弟子侄等於道亦以謀反誅

綱目隋大業十二年丁秋九月王世克救東都合擊李密於洛口十二月王世克襲李密敗績十四年庚春正月魏公密敗隋王世

克于洛北三月字文化及弒其君廣於江都立秦王浩夏五月唐

王稱皇帝隋越王侗稱帝于東都秋八月李密與隋戰大敗九月

隋字文化及殺秦王浩僭稱帝冬十月隋王世克為太尉尚書令

唐武德二年己春二月隋王世克自稱鄭王加九錫夏四月鄭王

世克稱帝五月鄭王世克弒隋王侗秋七月鄭將羅士信降唐鄭

人侵唐穀州三年秋七月遣秦王世民督諸軍伐鄭四年己春二

月唐秦王世民敗鄭王世克於穀水進圍洛陽三月竇建德將兵

救鄭秦王世民大破擒之鄭王世克降秋七月秦王世民至長安

獻俘太廟赦王世克

胡氏曰唐帝長安鄭帝洛陽迹其所以取之未有大相過者故王

世克有隔水之間而秦王所以答之者以語雖大而理不暢也

劉氏曰王竇皆非唐之叛臣也而世克事煬不忠致隋失天下又弑侗而自立淫刑以逞虐及無辜其罪爲重宜數而戮之待建德不死則刑有章矣而唐不然其不戮世克得非內省有疚與其誅建德也無乃畏惡其能與已而使人潛殺世克豈所謂與衆棄之歟

尹氏曰王世克誠有罪然唐旣受其降則不可殺之彼亦自謂罪固當誅特秦王許臣不死其辭爲甚直若建德則越境而來又於陳擒之戮之宜矣一赦一誅固非過也若夫他時蕭銑旣降而死則唐始爲濫殺矣

卮言曰唐太宗起兵討伐比迹湯武王世克挾侗以令衆又弑而奪之豈可同日而道哉先儒之論非其倫矣其不殺世克也太宗固先許之而卒殺之者則高祖之過也世克雖負篡逆之罪然當是時天下之惡隋甚矣僭竊並興孰不比隋於秦而侗亦煬孫也安得復辟以稱民望况庸才乎綱目夷侗于列國而書王世克曰鄭王亦從列國之例不書曰廢其君某則權衡審矣若宇文化及則不書許直以亂賊待之耳

吳杜伏威章

吳王杜伏威章在入少落柘不治產業每穿窬爲盜與臨濟輔公柘爲刎頸交公柘數盜姑家牧羊以覬伏威縣迹捕急乃相與亡命聚衆爲群盜伏威年十六每出則居前入則殿後由是其徒推以爲帥癸酉十一月伏威率衆入長白山投賊帥左君行不見禮去之轉掠淮南自稱將軍時下邳向海潮亦聚衆爲盜伏威使公柘謂之曰合

我與君同苦隋政各舉大義力分勢弱常恐被擒若合爲一則足以敵隋矣君能爲主吾當敬從自揆不堪宜來聽命不則一戰以決雌雄海潮懼卽帥其衆降之伏威轉掠淮南自稱將軍江都畱守遣校尉宋顥討之伏威與戰陽爲不勝引顥衆入葭葦中因從上風縱火顥衆皆燒死海陵賊帥趙破陳以伏威兵少輕之召與并力伏威使公祐嚴兵居外自與左右十人齎牛酒入謂於座殺破陳領其衆由此伏威寢盛復屠安宜乙亥十一月東海李子通帥衆度淮與伏威合伏威選軍中壯士養爲假子凡三十餘人濟陰王雄誕臨濟葭葦爲之冠旣而子通謀殺伏威遣兵襲之伏威被創墜馬雄誕負之養葭葦中收散兵復振將軍來整擊伏威破之其將西門君儀之妻王氏勇而多力負伏威以逃雄誕帥壯士衛之與隋兵力戰由是獲免

伏威移屯六合有衆數萬丙子十月煬帝遣將軍陳稜將宿衛兵八千討之丁丑正月伏威帥衆拒稜稜閉壁不戰伏威遺以婦人之服謂之陳姥稜怒出戰伏威奮擊大破之稜僅以自免伏威乘勝破高郵引兵據歷陽自稱總管以輔公祐爲長史分遣諸將徇屬縣所至輒下江淮間小盜爭附之伏威常選敢死之士五千人謂之上募寵遇甚厚有攻戰輒令上募先擊之戰罷閱視有傷在背者卽殺之以其退而被擊故也所獲資財皆以賞軍士有戰死者以妻妾徇葬故人自爲戰所向無敵戊寅三月宇文化及弒煬帝引兵發江都以伏威爲歷陽太守伏威不受五月東都守將立越王侗爲帝改元皇泰伏威乃上表於皇泰主拜爲東道大總管封楚王己卯八月李子通圍陳稜於江都稜求救於伏威伏威引兵救之軍清流子通詐襲其

營攻江都克之稜奔伏威伏威亦引去因請降于唐唐以伏威為淮南安撫使和州總管行臺尚書令楚王庚辰六月進封吳王賜姓李氏十一月伏威使雄誕擊李子通降之執送長安先是汪華據黟歙稱王十餘年雄誕還軍擊之華窘迫請降聞人遂安據崑山無所屬伏威使雄誕擊之雄誕示以禍福遂安帥諸將出降於是伏威盡有淮南江東之地南至嶺東距海辛巳正月伏威遣其將陳正通徐紹宗帥精兵二千會秦王世民擊王世克甲申攻梁克之壬午七月秦王世民討徐圓朗下十餘城聲振淮泗伏威懼請入朝秦王班師伏威入朝廷升御榻拜太子太保留長安位在齊王元吉上以寵異之癸未秋輔公祏反甲申二月伏威卒公祏之反也許稱伏威之命以給其軍及公祏平趙郡王孝恭不知其詐以狀聞詔除伏威名籍沒

其妻子及太宗即位知其冤赦之復其官爵伏威據歷陽凡七年

綱目隋大業九年

癸酉

冬十二月杜伏威起兵掠江淮丁丑春正月

陳稜討杜伏威敗績伏威遂據歷陽巳卯

唐武德二

秋八月杜伏

威降唐唐以為和州總管辛巳冬十一月唐杜伏威擊李子通執

送長安壬午秋七月唐秦王世民討徐圓朗杜伏威入一于唐甲

申二月吳王杜伏威卒

卮言曰隋末諸僭國善終者無如杜伏威雖以枉累罹身後之禍而太宗卒為昭雪其處功名知勇可謂兼之矣綱目於其降也書官於其卒也書爵蓋予之也若伏威者庶幾漢之竇融宋之錢俶

矣伏威初據歷陽即今和州

吳李子通章

吳主李子通沂州丞人少貧以漁獵爲生大業乙亥長白山賊帥左才相自號博山公子通依之子通有勇力爲才相所重羣盜皆殘忍而子通獨寬仁由是人多歸之未半歲有衆萬人才相忌之十一月子通引去度淮與杜伏威合旣而謀殺伏威遣兵襲之伏威被創其養子正雄誕負之以逃子通尋爲將軍來整所敗帥其餘衆奔海陵復收兵得二萬人自稱將軍入據海陵丙子七月爲將軍陳稜所敗戊寅三月宇文文化及弒煬帝于江都立秦王浩爲帝化及引兵而西以陳稜爲江都太守綜領留事五月唐王受禪稱帝于長安隋越王侗稱帝于東都已卯八月子通圍陳稜于江都稜送質求救于沈法興及杜伏威法興使其子綸將兵數萬與伏威共救之伏威軍清流綸軍楊子相去數十里子通納言毛文深獻策募江南人詐爲綸兵夜襲伏威營伏威怒復遣兵襲綸由是二人相疑莫敢先進子通得盡銳攻江都克之稜奔伏威子通入江都因縱擊綸大破之伏威亦引去子通卽皇帝位國號吳改元明政丹陽賊帥樂伯通帥衆萬餘降之辛巳十一月杜伏威使將王雄誕擊李子通子通以精兵守獨嶺松雄誕遣其將陳當將千餘人乘高據險以逼之子通懼燒營走保杭州推誕追擊之又敗之於城下庚寅子通窮威請降伏威執子通并其左僕射樂伯通送長安帝釋之壬午七月杜伏威入朝子通謂樂伯通曰伏威旣來江東未定我往收舊兵可以立大功遂相與亡至藍田關爲吏所獲俱伏誅子通據江都稱吳帝二年先稱楚王五年自起兵至滅凡八年

綱目隋大業十一年

乙亥

冬十月東海李子通據海陵戊寅

唐武德

元年 秋八月李子通稱吳帝於江都庚辰冬十二月吳王子通敗
梁兵取京口杜伏威擊之子通敗走辛巳冬十一月唐杜伏威擊
李子通執送長安壬午秋七月李子通叛唐伏誅

楚朱粲章

楚王朱粲亳州城父人始為縣佐史大業乙亥冬從軍討長白山賊
亡命聚眾為盜謂之可達寒賊自稱迦樓羅王眾至十餘萬引兵度
淮屠竟陵沔陽轉掠山南郡縣山南者長安南山之南所過焦類無餘丁丑九
月李密襲據黎陽倉郡縣相繼降密粲亦遣使降于附于密以粲為
揚州總管鄧公十二月唐公克長安自稱唐王遣將李孝恭擊破粲
諸將戊寅二月宇文化及弑煬帝于江都五月唐王稱皇帝山南撫
慰使馬元規擊粲於冠軍破之東都留守官奉越王侗稱帝於東都

改元皇泰七月宣州刺史周超擊粲敗之九月李密為王世充所敗
密之將帥多降于隋粲亦遣使降隋皇泰主以粲為楚王十月鄧州
刺史呂子藏與馬元規擊粲破之子藏言於元規曰粲新敗上下危
懼請并力擊之元規不許既而粲收集餘眾兵復大振自稱楚帝於
冠軍改元昌達進攻鄧州陷之子藏赴敵而死俄而城陷粲入據之
十一月粲寇浙川太常卿鄭元璫擊破之己卯正月粲有眾二十萬
剽掠漢淮之間遷徙無常每破州縣食其積粟未盡復他適將去悉
焚其餘資又不務稼穡民餒死者如積粲無可復掠軍中乏食乃教
士卒烹婦人嬰兒噉之曰肉之美者無過於人但使侘過有人何憂
於餒隋著作佐郎陸從典通事舍人顏愍楚謫官在南陽粲初引為
賓客其後無食闔家皆為所噉又說諸城堡細弱以供軍食諸城堡

相帥叛之淮安土豪楊士林田瓚起兵攻粲諸州皆應之粲與戰于
淮源大敗帥餘眾數千奔菊潭士林乃帥漢東四郡降唐詔以為顯
州行臺二月粲遣使請降詔以粲為楚王聽自置官屬以便宜從事
四月遣散騎常侍段確奉詔慰勞粲於菊潭乘醉侮粲曰聞卿好噉
人人作何味粲曰噉醉人正如糟藏爨肉確怒罵曰狂賊入朝為一
頭奴耳復得噉人乎粲於坐收確反從者數十人悉烹之以噉左左
遂屠菊潭奔王世克世克以為龍釀大將軍秦王平世克收粲斬之
粲殘忍競投瓦礫擊其尸須臾如冢粲稱帝二年前後稱王三年共
五年

綱目隋大業十一年冬十一月城父朱粲兵起戊寅唐武德元

冬十月朱粲自稱楚帝取唐鄧州己卯春二月朱粲降唐以為

楚王四月楚王朱粲殺唐使者奔東都

楚林士弘章

楚主林士弘饒州鄱陽人丙子十一月士弘與鄉人操師乞起為群

盜乞師自號元興王攻陷豫章郡據之以士弘為大將軍隋煬帝遣

劉子翊將兵討之師乞中流失死士弘代統其眾與子翊戰於彭蠡

湖子翊敗死士弘兵大振至十餘萬人十二月壬辰士弘徙據虔州

自稱皇帝國號楚新唐書曰士弘自稱南越王尋借號建元延康建元大平遂取九江臨

川南康宜春等郡豪傑爭殺隋守令以郡縣應之其地北自九江南

及番禺皆為所有丁丑十二月方與賊帥張善安襲陷廬江郡因度

江歸士弘於豫章士弘疑之營於南塘上善安恨之襲破士弘焚其

郭廓而去士弘徙居南康蕭銑道將攻豫章克之士弘退保餘干辛

已冬蕭銑敗亡散兵多歸士弘軍勢大振壬午十月士弘遣其弟鄱陽王藥師攻循州刺史楊略與戰斬之其將王戎以南昌降士弘懼尋復走保安成山洞袁州人相聚應之洪州總管若干則遣兵擊破之會士弘死其眾遂散士弘據虔州稱帝六年虔州今江西贛州府
綱目隋大業十二年丙子冬十二月鄱陽林士弘稱楚帝據江南丁丑冬十二月蕭銑取豫章林士弘退保餘干壬寅唐武德五年冬十月林士弘卒其眾遂散

燕高開道章

楚王高開道滄州陽信人世炎鹽爲生少趨勇走及奔馬大業末河間人格謙擁兵於豆子甃自稱燕王開道往依謙謙未甚奇之會謙爲隋兵圍捕左右奔散無救者開道獨身次戰殺數十人捕兵解謙得免遂引爲將軍丙子十二月謙爲隋將王世克所滅討謙斬之開道與其黨百餘人亡海曲後出剽滄州眾稍附因北掠戍保自臨渝至懷遠皆破有之軍勢復振右武衛大將軍李景時守北平開道圍之歲餘不能克戊寅十二月遼西太守鄧曷將兵救景景帥其眾遷于柳城後將還幽州於道爲盜所殺開道遂取北平進陷漁陽郡有馬數千匹眾且萬自稱燕王改元始興都漁陽懷戎沙門高曇晟殺縣令鎮將自稱大乘皇帝遣使招開道立爲齊王開道帥眾五千人歸之居數月襲殺曇晟悉并其眾己卯三月營州總管鄧曷擊開道敗之庚辰五月竇建德圍幽州李藝告急於開道開道帥二千騎救之建德引兵去開道因藝遣使降唐唐以開道爲蔚州總管賜姓李

氏封北平郡王辛巳十一月幽州大饑開道許以粟賑之藝喜遣老弱詣開道就食開道皆厚遇之藝喜於是發民三千人車數百乘驢馬千餘匹往受粟開道悉留之告絕於藝復稱燕王北連突厥南與劉黑闥相結引兵攻易州不克大掠而去又遣其將謝稜詐降於藝請兵應接藝出兵應之將至懷戎藝稜襲擊破之開道與突厥連兵數入爲寇恒定幽易咸被其患甲申二月開道見天下皆定欲降自以數反覆不敢且恃突厥之衆遂無降意其將卒皆山東人思鄉里咸有離心開道選勇敢士數百謂之假子常直閣內使金樹領之故劉黑闥將張君立亡在開道所與金樹密謀取開道金樹遣其黨數人入閣內與假子遊戲向夕潛斷其弓絃藏刀槩於牀下合瞑抱之趨出金樹帥其黨大譟攻開道閣假子將禦之弓弦皆絕刀槩已失爭出降君立亦舉火相應開道知不免乃擐甲持兵坐堂上與妻妾奏樂酣飲衆憚其勇不敢逼天且明開道縊妻妾及諸子乃自殺金樹陳兵悉收假子斬之并殺君立遣使來降詔以其地置媯州開道據漁陽稱王凡九年

綱目隋大業十二年丙子冬十二月遣江都通守王世充擊河間格

謙斬之謙黨高開道收其衆掠燕地戊寅唐武德五年冬十二月高

開道據漁陽自稱燕王己卯冬十月高開道遣使來降辛巳冬十

二月高開道叛稱燕王甲申春二月高開道爲其下所殺

燕羅藝章

燕王羅藝監門將軍榮之子也藝姓桀黠剛愎善射敢戰大業時屢以軍功官至虎賁郎將煬帝令受李景節度都督軍於北平藝少習

戎旅分部嚴肅然任氣縱暴每陵侮於景頗爲景所辱藝深銜之時煬帝謀伐高麗器械資儲皆積於涿郡涿郡人物殷阜屯兵數萬又臨朔宮多珍寶諸賊競來侵掠留守官虎賁郎將趙什住等不能拒惟藝獨出戰前後破賊甚衆威名日重什住等忌之丙子十二月藝將作亂先宣言以激其衆曰吾輩討賊數有功城中倉庫山積制在留守之官而莫肯散施以濟貧乏將何以勸將士衆皆憤怨軍還郡丞出城候藝因執之陳兵而入什住等懼皆來聽命乃發庫物以賜戰士開倉庫以賑貧乏境內咸服殺不同己者勃海太守唐禕等數人威振燕地柳城懷遠並歸之藝黜柳城太守楊林甫改郡爲營州以襄平太守鄧暲爲總管藝自稱幽州總管戊寅三月宇文文化及弒煬帝于江都五月唐王淵稱皇帝十二月暲以柳城北平二郡降唐

初宇文文化及遣使招藝藝曰我隋臣也斬其使者爲煬帝發喪臨三日竇建德高開道各遣使招之藝曰建德開道皆劇賊耳吾聞唐公已定關中人望歸之此真吾主也吾將從之敢沮議者斬會張道源撫慰山東藝遂奉表與漁陽上谷等諸郡皆降于唐唐以爲幽州總管封燕公竇建德既克冀州兵威益盛帥衆十萬寇幽州藝將薛萬均邀擊大破之建德竟不能至其城下乃分兵掠霍堡及雍奴等縣藝復邀擊敗之凡相拒百餘日建德不能克乃還樂壽己卯十月賜姓李氏封燕郡王藝破竇建德於衡水庚辰五月竇建德遣高士興擊藝於幽州不克退籠火城藝襲擊大破之斬首五千級十月建德帥衆二十萬復攻幽州藝與其將薛萬均等出戰而敗建德逐北至其城下攻之不克而還辛巳六月劉黑闥引突厥寇山東詔藝擊之

藝壬午十二月藝引兵與太子建成會討劉黑闥復蕪定二州癸未
二月黑闥平藝請入朝以爲左翊衛大將軍藝恃功驕倨秦王左右
至其營藝無故歐之帝怒收 藝繫獄既而釋之秦王卽位藝內不
自安貞觀丁亥二月曹州妖巫李五戒謂藝曰王貴色已發勸之反
藝乃詐稱奉密敕勸兵入朝遂引兵至幽州幽州治中趙慈皓馳出
謂之藝入據幽州詔長孫無忌帥兵討之慈皓聞官軍將至密與統
軍楊岌圖之事洩藝囚慈皓岌在城覺外覺變勸兵攻之藝衆潰將
奔突厥至烏氏左右斬之傳首長安弟壽爲利州都督亦坐誅

綱目隋大業十二年丁未冬十二月虎賁郎將羅藝起兵涿郡戊寅

唐武德五

冬十一月唐以羅藝爲幽州總管擊夏兵敗之己卯冬

唐賜羅藝姓李氏癸未春二月幽州總管李藝入 於唐唐貞觀

元年丁亥春正月燕郡王李藝反涇州統軍楊岌討殺之

尹氏曰亂臣賊子何世無之太宗在御猶大明當天而李藝敢於
稱亂可謂狂愚之甚矣夫苟畏罪懼討則束身歸命可也持寸挺
以擊泰山求免得乎然藝書反何以亦書曰殺書殺則義已明矣
固非若王君廓殺廬江王之類也

卮言曰羅藝亦隋末僭竊自雄者也非唐功臣比也旣入朝而爲
臣則其叛固宜以反書矣然非有殺使悖亂之逆故其敗死也不
書伏誅而但書殺

離石劉苗王章

劉苗王離石胡也大業甲戌十一月苗王反自稱天子衆至數萬將
軍潘長文討之不克

綱目隋大業九年甲戌冬十一月離石胡劉苗兵起

王氏曰離苗王劉淵之裔也淵嘗都離石故曰離石胡也

隋志曰離石郡後齊置汾州後周改爲汾州煬帝改離石郡

劉王劉龍兒離石胡也隋末擁兵數萬自號劉王以其子季真爲太子第六兒爲永安王虎賁郎將梁德擊斬之

突利可汗劉季真龍兒子也唐武德己卯五月季真與六兒復舉兵爲亂引劉武周之衆攻陷石州殺刺史王儉季真自稱突利可汗以六兒爲拓定王六兒遣使請降詔以爲嵐州總管師都寇靈州長史楊則擊走之庚辰三月副總管張綸李仲文引兵臨石州季真懼而詐降之酉以季真爲石州總管賜姓李氏封彭山郡王六月師都引突厥稽胡季真附於劉武周四月秦王世民大破宋金剛金剛走死劉六兒從金剛在介休秦王擒斬之季真棄石州奔武周將馬邑高滿政滿政殺之季真凡據石州七年

卮言曰通鑑大業九年十一月離石胡苗王反自稱天子潘長父討之不克距唐武德二年七年矣是年五月云隋末離石胡劉龍兒擁兵自號劉王梁德擊斬之至是季真復舉兵爲亂苗王不見其終龍兒不見所起疑苗王卽龍兒而龍兒者六兒之誤也唐書以六兒爲龍兒弟而通鑑以爲季真弟未知孰是

定楊劉武周章

定楊可汗劉武周瀛州景城人父匡徙馬邑因家焉武周驍勇喜任俠兄山伯數詈辱之武周因去至洛爲太僕楊義臣帳下募征遼有功授建節校尉還馬邑爲鷹揚府校尉馬邑太守王仁恭以其土豪

甚親厚之令帥親兵屯閣下丁丑二月武周與仁恭侍兒私通恐以
事泄謀作亂先是仁恭多受貨賂不能振施武周因宣言於衆曰今
百姓饑饉僵屍滿道王府君閉倉不賑卹豈爲民父母之意乎衆皆
憤怒武周稱疾卧家豪傑來候問武周椎牛縱酒大言曰壯士豈能
坐待溝壑今倉粟爛積誰能與我共取之豪傑皆許諾己丑仁恭坐
聽事武周上謁其黨張萬歲等隨入升階斬仁恭持其首出徇郡中
無敢動者於是開倉以賑饑民馳檄境內屬城皆下之取兵得萬餘
人武周自稱太守遣使附於突厥廡門郡丞陳孝意與王智辨共討
武周圍桑乾鎮壬寅武周與突厥合兵擊智辨殺之孝意奔還廡門
三月丁卯武周襲破樓煩郡進取汾陽宮獲隋宮人以賂突厥始畢
以馬報之兵勢益振又攻陷定襄突厥立武周爲定楊可汗

言將使
之定楊

世宗舊唐書武周皆無國號
世宗業起居注云國號定楊

遺以狼頭纛武周卽皇帝位改元天

興引兵圍廡門陳孝意悉力拒守乘間出擊武周屢破之旣而外無
救援城中食盡校尉張倫殺孝意以降始畢又以武周爲定楊天子
武德己卯三月武周寇并州四月武周引突厥之衆軍於廣蛇嶺兵
鋒甚盛齊王元吉使張達以步卒嘗寇達辭以兵少元吉強遣之至
則俱沒達忿恨乃引武周襲榆次陷之武周圍并州齊王元吉拒却
之五月武周陷平遙初易州賊帥宋金剛有衆萬餘爲竇建德所敗
奔武周武周聞其善用兵得之甚喜號曰宋王委以軍中事分家貲
以遺之金剛亦深自結出其故妻納武周之妹因說武周南向爭天
下武周以金剛爲西南道大行臺使將兵三萬寇并州武周進逼介
州沙門道澄以佛幡縋之入城遂陷介州詔姜寶誼李仲父擊之武

周將黃子英往來雀鼠谷數以輕兵挑戰寶誼仲文悉衆逐之伏兵發唐兵大敗寶誼仲文皆爲所虜既而俱逃歸帝復使二人將兵擊武周以武周入寇爲憂右僕射裴寂請自行乃以寂爲晉州總管討武周聽以便宜從事七月宋金剛寇浩州浹旬而退九月裴寂至介休宋金剛據城拒之寂軍夜度索原金剛縱兵擊之寂軍遂潰失亡略盡寂馳至晉州先是武周屢遣兵攻西河浩州刺史劉贍拒之李仲文引兵就之與共守西河及裴寂敗自晉州川北城鎮俱沒惟西河獨存姜寶誼復爲金剛所虜殺之裴寂上表謝罪帝復使鎮撫河東武周進逼并州齊王元吉棄州奔還長安晉陽土豪薛深以城納武周衛尉少卿劉政會在太原爲武周所虜政會密表論武周形勢武周據太原遣宋金剛攻晉州拔之虜大將軍劉弘基弘基逃歸金剛進逼絳州陷龍門十月宋金剛攻滄州陷之軍勢甚銳裴寂性怯唯發使駱驛趣居民入城堡焚其積聚民驚擾愁怨皆思爲盜夏縣民呂茂崇聚衆自稱魏王以應武周寂討之爲所敗詔永安王孝基等將兵討之時王行本猶據蒲反未下亦與武周相應關中震駭帝出手敕曰賊勢如此難與爭鋒宜棄大河以東謹守關西而已秦王世民曰大原王業所基河東富實若舉而棄之臣竊憤恨願假臣精兵二萬必冀平殄武周克復汾晉上於是悉兵以益秦王所統使擊武周幸華陰以送之十一月己卯武周寇浩州秦王引兵渡河屯柏壁與宋金剛相持軍中乏食秦王發教諭民民莫不歸附然後漸收其糧食軍食以克乃休兵秣馬堅壁不戰由是賊勢日衰永安王孝基等攻呂崇茂崇茂求救於宋金剛金剛遣其將尉遲敬德尋相將

兵奄至虜孝基等敬德等將還秦王遣殷開山等邀擊於良美川大破之庚辰正月唐克蒲坂王行本降帝幸蒲州斬行本宋金剛圍絳州二月帝幸華州武周遣兵寇潞州陷長子壺關潞州長史不能禦上以將軍王行敏助之武周復遣兵寇潞州行敏擊破之三月武周遣其將張萬歲寇浩州李仲文擊走之四月武周數攻浩州爲李仲文所敗宋金剛軍中食盡丁未北走秦王追之及於雀鼠谷一日八戰皆破之金剛大敗尉遲敬德收餘衆守介休秦王遣任城王道宗等往諭之敬德與尋相舉介休及永安降武周聞金剛敗大懼棄并州走突厥金剛收其餘衆欲復戰衆莫肯從亦與百餘騎走突厥秦王至晉陽武周所署僕射楊復念以城降武周所得州縣皆入于唐未幾金剛謀走上谷突厥追獲署斬之武周之南寇也其內史令苑君璋諫曰唐主舉一州之衆直取長安所向無敵此乃天授非人力也晉陽以南道路險隘縣軍深入無繼於後若進戰不利何以自還不如北連突厥南結唐朝南面稱孤足爲長策武周不聽留君璋守朔州及敗泣謂君璋曰不用君言以至於此久之武周謀亡歸馬邑事泄突厥殺之而使君璋統其餘衆癸未六月君璋奔突厥高滿政以馬邑降武周據馬邑稱可汗凡四年

綱目隋大業十三年

丁丑

春二月馬邑校尉劉武周朔方郎將梁師

都各據郡起兵三月突厥立劉武周爲定楊可汗取樓煩定襄鴈

門諸郡已卯

唐武德二

夏四月定楊可汗武周擊唐并州取榆次

六月定楊將宋金剛擊唐并州唐以裴寂爲總管拒之秋八月唐裴寂軍潰定楊武周可汗取并州齊王元吉奔長安庚辰春正月定楊取

唐長子壺關二月唐秦王世民擊宋金剛破之定楊可汗武周及金剛皆走死

未樂郭子和章

永樂王郭子和同州蒲城人大業末為左翊衛子和蓋衛士之屬左衛翊衛者坐事

徙榆林會郡中大饑丁丑三月子和潛結敢死士十八人攻郡門執

郡丞王才數以不恤百姓斬之開倉賑施自稱永樂王改元丑平有

二千餘騎南連梁師都北附突厥各遣子為質以自固始畢可汗以

子和為平楊天子平楊猶定楊也子和固醉不敢當乃更以為屋利設戊寅

七月遣使降唐以為雲靈州總管賜姓李氏庚辰十月子和先與突

厥梁師都相結連結既而襲師都寧朔城克之又得突厥豐隙管賜

姓李氏遣使以聞為突厥侯騎所獲處羅可汗大怒囚其弟子升子

和自以孤危請帥其民南徙詔以延州故城處之榆林即今榆林鎮延州即今延州

綱目隋大業十三年丁丑春二月流人郭子和起兵榆林突厥以為

屋利設

王氏曰屋利設突厥俗謂別部典兵者曰設屋利乃一設之號

梁梁師都章

梁王梁師都夏州朔方人為郡豪姓仕隋鷹揚府郎將大業末罷歸

丁丑二月師都殺郡丞唐世宗據郡自稱大丞相比連突厥三月師

都略定雕陰弘化延安等郡遂稱皇帝國號梁改元永隆突厥始畢

可汗遣以狼頭纛號為大度毗伽可汗師都乃引突厥居河南之地

攻破鹽川郡始畢又以為解事天子戊寅七月師都寇靈州驃騎將

軍蘭興擊擊破之己卯正月唐遣光祿大夫靳孝安集邊郡為師都

所獲孝謨罵之極口師都殺之二月突厥始畢可汗將其衆至夏州始畢卒處羅可汗立突厥乃還三月師都寇靈州長史楊則擊走之已卯八月梁師都與突厥合數千騎寇延州行軍總管段德操擊之師都軍潰逐北二百里破其魏州虜男女二千餘口庚辰九月乙未師都復寇延州段德操擊破之斬首二十餘級師都以百餘騎遁去辛巳六月師都引突厥稽胡兵入寇行軍總管段德操擊破之斬首千餘級八月癸卯師都石堡留守張舉帥千餘人降唐九月庚午師都將劉旻以華池降唐以爲林州總管師都大懼十一月遣其尚書陸季覽說突厥處羅可汗曰比者中原喪亂分爲數國勢均力弱故皆北面歸附突厥今定楊可汗旣亡天下將悉爲唐有師都不辭灰滅亦恐次及可汗不若及其未定南取中原如魏道武所爲師都請

爲延州處羅從之謀使莫賀咄設入自原州泥步設與師都入自延州突利可汗入自幽州會竇建德之師于晉絳將出師而處羅卒貞觀二年戊子五月上知突厥政亂不能庇師都以書諭之師都不從上遣夏州都督長史劉旻司馬劉蘭成圖之旻等數遣輕騎踐其禾稼多縱反間離其君臣其國漸虛降者相屬其名將李正賓等謀執師都事泄來奔由是上下益相疑旻等知其可取上表請兵上遣右衛大將軍柴紹殿中少監薛萬均擊之又遣旻等據朔方東城以逼之師都引突厥兵至城下劉蘭成偃旗卧鼓不出師都宵遁蘭成追擊破之突厥大發兵救師都柴紹等來至朔方數十里與突厥遇奮擊大破之遂圍朔方突厥不能救城中食盡壬寅師都從父弟洛仁殺師都以城降以其地爲夏州

綱目隋大業十三年_{丁丑}春二月朔方郎將梁師都據郡起兵三月
梁師都取雕陰弘化延安等郡自稱梁帝引突厥寇邊_{唐武德二}巳卯
唐太宗秋八月梁主師都以突厥寇延州唐總管段德操擊破之
貞觀二年_{戊子}夏四月遣右衛大將軍柴紹等討梁師都其下殺之
以降以其地爲夏州

劉氏曰唐初諸僭國非叛未有書討者此其書討何召狄且迷復
也故前書寇今書討

丘氏曰隋末羣盜至是盡滅

卮言曰綱目於唐初諸國曰武德七年以前皆以列國例書之惟
降唐而復叛者書叛武德八年以後則書反書討

秦薛氏章

秦主薛舉汾陰人父汪徙居金城舉驍勇絕倫家貲鉅萬交結豪傑
雄於西邊爲金城府校尉大業丁丑歲隴右盜起金城令郝瑗募兵
得數千人使舉將而討之四月癸未瑗方授甲置酒饗士舉與其子
仁杲及同黨十三人於座劫瑗發兵囚郡縣官開倉賑施自稱西秦
霸王改元秦興以仁杲爲齊公少子仁越爲晉公招集羣盜掠官牧
馬賊帥宗羅暎帥衆歸之以爲義興公將軍皇甫綰將兵一萬屯抱
罕舉選精銳二千人襲之岷山羌酋鍾利俗擁衆二萬歸之舉兵大
振更以仁杲爲齊王領東道行軍元帥仁越爲晉王兼河州刺史羅
暎爲興王以副仁杲分兵略地取西平澆河二郡未幾_{盡有隴西}
之地衆至十三萬七月舉自稱秦帝立子仁杲爲太子遣仁杲將兵
圍天水克之舉自金城徙都之仁杲多力善騎射軍中號萬人敵然

性貪而好殺及克天水悉召富人倒懸之以醋灌鼻責其金寶舉每戒之曰汝之才略足以辦事然苛虐無恩終當覆我國家舉遣晉王仁越將兵趨劔口至河池郡太守蕭瑀拒却之又遣其將常仲興濟河擊李軌與軌將李贇戰於昌松仲興舉軍敗沒軌縱遣之十一月唐公李淵克長安立代王侑爲帝自爲相承封唐王十二月舉遣其子仁杲寇扶風唐弼據汧源拒之舉遣使招弼弼乃殺李弘芝請降於舉仁杲乘其無備襲破之悉并其衆弼以數百騎走詣扶風請降扶風太守竇璡殺之舉勢益張衆號三十萬謀取長安聞唐王已定長安遂圍扶風唐王使秦公世民將兵擊之癸巳秦公擊仁杲於扶風大破之追奔至隴坻而還舉大懼問其群臣曰自古天子有降事乎黃門侍郎褚亮曰趙陀歸漢劉禪仕晉近世蕭琮至今猶貴轉禍爲福自古有之衛尉卿赫瑗趨進曰陛下失問褚亮之言又何悖也昔漢高祖屢經奔敗蜀先主亟忘妻子卒成大業陛下柰何以一戰不利遽爲亡國之計乎舉亦悔之曰聊以此試君等耳乃厚賞瑗引爲謀主姜瓖竇軌進至長道爲舉所敗引還戊寅五月唐王稱皇帝廢隋主侑爲酈國公六月癸未舉寇涇州唐以秦王世民爲元帥將八總管兵以拒之八月舉進逼高墟遊兵至于豳岐秦王深溝高壘不與戰會秦王得瘧疾委軍事於劉文靜殷開山乃陳於高燕西南恃衆而不設備舉潛師掩其後壬子戰於淺水原八總管皆敗士卒死者十五六大將軍慕容羅睺李安遠劉弘基皆沒秦王引兵還長安舉遂拔高墟收唐兵死者爲京觀八月舉遣仁杲進圍寧州刺史胡演擊却之赫瑗言於舉曰今唐兵新破關中騷動宜乘勝直取長安

舉然之會有疾而止辛巳舉卒謚曰武帝

綱目隋大業十三年_{丁丑}夏四月金城校尉薛舉起兵隴西自稱西秦霸王秋七月薛舉自稱秦帝徙據天水十二月薛舉侵扶風唐王淵遣秦公世民擊敗之戊寅夏五月唐王淵稱皇帝六月秦王舉侵唐涇州秋七月唐秦王世民與秦王舉戰于高塢敗績八月秦王薛舉卒子仁果嗣

劉氏曰凡主書卒存正統也於是夷隋於列國矣其卒書王何子唐以正統也故秦王楚王書卒

後主薛仁果舉長子也舉稱帝立爲太子舉卒仁果立居於折塢城以秦王世民爲元帥擊之九月秦州總管竇軌擊仁果不利將軍劉感鎮涇州仁果圍之會長平王叔良將士至涇州仁果乃揚言食盡

引兵南去又遣高塢人僞以城降叔良遣感帥衆赴之仁果兵自太原南下戰於百里細川唐軍大敗感爲仁果所擒仁果復圍涇州叔良嬰城固守僅能自令庚申隴州刺史常達擊仁果於宜祿川斬首千餘級仁果屢攻達不能克乃遣其將許士政以數百人詐降達厚撫之乙丑士政伺隙以其徒劫達擁城中二千人降於仁果仁果之爲太子也與諸將多有隙及卽位衆心情懼郝瑗哭舉得疾遂不起由是國勢侵弱十一月秦王世民至高塢仁果使宗羅睺將兵拒之羅睺數挑戰世民堅壁不出相持六十餘日仁果糧盡其將梁胡朗等帥所部來降秦王乃命梁實營於淺水原以誘之羅睺大喜盡銳攻之秦王度其已疲使龐玉陳於淺水原羅睺并兵擊之玉幾不能支秦王自帥驍騎陷陳羅睺軍潰秦王帥騎追之仁果陳於城下秦

王據涇水臨之仁杲驍將渾幹等數人臨陣來降仁杲懼引兵入城拒守日向莫大軍繼至遂圍之夜半守城者爭自投下仁杲計窮已西出降得其精兵萬餘人男女五萬口

綱目唐武德元年戊寅秋八月唐遣秦王世民伐秦十一月唐秦王世民破秦兵圍折撫秦王仁杲出降唐斬薛仁杲於市

尹氏曰光武待劉盆子以不死蓋以既受其降則不可得而殺之也仁見以盜賊竊據土宇罪固當誅然上書仁杲出降下書斬於市則唐人未免為殺降而仁杲之罪則有所未暇問也

右薛氏據隴西稱秦帝二世共二年

涼李軌章

涼王李軌涼州姑臧人略知書有智辨家富好任俠鄉黨稱之大業

中補鷹揚府司馬丁丑六月薛舉作亂於金城軌與同郡曹珍關謹

梁頊王贊安修仁等謀曰薛舉必來侵暴郡官庸怯勢不能禦吾輩

豈可束手妻子為虜耶不若相與并力拒之保據河右以待天下之

變眾皆以為然欲推一人為主各相讓莫肯當曹珍曰久聞圖讖李

比當王今軌在謀中乃天命也遂相與拜軌奉以為主丙辰軌令修

仁集諸胡安氏涼州豪望世為民軌結民間豪傑共起兵執虎賁郎

將謝統師郡丞帝士政軌自稱河西大涼王置官屬並擬開皇故事

關謹等欲盡殺隋官分其家貲軌曰諸人既逼以為王當尊其號令

今興義兵以救生民乃殺人取貨此群盜耳將何以濟西突厥闕度

設據會寧川自稱闕可汗請降於軌薛軌遣其將常仲興濟河擊軌

與軌將李贇戰于昌松仲興舉軍敗沒軌欲縱遣之贇曰力戰獲俘

復縱以資敵將焉用之不如盡阬之軌曰天若祚我當擒其王此屬
終爲我有若其無成留之何益乃縱之

即徒言無益也

未幾攻張掖敦煌西平抱罕皆克之盡有河西王郡之地軌不殺隋官縱薛舉兵皆有人君之言其才略不足以濟

寅三月宇文文化及弒煬帝於江都五月唐王受禪稱帝八月唐帝欲
與軌共圖秦隴遣使潛詣涼州招撫之與之書謂之從弟軌大喜遣
其弟懋入貢唐帝以懋爲大將軍命鴻臚少卿張俟德冊拜軌爲涼
州總管封涼王十一月乙巳軌卽皇帝位改元安樂軌吏部尚書梁
碩有智略軌當倚之以爲謀主碩見諸胡侵盛陰勸軌宜加防察由
是與戶部尚書安修仁有隙軌子仲琰嘗詣碩碩不爲禮乃與修仁
共譖碩於軌誣以謀反軌醜碩殺之有胡巫謂軌曰上帝當遣王女
自天而降軌信之發民築臺以侯玉女勞費甚廣河右饑人相食軌

傾家財以賑之不足議發倉粟群臣皆以爲然謝統師等皆故隋官
心不服軌乃曰百姓饑者自是羸弱勇壯之士自至此倉粟以備不
虞豈可散之軌以爲然由是士民離怨巳卯二月張俟德至涼軌召
其群臣廷議曰唐天子吾之從兄今巳正位京邑一姓不可自爭天
下吾欲去帝號受其封爵可乎曹珍曰隋失其鹿天下共逐之稱主
稱帝者奚啻一人唐帝關中涼帝河右固不相妨且巳爲天子柰何
復自貶出必欲以小事大請依蕭啓事魏故事軌從之戊戌軌遣其
尚書左丞鄧曉入見奉書稱皇從弟涼皇帝臣軌而不受官爵帝怒
物曉不遣始議與師討之乃遣使與吐谷渾連和使擊執吐谷渾從
之五月軌將安修仁兄興貴仕長安表請說軌諭以禍福帝遣之興
貴至說軌曰涼地不過千里土薄民貧今唐兵起太原戰勝攻取此

始天啟非人力也不若舉河西歸之則竇融之功復見於今日矣軌
曰吾據山河之固彼雖強大若我何汝自唐來爲唐遊說耳與貴退
與修仁陰結諸胡起兵擊軌軌敗嬰城自守城中人爭出就與貴軌
計窮與妻子登玉女臺置酒爲別庚辰與貴執之以聞河西率平軌
至長安并其子弟皆伏誅凡稱王二年稱帝十年共三年

綱目隋大業十三年丁丑秋七月武威司馬李軌起兵河西自稱涼

王戊寅

唐高祖武德元

秋八月唐立李軌爲涼王十一月涼王軌稱帝十

二月涼大饑己卯夏四月唐遣安興貴襲執涼王軌以歸殺之河

西平

宋白曰涼州之地本月氏居之後爲匈奴右地漢武帝置涼州兼
統河隴之地而河西之地列置武威酒泉敦煌張掖四郡東都之

季河西諸郡以去州隔遠曰求立州爲立雍州晉惠帝末張軌爲
涼州刺史治姑藏爲會府後分置諸州而威始專涼州之名

梁沈法興章

梁王沈法興湖州武康人世爲郡著姓宗族數千家隋大業末爲吳
興郡守東陽賊帥樓世幹略其郡煬帝詔與太僕丞元祐討之戊寅
三月煬文帝爲宇文化及所弑法興乃與祐部將孫士漢陳果仁執
祐于坐號令遠近舉兵以討化及爲名發自東陽行收兵趣江都比
至烏程得精卒二萬遂攻餘杭下之毗陵通守路道德率兵拒法興
法興約與連和因襲殺之據其城齊郡賊帥樂伯通據丹陽爲化及
城守法興使果仁攻陷之於是據有江表十餘郡自署江南總管聞
越王侗立乃上表於侗自稱大司馬錄尚書事天門公承制置百官

法興既克毗陵謂江淮之間指搗可定巳卯八月自稱梁王都毗陵
改元延康置百官法興性殘忍專尚威刑將士小有過即斬之由是
其下離怨時杜伏威據歷陽陳稜據江都李子通據海陵俱有窺江
表之心法興軍數敗會子通圍稜於江都稜送質求救於法興及伏
威法興使其子綸將兵數萬與伏威共救之伏威軍清流綸軍楊子
相去數十里子通納言毛文深獻策募江南人詐為綸兵夜襲伏威
營伏威怒復遣兵襲綸由是二人相疑莫敢先進子通遂克江都因
縱擊綸大破之伏威降唐庚辰冬李子通渡江攻法興取京口法興
遣其僕射蔣元超拒之戰于度亭元超敗死法興棄毗陵奔吳郡於
是丹楊毗陵等郡皆降於子通杜伏威攻子通子通大敗棄江都保
京口伏威徙居丹陽子通復東走太湖收合亡散得二萬人襲法興

於吳郡大破之法興帥左右數百人棄城走吳郡賊帥聞人遂安遣
其將葉孝辯迎之法興中途而悔欲殺孝辯更向會稽孝辯覺之法
興窘迫赴江溺死子通盡收法興之地北自太湖南至嶺東包會稽
西拒宣城皆有之法興凡稱王一年自起兵至滅共三年

毘陵即今常州府

綱目隋大業十三年

戊寅

春三月隋吳興太守沈法興起兵據江表

十餘郡巳卯

唐武德二

秋八月沈法興稱梁王於毘陵庚寅冬

十二月吳敗梁兵取京口杜伏威擊之李子通敗走襲梁梁王法
興走死

漢東劉黑闥章

漢東王劉黑闥貝州漳南人少嗜酒喜蒲博不治產亡賴父兄患之
與實建德相友建德每資其費黑闥所得輒盡建德亦弗之計隋末

亡命從郝孝德爲盜後事李密爲裨將密敗王世充虜之以其武健補馬軍總管鎮新鄉黑闥每見世充所爲輒笑之時李世勣陷於竇建德建德使攻新鄉虜黑闥獻之建德署爲將軍賜爵漢東郡公常使將奇兵東面掩襲或潛入敵境覘視虛實黑闥往往乘間奮擊克獲而還辛巳二月竇建德將兵救王世充秦王擊擒之建德旣敗其諸將多盜匿庫物及居閭里暴橫爲民患唐官吏以法繩之或加捶撻建德故將皆驚懼不安高雅賢王小湖家在洛州欲竊其家以赴官吏捕之雅賢等亡命至貝州會唐徵建德故將范願董康買曹湛高雅賢等用是願等相謂曰王世充舉洛陽降唐其將相大臣段達單雄信等皆夷滅吾屬至長安必不免矣吾屬自十年以來身經百戰當死久矣今何惜餘生不以之立事且夏王於唐固有德往擒淮

南王同安公主皆厚遣還之今唐得夏王卽殺之吾屬爲夏王所厚今不爲之報讐無以見天下義士於是謀反卜所王劉氏吉固相與之漳南共往見建德故將劉雅告之雅不從衆怒殺雅而去范願曰漢東劉黑闥果敢多奇略寬仁容衆恩結士卒吾嘗聞劉氏當王今欲收夏王亡衆集大事非其人莫可黑闥時屏居漳南諸將乃往詣之告以其謀黑闥欣然從之黑闥方種蔬卽殺耕牛與之共飲食定計聚衆得百餘人襲漳南縣據之八月丁酉黑闥陷鄆縣貝州刺史戴元祥魏州刺史權威合兵擊之元祥等皆敗走黑闥悉取其餘衆及器械建德舊黨稍稍出歸之衆至二千人爲壇於漳南祭建德告以舉兵之意自稱大將軍詔廢關中步騎三千使秦武通等擊之丁未黑闥陷歷亭殺守將王行敏饒陽賊崔元遜攻陷深州殺刺史

裴晞應之兗州賊徐圓朗亦相連和遂取瀛州攻定州殘之乃移檄趙魏建德將吏往往殺令尉以應黑闥北連高開道兵勢雄張進至宗城有衆數萬黎州總管李世勣戰敗走洛州黑闥追之步卒五千皆覆世勣挺身免黑闥乃以王琮爲中書令劉斌爲中書侍郎遣使北結突厥頡利頡利遣侯斤宋邪那率騎從之黑闥軍大振不半年盡有建德故地唐帝詔秦王及齊王元吉討之五年黑闥陷相州自稱漢東王以范願等爲將相召建德僚屬悉復用之都洛州初竇建德以崔元遜爲深州刺史及劉黑闥反元遜與其黨數十人謀於野伏甲士於車中執刺史裴晞殺之傳首黑闥九月淮安王神通將關內兵至冀州與李藝兵合又發邢洛相魏恒趙等兵合五萬餘人與黑闥戰于饒陽城南布陳十餘里黑闥衆少依隄單行而陳以當之會風雪神通乘風擊之旣而風反神通大敗士馬軍資夫亡三分之一李藝居西偏擊高雅賢破之逐奔數里聞大軍不利退保豪城黑闥就擊之藝亦敗引兵歸幽州庚寅黑闥陷瀛州殺刺史盧士叡觀州人執刺史雷德備以城降之十二月乙卯黑闥陷冀州殺刺史翹稜黑闥旣破淮安王神通移書趙魏故竇建德將卒爭殺唐官吏以應黑闥庚申遣王孝常將兵討之黑闥將兵數萬進逼宗城黎州總管李世勣先屯宗城棄城走保洛州甲子黑闥追擊世勣等破之殺步卒五千人世勣僅以身免丙寅洛州土豪翻城應黑闥黑闥於城東南告天及祭竇建德而後入後旬日引兵攻拔相州執刺史房晃右武衛將軍張仕貴潰圍走黑闥南取黎衛二州半歲之間盡復建德舊境又遣使北連突厥頡利可汗遣侯斤宋邪那帥胡騎從之秦

武通與洛州刺史陳君賓等皆自河北遁歸長安丁卯命秦王世民等討之壬午正月黑闥自稱漢東王改元天造定都洛州以范願爲左僕射董康買爲兵部尚書高雅賢爲右領軍竇建德時文武悉復本位其設法行政悉師建德而攻戰勇決過之庚寅鹽州治中王才藝殺刺史田華以城應黑闥秦王軍至獲嘉黑闥棄相州退保洛州丙申秦王復取相州進軍肥鄉列營洛水之上以逼之幽州總管李藝將所部兵數萬人會秦王討黑闥黑闥遣其弟十善與行臺張君立將兵一萬擊藝於彭城壬子戰於徐河十善君立大敗所失亡八千人洛水人李去惑據城降秦王遣王君廓赴之入城共守二月黑闥引兵還攻洛水秦王使秦叔寶邀擊破之己巳秦王復取邢州辛未并州人馮伯讓以城降丙子李藝取黑闥定樂蕪趙四州獲其尚

書劉希道引兵與秦王會洛州黑闥急攻洛水陷之三月秦王拔洛水與李藝營於洛水之南分兵屯水北黑闥數挑戰秦王堅壁不應別遣竒兵絕其糧道壬辰黑闥與高雅賢軍中高會李世勣引兵逼其營雅賢乘醉單騎逐之世勣部將潘毛刺之墜馬而卒黑闥軍糧於冀貝滄瀛諸州水陸俱退程名振以千餘人邀之沈其丹焚其車秦王與黑闥相持六十餘日秦王度黑闥糧盡必來決戰乃使人堰洛水上流謂守吏曰待我與賊戰乃決之丁未黑闥帥步騎二萬南度洛水壓唐營而陳秦王自將精騎擊其騎兵破之乘勝蹂其步兵黑闥帥衆殊死戰自午至昏戰數合黑闥勢不能支王小胡謂黑闥曰智力盡矣宜早亡去遂與黑闥先遁餘衆不知猶格戰守吏決堰洛水大至深丈餘黑闥衆大潰斬首萬餘級溺死數千人黑闥與范

願等二百騎奔突厥山東悉平六月丁卯黑闥引突厥寇定州七月
黑闥至定州其故將曹湛董康買亡命在鮮虞復聚兵應之甲午以
淮陽王道玄爲總管以討之九月黑闥陷瀛州殺刺史馬匡武鹽州
人馬君德以城叛附黑闥十月己酉詔齊王元吉討之癸丑貝州刺
史許善護與黑闥弟十善戰于鄒縣善護全軍皆沒甲寅左武侯將
軍桑顯和擊黑闥於晏城破之觀州刺史劉會以城叛附黑闥乙丑
淮陽王道玄與黑闥戰于下博兵敗爲黑闥所殺山東震駭洛州總
管廬江王瑗棄城西走州縣皆叛附于黑闥旬日間黑闥盡復故地
乙亥進據洛州十一月庚辰滄州刺史程大買爲黑闥所迫棄城走
齊王元吉畏黑闥兵彊不敢進詔太子建成將兵以討黑闥己亥齊
王元吉遣兵擊十善於魏州破之黑闥擁兵而南自相州以北州縣
皆附之惟魏州總管田留安勒兵拒守黑闥攻之不下引兵南拔元
城復還攻之十二月戊午黑闥陷恒州殺敕使王公政癸亥李藝復
庶定二州甲子田留安擊黑闥破之獲其莘州刺史孟桂降將卒六
千人是時山東豪傑多殺長吏以應黑闥上下相猜人益離怨留安
待吏民獨坦然無疑吏民皆相戒効死乙丑并州刺史成仁重擊范
願破之黑闥攻魏州未下太子建成齊王元吉大軍至昌樂黑闥引
兵拒之再陳皆不戰而罷黑闥食盡衆多亡或縛其渠帥以降黑闥
恐城中兵出與大軍表裏擊之遂夜遁至館陶未濟橋未成不得度
壬申太子齊王以大軍至黑闥使王小胡背水而陳自視作橋成卽
過橋西衆遂大潰捨仗來降大軍度橋追黑闥度者纔千餘騎橋壞
由是黑闥得與數百騎亡去癸未正月太子遣騎將劉弘基追黑闥

黑闥為官軍所迫奔走不得休息至饒陽從者纔百餘人餒甚黑闥所署饒州刺史諸葛德威出迎延黑闥入城黑闥不可德威涕泣固請黑闥乃從之至城旁市中止德威饋之食未畢勒兵執之送詣太子并其第十善斬於洛州黑闥臨刑歎曰我幸在家鉏萊為高雅賢輩所誤至此黑闥凡稱王一年

郟縣今屬山東貝州

綱目巳卯

唐武德二

冬十一月夏人克鄭新鄉虜其將劉黑闥庚

辰春三月夏王建德救鄭唐秦王世民大破擒之秋七月竇建德故將劉黑闥起兵漳南八月劉黑闥據郟縣遣兵擊之唐淮安王神通擊劉黑闥敗績壬午春正月劉黑闥自稱漢東王三月秦王世民破劉黑闥於洛水黑闥奔突厥夏六月劉黑闥引突厥寇山東又寇定襄冬十月唐淮陽王道玄與黑闥戰敗沒十一月唐遣太子

建成擊劉黑闥十二月唐太子建成至昌樂劉黑闥亡走癸未春

正月漢東將諸葛德威執其君降唐唐斬之

尹氏曰楊廣有罪故群盜皆以起兵書之今唐非隋比胡為所書如此黑闥未為唐臣既書竇建德故將則無嫌於起兵凡巳平之國其臣民有能舉事者皆書起兵如周平齊隋平周之後往往有此類此綱目忠厚待人許其臣民以不忘舊王之意也

劉氏曰黑闥前書起兵後書寇何引狄亂華不可以不書寇也至加兵黑闥則復書擊而不書討

魯徐圓朗章

睿王徐圓朗兖州人隋末亡命為群盜大業丁丑正月圓朗據本郡縱兵略地自琅瑯已西北至東平盡有之勝兵二萬餘人附于李密

密敗歸竇建德辛巳七月建德既平圓朗以數州之地請降拜兗州總管封魯郡公八月劉黑闥作亂陰與圓朗通謀上使盛彥師安集河南行至任城辛亥圓朗執彥師舉兵反黑闥以圓朗爲大行臺元帥克鄆陳杞伊洛曹戴等八州豪右皆應之圓朗又攻陷楚丘引兵攻虞城不克而去九月辛酉圓朗自稱魯王巳卯圓朗寇濟南治中吳級綸擊走之戊申圓朗昌州治中劉善行以須昌降唐十一月庚戌杞周人周文舉殺刺史王文矩以城應圓朗壬午正月戊寅金鄉人陽孝誠叛圓朗以城降唐戊寅汴州總管王要漢攻圓朗杞州拔之獲周文舉三月秦王破劉黑闥於洛水黑闥奔突厥圓朗大懼不知所出河間人劉復禮說圓朗曰有劉世徹者其才不世出名高東夏且有非常之相真帝王器將軍若自立恐終無成若迎世徹而奉之天下指揮可定圓朗然之復使禮迎世徹於浚儀或說圓朗曰將軍爲人所惑欲迎劉世徹而奉之世徹若得志將軍豈有全地乎僕不敢遠引前古將軍獨不見翟讓之於李密乎圓朗復以爲然世徹至已有數千人頓於城外以待圓朗出迎圓朗不出使人召之世徹知事變欲亡走恐不免乃入謁圓朗悉奪其兵以爲司馬使狗譙杞二州東人素聞其名所向皆下圓朗遂殺之唐秦王世民自河北引兵擊圓朗會唐王召之入朝既至長安具陳取圓朗形勢唐王復遣之詣黎陽會大軍趨濟陰丙子行臺尚書史萬寶攻圓朗陳州拔之七月唐秦王世民擊圓朗下十餘城聲振淮泗杜伏威懼請入朝世民以淮濟略定使淮安王神通及任瓌等攻圓朗而還時劉黑闥引突厥寇山東唐淮陽王道玄與戰敗沒十一月唐王更遣太子

建成擊之癸未正月黑闥敗死二月丙寅圓朗窮蹙與數騎棄城走
為野人所殺其地悉平圓朗凡稱王六年

綱目隋大業十三年

丁丑

春正月魯郡徐圓朗兵起辛巳

唐高祖武德四年

秋八月徐圓朗舉兵應劉黑闥壬午秋七月唐秦王世民擊徐圓
朗癸未春二月徐圓朗走死

考異曰徐圓朗唐之叛臣當書討書擊傳誤

劉氏曰圓朗書唐矣應黑闥則叛也曷為不以叛書黑闥之舉
義也圓朗應之亦義也於是降而復叛者皆書叛惟圓朗書起
兵所以予義也故唐師止書擊

齊輔公祏章

輔公祏齊州臨濟人隋末從杜伏威為群盜轉掠淮南伏威兵寢盛
自號總管以公祏為長史李子通據江都伏威使公祏以精卒數千
度江擊之子通拒戰衆十倍銳甚公祏選甲士千人操長刀居前別
以千人隨之令曰郤者斬公祏以衆殿俄而子通方陣而進長刀千
人皆決死鬪公祏縱左右翼搏之子通大潰降其衆數千公祏尋與
伏威遣使歸伏威朝武德二年詔授公祏淮南道行臺尚書左僕射
封舒國公初伏威與公祏少相友善公祏年長伏威兄事之故軍中
謂之曰伯父長敬與伏威略等伏威浸忌之乃署養子闕稜為左將
軍王雄誕為右將軍推公祏為僕射潛奪其兵公祏知之內怏怏不
平與其故人左游仙為學辟穀以自悔壬午七月伏威入朝留公祏
守丹陽復令雄誕典兵為之副陰謂雄誕曰吾至長安苟不失職無
容公祏為變伏威既行左游仙乃說公祏謀反而雄祏握兵公祏不

得發乃詐稱得伏威書疑雄誕有貳心雄誕聞之不悅稱疾不視事
公祐因奪其兵使其黨西行君疑諭以反計雄誕始寤而悔之曰今
天下方平吳王又在京大唐兵威所向無敵柰何無故自求族滅乎
雄誕有死而已不敢聞命今從公爲逆不過延百日之命耳公祐知
不可屈縊殺之公祐又詐稱伏威不得還江南貽書令其起兵大修
鎧仗運糧儲尋稱帝於丹陽國號宋修陳故宫室而居之署置百官
以左遊仙爲越州總管與張善安連兵詔趙郡王孝恭以丹師趣江
州李靖以交廣泉桂之衆趣宣州黃君漢出譙亳李世勣出淮泗以
討之九月公祐遣其將紹宗寇海州陳政通寇壽陽十一月黃州總
管周法明將兵擊公祐張善安據夏口拒之法明屯京口鎮善安遣
刺客殺之舒州總管張鎮周等擊公祐將陳當世於猷州之黃沙大

破之十二月安撫使陳大亮擊張善安於洪州誘而執之甲申正月
趙郡王孝恭擊公祐別將於樅陽破之二月公祐遣兵圍猷州李大
亮引兵擊破之孝恭攻公祐鵠頭鎮拔之是月杜伏威卒三月丙戌
趙郡王孝恭破公祐於蕪湖拔梁山等三鎮公祐遣其將馬慧亮陳
當時將丹師三萬屯博望山陳正通徐紹宗將步騎三萬屯青林山
仍於梁山連鐵鎖以斷江路築却月城延袤十餘里又結壘江西以
拒官軍孝恭與李靖帥舟師次舒州李世勣帥步卒一萬拔壽陽孝
恭靖擊慧亮軍大破之博山青林兩戍皆潰靖兵先至丹陽公祐大
懼擁兵數萬棄城東走欲就左遊仙於會稽李世勣追之公祐至句
容從兵能屬者纔五百人夜宿常州其將吳騷等謀執之公祐覺之
棄妻子獨將腹心數十人斬開走至武康爲野人所攻西門君儀戰

年

死執公祐送丹陽梟首分捕餘黨悉誅之江南皆平公祐凡稱王一

綱目武德六年癸未八月淮南道行臺僕射輔公祐反七年甲申春

三月趙郡王孝恭克丹陽斬輔公祐

學海君道部卷之八十七

世系類

僭國氏號四

唐末僭國篇

厄言曰唐自安史之亂肅代失馭河北三鎮裂為盜區德宗播遷燕齊趙魏擅自相王尋即去之而擁兵倔彊世載其凶固自若也憲宗用賢修政淄青授首而河北三鎮相繼來歸復為王土姦雄僭竊庶幾可戢憲宗暴崩穆宗繼之任用匪人專務姑息一年之間亂者九起而三鎮更強逐殺其帥邀求節鉞力不能討因而授之自是朝廷不復有矣鎮州王氏傳五世至鎔而王魏州更五姓至羅氏而王幽州更七姓至劉氏而王及李茂貞據鳳翔而王是

皆與朱溫李克用角立而爭雄者故並系於此

趙王氏章

太原公王庭湊本回紇阿布思之族隸安東都護府曾祖五哥之爲李寶臣帳下驍果善鬪王武俊養爲子故冒姓王累授左武衛將軍贈越州都督加贈典祖父世爲王氏裨將累遷右職庭湊沈鷲少言王承宗時爲兵馬使穆宗元和庚子春穆宗卽位十月王承宗卒詔以田弘正代之長慶辛丑秋七月弘正赴鎮自以久與鎮人戰有父兄之仇乃以衛兵二千自衛請度支供其糧賜戶部侍郎崔悛剛褊無遠慮恐開事例不肯給弘正不得已遣魏兵歸庭湊果悍陰狡潛謀作亂以魏兵故不敢發及魏兵去夜結牙兵殺弘正自稱留後逼監軍奏求節鉞時魏博節度使李愬疾不能出兵朝廷起復弘正子

布爲魏博節度討庭湊又詔諸道合兵討之以成德將牛元翼爲深冀節度使庭湊遂圍深州壬寅正月魏博將吏憲誠殺田布詔以憲誠代之庭湊圍牛元翼於深州官軍三面救之皆以乏糧不能進朝廷不得已二月以庭湊爲成德節度使而遣韓愈宣慰其軍牛元翼突圍出庭湊遂取深州太和戊申秋李同捷拒命詔發諸道兵討之庭湊陰以兵糧助同捷詔削其官爵遂命諸軍討之同捷平而魏博復殺其節度史憲誠推何進滔以拒命朝廷因而授之庭湊因鄰道微露請服之意帝方厭兵遂赦之悉復官爵進兼太子太傅太原郡公太和甲寅十一月卒凡十四年

綱目穆宗長慶元年辛丑秋七月成德兵馬使王庭湊殺節度使田弘正詔諸道討王庭湊庭湊圍深州二年春二月以王庭湊爲成

德節度使

庖言曰王庭湊本朱克融史憲誠之類也不系於強藩而系之僭國者以其後王趙

太原公王元逵庭湊次子也初為都知兵馬使庭湊卒軍中立元逵知留後請命於朝乙卯正月乙卯以元逵為成德節度使元逵改父所為事朝廷甚謹文宗嘉之詔尚絳王悟女壽安公主累遷檢校司徒同平章事破劉稹功加兼太子太師封太原郡公大中乙亥正月卒

綱目文宗太和八年甲寅十一月成德節度使王庭湊卒子元逵自知留後九年春正月以王元逵為成德節度

王紹鼎元逵子初為節度副使元逵卒軍中立紹鼎癸卯詔以紹鼎為留後正月丙寅以紹鼎為成德節度使累加檢校尚書左僕射大中丁丑八月卒

綱目宣宗大中九年甲戌春正月成德節度使王元逵卒軍中立其子紹鼎為留後

太原伯王紹懿元逵次子紹鼎卒子幼未能事軍中立紹懿戊寅以紹懿為成德留後十一月壬寅以紹懿為節度使累加檢校司空封太原縣伯咸通丙戌三月卒凡十年

綱目書
官書卒

綱目大中十一年秋八月成德使王紹鼎卒軍中立其弟紹懿

常山王王景崇紹鼎子紹鼎有三子景胤景崇景寧景崇為嫡紹懿疾召景崇告之曰吾兄以汝之幼以軍政授我今汝長矣我復以歸汝弩力為之上忠朝廷下和鄰藩勿墜吾兄之業言訖而卒監軍上

狀懿宗悅六月以景崇爲留後十二月以景崇爲節度使景崇以公主嫡孫尤被寵從諸軍討平徐以功封太原縣男累加檢校太尉兼中書令封趙國公乾符戊戌進封常山王中和癸卯正月卒謚忠穆
卮言曰綱目不書王景崇之領節畧之也

趙王王鎔景崇子景崇卒鎔時年十歲軍中推知留後事二月己未以鎔爲成德留後七月以鎔爲工部尚書成德節度使昭宗時李克用王處存攻鎔鎔與連和朱全忠復攻之鎔以子昭祚爲質全忠引還全忠篡唐國號梁開平丁卯二月封鎔爲趙王累加守太師辛巳二月鎔委政於其子昭祚昭祚性驕愎衆益懼其將張文禮作亂殺鎔焚府庫盡滅王氏之族獨置昭祚之妻普寧公主以自

綱目僖宗中和三年

癸卯

春二月以王鎔爲成德留後辛未

梁乾化元秋

七月梁遣兵屯邢州趙王鎔會晉王于承天軍辛巳龍德元春二月成德將張文禮弒其節度趙王鎔而代之

右王氏據鎮州凡四世五帥共一百一年稱趙王十五年

新唐書本傳曰始庭湊微賤時鄴有道士爲十得乾之坤曰君將有土及得鎮迎事甚謹復問壽幾何子孫幾何答曰公三十年後當有二王已而庭湊立十三年死蓋廋文也景崇鎔皆王庭湊嘗醉寢於路有過其所者視之曰非常人也從者以告庭湊馳反之問其故曰吾見君鼻之息左若龍右若虎子孫當王百年家有大樹覆及堂公興矣及害弘正而樹適庇寢自庭湊訖鎔凡百年卮言曰王氏之興豈亦有天命哉始藩鎮之據土距命遠者五十餘年近者不數載耳未有傳世至百年而後滅者也唐自穆宗而

後朝廷多故僖昭以來寓內瓜分故王氏得以世據一隅百年無事此其事上交鄰之義固亦有足取者非他鎮之可並也史稱王氏四帥傳家守位逆節不著朱梁之篡鏐嘗會晉王而欲攻之故綱目書曰趙王鎔亦予辭也而卒族滅於裨將之手則亦庭湊之報至此而後應歟

鄴羅氏章

臨清王羅弘信其先長沙人曾祖秀祖珍父讓北遷爲魏州貴卿人弘信爲牧馬監卒僖宗文德戊申二月魏博節度使樂彥植驕泰不法人苦其役其子從訓尤凶險人皆惡之牙兵籍籍不安從訓易服逃出彥植懼避位爲僧衆推弘信知留後事從訓收餘衆保內黃求救於朱全忠分兵救之四月弘信擊從訓斬之與彥植皆梟首軍

門遣使以厚幣犒全忠軍請修好全忠乃召軍還詔以弘信權知魏博留後七月以弘信爲魏博節度使封豫章郡公辛亥二月朱全忠假道于魏以伐河東弘信不許全忠擊之五戰皆捷弘信懼而請和全忠乃還進弘信檢校太師守侍中封臨清郡王光化戊午九月卒綱目僖宗文德元年戊申春二月魏博軍亂逐其節度使樂彥植推牙將羅弘信知留後事夏四月羅弘信殺樂彥植及其子從訓詔以弘信知魏博留後

鄴王羅紹威弘信子初爲節度副使弘信卒軍中推紹威知留後朝廷從而命之十一月甲寅以紹威爲魏博節度使天復末封長沙王天佑初累加檢校大尉守侍中乙丑四月癸亥進爵鄴王更名魏博曰天雄軍朱全忠篡唐國號梁紹威臣附之加守太傅庚午五月以

疾卒

綱目昭宗光化元年戊午秋九月魏博節度使羅弘信卒十一月以羅紹威爲魏博節度使

羅周翰紹威子也紹威病梁主亟命周翰監府事紹威卒以周翰爲天雄留後周翰幼弱梁將楊師厚軍於魏州久欲圖之憚梁主威嚴不敢發壬申六月梁主遇弒七月師厚逐周翰而代之周翰徙爲宣義節度卒于官

綱目庚午

梁開平四

夏五月梁天雄節度使羅紹威卒以其子周翰代之壬申秋七月梁以楊師厚爲天雄節度使

右羅氏據魏博凡二世共二十五年稱王六年

燕劉氏章

劉仁恭深州樂壽人初事幽州節度使李可舉以功遷軍校可舉死又事李全忠及匡威時將兵戍蔚州過期未代士卒思歸會匡威爲其弟匡籌所逐匡籌自立戊卒奉仁恭爲帥還攻幽州至居庸關爲府兵所敗仁恭奔河東李克用厚待之仁恭數困蓋寓獻策於克用願得兵萬人取幽州克用方攻邢州分兵數千納仁恭不克匡籌數侵河東之地克用乃大舉兵攻幽州克之匡籌走死乾寧乙卯二月克用表仁恭爲盧龍留後留兵戍之八月壬子以仁恭爲盧龍節度使丙辰七月李茂貞犯關昭宗如華州克用發兵入援徵兵於仁恭仁恭抵書慢罵囚其使者克用怒自將斬之爲仁恭所敗戊午三月仁恭使滄景德州以其子守文襲盧彥威走之遂取滄景德之以守文爲留後兵勢甚盛有并吞河朔之志爲守文末旌節未許會中使

至范陽仁恭語之曰旌節吾自有之但欲得長安本色耳何爲見拒其悻慢如此丁卯四月爲其子守光所囚

綱目昭宗乾寧元年

甲寅

十二月李克用攻幽州克之二年春三月

以劉仁恭爲盧龍節度使四年秋九月李克用攻幽州劉仁恭與

戰敗之光化二年

戊午

春三月劉仁恭取滄景德州丁卯

梁開平元

夏四

月盧龍節度使劉仁恭爲其子守光所囚

燕王劉守光仁恭幼子也仁恭驕侈貪暴以太安山四面懸絕築館其上居之有愛妾羅氏守光通焉仁恭杖守光而斥之不以爲子丁卯四月梁王朱全忠遣李思安引兵擊幽州直抵城下仁恭在大安城幾不守守光自外引兵入登城拒守却之遂自稱節度使令部將李小喜攻大安虜仁恭以歸囚於別室守光弟守奇奔河東是月全

忠稱帝七月甲午以守光爲盧龍節度使同平章事十一月義昌節度使劉守文舉兵討守光不克遣使降梁己巳五月守文敗於薊州爲守光將所執守光囚之別室乘勝進攻滄州滄州推守文子延祚爲帥乘城拒守七月甲子梁以守光爲燕王十一月守光奏遣其子繼威滄州吏民遂以繼威爲義昌留後庚午正月延祚力盡出降守光以大將張萬進輔繼威鎮滄州以延祚歸幽州守光爲仁恭請致仕從之尋使人潛殺守文歸罪於殺者而誅之辛未四月晉王推守光爲尚父梁主亦以爲河北道採訪使八月守光稱帝王申正月晉王遣周德威與鎮定之兵伐幽州梁主救之太敗走還晉師克瀛州張萬進殺繼威而代之守光屢敗請降于晉不許癸酉十一月晉王入幽州執仁恭及守光以歸殺之

綱目丁卯

唐天復四
梁開平元

夏四月盧龍節度使劉仁恭為其子守光所

囚秋七月梁以劉守光為盧龍節度使冬十一月義昌節度使劉

守光文舉兵討其弟守光已巳夏五月劉守光執其兄守文進攻

滄州秋七月梁以劉守光為燕王庚午春正月劉守光克滄州殺

其兄守文秋八月燕王劉守光稱帝壬申春正月晉師及鎮定之

師伐幽州二月梁王救之大敗走還癸酉十月晉王入幽州執劉

仁恭及守光以歸甲戌春正月劉仁恭劉守光伏誅

尹氏曰書仁恭為子所囚而不書守光囚其父者仁恭貪暴不

臣之罪不可勝誅守光因其危而乘之初非其子能囚之也仁

恭自囚耳若守光悖逆之惡亦固在其中矣守光囚父殺兄晉

王助之已為非義乃又從而尊之何哉故舉兵盡以伐書不盡

予之若朱溫黨惡固自均為逆賊大敗走還蓋亦天誅之也守

光死有餘辜而仁恭為子所囚併書伏誅何哉仁恭本幽州偏

校攻其王帥奔敗僅免藉河東之力遂得盧龍既而乘輿播越

克用召兵入援傲然拒之吞噬鄰境至謂旌節自有驕侈貪暴

罪盈惡積此固王法所必誅者豈以其見囚於子而遂未減其

罪乎

庖言曰劉仁恭反覆背叛以據盧龍劉守光囚父殺兄以僭大

號此逆亂之尤盜賊之所不為而綱目書之曰燕王劉守光稱

帝不予梁之為天子也父子同辭曰伏誅則不在帝號之僭也

右劉氏據幽州凡二世共二十年稱燕王二年稱帝二年

秦李氏章

秦李氏章

秦王李茂貞深州博野人本姓宋名文不爲博野軍卒成鳳翔隸鄭
畋破黃巢以功爲扈蹕都將賜姓名曰李茂貞乙巳冬田令孜遣朱
玫李昌符攻河中李克用救之進逼京城帝奔鳳翔丙午春玫昌符
追車駕帝如興兄七月朱玫遣王行瑜寇興州詔茂貞屯大唐以拒
之朱玫立襄王煜王行瑜還長安斬朱玫丁未正月以茂貞領武定
節度使三月車駕至鳳翔六月李昌符作亂敗走保隴州以茂貞爲
隴西招討使以討之八月斬李昌符滅其族以茂貞同平章事充鳳
翔隴右節度使戊申二月帝至長安三月崩昭宗卽位庚戌茂貞封
隴西郡王癸丑十月以茂貞兼山南西道節度使乙卯茂貞與王行
瑜韓建舉兵犯闕謀廢昭宗及聞李克用起兵遂還鎮克用遂克邠
州王行瑜伏誅丙辰七月茂貞舉兵犯闕帝如華州遣孫偓以兵討

之茂貞乃上表請罪韓建復佐佑之竟不出師丁巳十月詔削奪茂
貞官爵姓名發諸道兵討之戊午正月詔復茂貞官爵罷諸兵八月
車駕至長安辛酉二月以茂貞爲尚書令封岐王十一月韓全誨等
劫帝如鳳翔壬戌五月朱全忠圍鳳翔九月茂貞攻全忠營敗績全
忠遣使奉表迎車駕癸亥正月車駕至長安十月茂貞舉兵逼京畿
甲子正月朱全忠遷帝都洛陽八月茂貞合兵討全忠全忠拒之河
中八月全忠弒帝而立昭宣帝丁卯朱全忠篡位茂貞不敢稱帝但
開岐王府置百官宮殿號令皆擬帝者與晉王皆稱唐天祐年號會
兵攻梁梁拒却之癸未四月晉王存勗稱帝國號唐十月滅梁甲申
正月茂貞內不自安遣子繼儼入貢奉表稱臣改封秦王四月卒
綱目光啓三年丁未秋八月李茂貞平隴州以爲鳳翔節度使天復

元年辛酉春正月進爵岐王甲申

後唐同光二年

夏四月唐秦王李茂貞辛

卮言曰李茂貞之不臣與朱溫同罪綱目三書舉兵犯闕惡之也

及朱溫篡位而後屢書岐王若有子辭者予其不臣于溫也然茂

貞僅保一隅亦無遠畧惟援晉蜀以抗梁及為梁蜀屢敗而閉關

數年不敢以一矢相遺至唐興而稱臣之不暇矣此歐史所以不

紀於十國之末而綱目書唐秦王之卒也

綱目書法詳創業類

李繼曠茂貞之子初為彰義節度使茂貞卒遺奏以繼曠權知軍府

事五月唐王以繼曠為鳳翔節度使乙酉九月唐王遣魏王繼岌伐

蜀以繼曠克都供軍轉運應接等使十一月唐師滅蜀丙戌正月繼

岌遣繼曠部送王衍及其宗族詣洛陽二月戊戌繼曠至鳳翔監軍

使柴重厚不以符印與之促令詣闕三月李嗣源以討鄴兵入大梁

唐主存勗為伶人所弑魏王繼岌至長安自殺唐主嗣源立六月繼

岌至華州聞華州亂復歸鳳翔唐主為之誅柴重厚九月賜繼曠更

名從曠

以子行待之

加兼中書令庚寅二月從曠入朝陪祀三月壬申朔

徙從曠為宣武節度使以朱弘昭鎮鳳翔辛卯四月弘昭入為宣徽

使戊子七月以李從珂鎮鳳翔癸巳十二月唐主嗣源殂唐主從厚

立甲午正月徙從珂鎮河東從珂乃以鳳翔反悉取從曠家財甲兵

以供軍將行鳳翔之民遮馬請復以從曠鎮鳳翔從珂許之四月從

珂入洛陽殺唐主從厚而自立五月徙從曠為鳳翔節度使從曠厚

文士而薄武人愛農民而嚴士卒由是將士怨之戊戌十二月從曠

發兵戍西邊既出郊作亂突門入城剽掠於市從曠發帳下兵擊之

亂兵敗東走欲自訴于晉王華州節度使張彥暉邀擊盡殺之

綱目甲午

唐應順元

夏六月唐復以李從暉為鳳翔節度使戊戌

晉天福元

冬十二月晉鳳翔軍亂討平之

宋時僭國篇

南天儂氏章

儂智高其先西原蠻也通考曰唐時西原蠻居廣容之南邕桂之西

儂氏黃氏據州十八太和中經畧使董昌齡遣子蘭討平之十八州

歲輸貢賦

詳南蠻篇

其後儂洞勗強結南詔為助懿宗與南詔約和二洞

數構敗之邕管節度使辛讜以從事徐雲虔使南詔結和齎美貨啖

二洞首領儂金勒等與之通歡金勒聽命宋時儂氏世為廣源州首

領州在邕州西南鬱江之源地峭絕深阻產黃金丹砂頗有邑居聚

落白交跡蠻據有安南而廣源雖號邕管羈縻其實服役於交趾初

有儂全福者知儻猶州其弟存祿知萬涯州全福妻弟儂當道知武

勒州一日全福殺存祿當道有其地交趾怒舉兵虜全福及其子智

聰以歸其婦阿儂本江左武勒族也轉至儻猶州全福納之全福見

虜阿儂遂嫁商人生子名智高生十三年殺其父商人曰天下豈有

二父耶因冒儂姓與其母奔雷火峒其母又嫁特磨道儂夏卿久之

智高復與其母出據儻猶州建國曰大歷交人攻而執之釋其罪使

知廣源州居四年襲交趾安德州據之僭稱南天國皇祐四年智高

攻破邕州僭號仁惠皇帝圍廣州不克命狄青討之五年癸巳正月

智高敗走大理死函首至京師乃誅其母及其弟子

綱目仁宗皇祐元年巳秋九月廣源州蠻儂智高反寇邕州五年

癸巳春正月狄青大敗儂智高于邕州智高走大理廣南平

元末僭國篇

陸氏深平胡錄敘曰元政不綱作亂三十七八而天命真人成混一之功余考朱光卿李二趙均用胡廷瑞等餘燼旋滅甲冑不擾當時獨陳友諒張士誠方國珍明王珍陳友定等稱勅敵焉勞聖神之至筭越十數載而就平自非德威震帖抑何能取次削除耶太倉王氏曰明之初興也能爲勁者唯陳友諒擴廓乎友諒之雄彊也其在項籍李密下竇建德上乎亟敗亟整其猶能振乎張士誠明玉珍自守虜耳然士誠之能得人也玉珍之能治國也亦足稱偏才矣

泳化編曰元人失政起亂者三十七人如朱光卿聶秀卿羅天麟之輩則不勞王師遂各漸滅惟張士誠陳友諒方國珍明玉珍陳友定則天兵勤矣故書

郎瑛類藁曰至正初伯顏變亂舊章江西遂有朱光卿廣東羅天麟陳積萬湖廣吳天保浙東方國珍相繼扇動又賈魯開河生民嗷嗷石人之事興則韓林兒徐壽輝芝麻李三枝起而蔓延天下若福建陳友定懷慶周全臨川鄧忠安陸俞君正浙西張士誠陝西金花娘子江西歐道人襄陽莽張岳州溪張安慶雙刀趙濠州孫德崖皆東南之賊也長淮以北則山東又有王信陝西李思齊隴西李思道太原王保保汴梁元太子此多元之將臣亦各據地互相殺戮天兵臨之或降或遁

卮言曰元末起兵者多矣其建國僭號者蓋五國焉若彭趙發難于徐滁陽始事于濠方谷國珍據浙東雖未建號亦陳勝更始李

密之儔也擴廓故將史稱其忠陳友定附元不貳故不系之此篇
其他乘亂標掠擁兵自保者不過亂賊之魁而李思齊輩則又元
臣之跋扈者耳

宋韓氏章

韓山童樂城人自其祖父以白蓮會燒香惑衆謫徙永平元至正初
四方盜賊蜂起有司不能制及癸丁夫開河民心益愁怨思亂初有
童謠云石人一隻眼挑動黃河天下反賈魯果於黃陵岡得石人一
眼而是時時棗陽民生男甫及周歲暴長四尺容貌異常蟠腹擁踵
見人嬉笑如世俗所畫布袋和尚山童倡言天下大亂彌勒佛下生
河南及江淮愚民皆翕然信之潁川妖人劉福通等復鼓妖言山童
實宋徽宗八世孫當爲中國主辛卯五月辛亥福通等起兵以紅巾

爲號縣官捕之急山童就擒其妻楊氏及其子林兒逃之武安福通
遂旣破潁州遂據朱臯攻破羅山上蔡諸縣又陷汝寧府及光息二
州

宋主小明王韓林兒山童子也至正乙未二月己未劉福通自礪山
夾河迎韓林兒至立爲皇帝又號小明王建都亳州國號宋改元龍
鳳以其母楊氏爲皇太后福通自爲丞相十二月光師圍亳州福通
大敗遁走安豐戊戌五月福通取汴梁林兒居之以爲都己亥五月
元師復汴梁福通復以林兒走據安豐癸卯二月張士誠將呂珍入
安豐殺福通等據其城

太倉王氏曰國初事蹟乃劉辰撰其紀乙未正月克金華路五月
太祖爲開府儀同三司江南等處行中書省左丞相不知諸將推

奉耶抑受之宋龍鳳王也辰又紀癸卯三月張士誠圍安豐韓林兒告急太祖親援之士誠聞而遁去劉福通奉林兒退居于滁士誠復入安豐丙午三月太祖取林兒安置云按史云癸卯二月張士誠將呂珍破安豐殺劉福通據其城先是福通等兵勢日蹙以安豐來附至是爲珍所殺三月上帥師破呂珍珍走師還元將竹貞忻都復乘間入安豐福通死而韓林兒者不言其何所之也惟至丙辰十二月云韓林兒卒辰而已辰所記福通奉林兒退居滁固誤意者林兒得脫之後尚擁虛器於滁耶旣云丙午三月太祖取林兒安置按枝山野記內載伐張士誠榜文云龍鳳十二年皇帝聖旨吳王令旨又何也史惟稱劉福通而不及韓林兒至上卽位告上帝文亦止言福通諱之也

王又曰漢之後非漢後而稱漢以殘晉者曰劉淵氏唐之後非唐後而稱唐以滅梁者曰李存勗氏宋之後非宋後而稱宋以亂元者韓林兒氏亦巧矣

郎瑛曰韓林兒者聞當時傳乃瀛國公次子爲韓內侍所養山童得以爲子自稱徽宗九世孫也國號宋劉福通等各尊爲小明王晉冀河南大半爲其所有故太祖龍灣之捷諸將亦欲奉之爲帝惟劉基以爲彼牧豎爾不肯拜又龍飛紀畧以太祖行移則稱其爲皇帝聖旨自稱吳王令旨至林兒死方建號稱年然予據朱氏世德碑果承其正朔稱龍鳳年號受其官爵稱吳國公等語若是必惑於當時訛傳之事矣紀畧又比之更始劉盆子此已或非謂遲不建號比周文王以服事殷此則尤非也想國初臣下多

一時武將未暇細詢至元亡而林隨以死天之顯示可知矣

卮言曰按綱目乙未二月劉福通以韓林兒稱宋帝丙午十二月

宋主韓林兒卒

黃光昇云卒于瓜步

則林兒之稱帝一紀矣福通死而林兒

存者四年夫非高帝全之耶龍灣之奉傳聞無據惟國初詔令

及與魏國諸書稱龍鳳年號皇帝聖旨吳王令旨載諸紀傳者可

考也然傳又云林而以高帝為右副元帥高帝怒不受渡江取

太平豈未受其官猶存其號乎及羣雄滅而林兒死已後矣日月

明而燭火息林兒安得無死哉

滁郭子興章

滁王郭子興其先曹州人也父曰郭公善日者言以其術游濠之定

遠多奇中定遠人信之業稍饒矣而尚未娶里中富翁某有女而瞽

郭公為推其支干曰是命當貴翁笑曰以瞽故未有歸何貴為郭公

乃請曰不鄙庸陋能見婿否翁許之遂委禽焉自瞽女之歸郭公而

術益售橐日益盈遂大買田宅為定遠富人有三子一女而子興其

仲也始生郭公卜之曰是而得佳兆異日當大貴興者必此兒也郭

公死而三子俱精積箸踰於郭公時至傾邑屬元季政昏弛其人思

亂訛言大興子興忽心動遂大出其橐稚牛酒散錢帛結納豪勇至

正之壬辰羣盜起淮南北子興從里中少年數千人襲濠州城據之

子興與其黨孫德崖等俱自稱元帥於是高帝仗劍從子興子興

以為館甥子興勇悍善戰與四帥不相下而徐之敗將彭早任趙均

用至濠德崖等納之遂挾均用縛子興欲殺之賴高帝以免既而

早任均用俱自稱王癸巳秋高帝攻下滁州遂守之早任死均用

春國大虎

益自專子興患之乃領所部萬人入滁稱王乙未春高帝取和陽孫德崖衆饑就食焉高帝納之子興怒而來視師遂執德崖而高帝亦被留德崖軍子興性剛急實欲甘心德崖以高帝故雖縱之既失之悒悒不樂遂發病死德崖聞而欲來有其衆時與元戰不能救子興之長子某懼而使張天祐請降于宋韓林兒以郭某爲都元帥天祐爲右副元帥高帝爲左副元帥高帝怒不受而引兵渡江取太平擁衆十萬二子屬從焉長子戰死次子陷於賊死少者以失職謀爲不利死或曰皆高帝之意也子興遂絕高帝卽位追封滁陽王

右郭子興據濠二年據滁二年共四年

按實錄子興至滁欲稱王以高帝言而止綱目

云稱王或暫止而竟王也

野記曰陳某不知何許人精織緯候元季見王氣在南南偏游閩廣江黃間久無所遇乃先涉淮泗入塗山之境得之矣遂止不行假五行命祿求諸陶漁中大姓某令觀其家人數輩悉貴人命也後及一女陳曰公家之貴悉繇此女矣主人曰是乃雙瞽問聘者奚以貴爲哉陳曰非若所知今吾未娶誠能歸之邪主人幸甚就館焉生四男一卽滁陽王也亡幾天下大亂王糾旅已衆太祖亦歸之王配以女卽孝慈也王分兵授太祖往守滁陽已而

上悉有滁陽之衆王後伏劒死

吾學編傳曰滁陽王長二子謀害高帝事洩竟不知所終或曰

大舍二舍三舍皆戰沒或曰沉諸和州江中季子老舍

太倉王氏曰豪傑之興必有所焉籍然未有如滁陽王後者識真

龍於豫且之網而活之且假之以雲雨焉非子而子非女而女
高帝之有天下則誰力也物無兩大中道而殂顧胤斬聖代雖血
食

又曰野記言滁陽王後仗劍而死按實錄以上為孫德崖所留
驚憂成病而卒後龍鳳主拜嗣子為元帥張天祐與上為左右副
元帥而天祐在前上不受則王之終必不以權奪伏劍明矣

又曰鄭端簡公今言滁陽有長子郭大舍張夫人出戰沒一女為
貴妃王蜀王亦張夫人出又次李夫人生郭老舍洪武四年旨云
就與郭老舍再三留你不任實要回鄉守祀你舊有二所庄田我
就賜與你耕種教戶部官開除糧草十一年鄰人賁童兒誑誤走
出十七年上諭張來儀撰王廟碑文遂云王無後令蜀王往來修

祀北王之國以王鄰家有氏世為奉祀守王墳二十八年老舍還
鄉為費謙所發解黑窰場做工上面諭放回令一年一朝京師老
舍卒諭葬立石老舍生謙謙生昇昇生信信生琥皆一歲一朝有
籍於禮部琥乞恩弘治十五年得為奉祀琥請乞不休正德中奪
官嘉靖初復其官不許預祀事琥生厚滁陽散財集眾以啓皇明
萬世之業而子孫曾無一命可乎端簡之言如此然滁陽王實無
後所謂郭老舍者必滁陽之族年長者也果其為子是不胥茅土
之封必雁金盃之賜矣

徐州羣雄章

李二蕭縣人至壬壬辰之五月李二號芝麻李亦以燒香聚眾與其
黨彭早任趙均用攻陷徐州據之癸巳九月元師復徐州李二遁去

後死

魯淮王彭早任蕭縣人李二黨也徐州既下早任與趙均用率餘衆奔濠州郭子興孫德崖等納焉反屈已下之遂爲所制早任頗有權畧子興與相善而溥均用德崖等乃挾均用縛子興欲殺之高帝馳語早任早任破械出之已而元兵大至圍濠急乃解讐合力拒守凡五閱月始解去早任稱南淮王均用稱永義王既而二人爭權曲部多鬪死早任亦中流矢死

永義王趙均用彭早任同黨也早任死均用益自尊郭子興患之乃領軍入滁州均用乃奔淮安未幾及宋將毛貴陷濟南均用率衆往詐與貴合庚子四月均用殺貴進據益都其黨續繼祖自遼陽入益都執均用殺之遂與其所部自相讐敵俱滅

天完徐壽輝章

天完王徐壽輝一名貞蘄州羅田人生平以販布爲業至正辛卯五月壽輝與黃陂倪文俊麻城鄒普勝等聚衆舉兵亦以紅巾爲號攻陷蘄水縣及黃州路十月壽輝據蘄水爲都國號天完自稱皇帝改元治平以鄒普勝爲太師倪文俊爲丞相癸巳十二月元師復蘄水壽輝敗走乙未三月倪文俊復破襄陽丙申春正月文俊建都于漢陽迎壽輝據之丁酉六月倪文俊謀殺壽輝不果別將陳友諒襲殺之并其軍已亥十二月友諒徙壽輝都江州庚子五月友諒以壽輝至采石令壯士以鐵槓擊殺之壽輝凡稱帝十年

漢陳氏章

漢王陳友諒沔陽漁人子也

沔化編曰先世姓謝因贅於陳遂冒姓陳

友諒嘗爲縣吏頗

豪俠自負不樂遂棄去與其弟友德友仁友貴聚眾剽掠於村落官軍不能制會徐文壽輝倪文俊兵起往從之遂爲文俊簿書椽尋亦領兵爲元帥丁酉秋文俊謀殺壽輝不果奔黃州友諒襲殺文俊并其軍自稱平章己亥冬壽輝聞友諒破龍興欲徙都之友諒不從壽輝因引兵發襄陽下江州友諒伏兵盡殺其部屬惟存壽輝以江州爲都居之遂自稱漢王庚子五月友諒率舟師挾壽輝以行既陷太平遂賊殺壽輝於采石自稱皇帝國號漢改元大義癸卯七月友諒圍洪都高帝帥諸將擊之大戰於鄱陽湖友諒大敗中流矢死

弇州王氏曰明之初興也能爲勁者惟陳友諒擴廓乎其下友諒也得之速非我速也彼失之速也

後主陳理友諒子也

友諒死其將張定邊以小舟載其屍及

理徑趨武昌復立理爲帝甲辰二月高帝自將伐之理降

右陳氏父子稱帝共五月先稱王一年凡六年而滅

夏明氏章

夏主明玉珍隨州人玉沙村人家世業農玉珍身長八尺目重瞳能武斷以故閭里畏服之元至正辛卯玉珍聞徐壽輝兵起乃集鄉兵屯于青山結柵自固癸巳冬徐壽輝據漢陽遣使招之玉珍降以爲元帥從攻沔陽飛矢損右目人因呼爲明眼子及倪文俊陷川蜀令玉珍守之丁酉冬陳友諒襲殺倪文俊十二月玉珍遂自據成都蜀中郡縣皆附之庚子夏陳友諒賊殺壽輝稱帝玉珍謀欲討之乃整兵守夔關不與相通壬寅五月稱隴蜀王癸卯正月玉珍稱帝於成都國號曰夏建元天統立妻彭氏爲皇后子昇爲太子丙午三月玉

珍卒

郎瑛類藁曰玉珍建號五年爲弟所殺彭氏復圖殺其弟立昇爲小明王

後主明昇玉珍子玉珍卒昇立爲帝改元開熙昇始十歲母彭氏同聽政洪武二年庚戌冬信命大將湯和等征蜀辛亥二月我師克重慶昇母子出降俘至京師封昇歸義侯

右明氏父子稱帝共九年先稱王一年據成都十五年

吳張士誠章

張士誠白駒場民士誠士德其弟也士誠初爲鹽場牙僧挾兄弟夾帶私鹽緣爲奸利性頗好施以故衆樂附之元至正癸巳夏五月舉兵陷泰州遂入高郵據之自稱誠王國號周建元天祐甲午丙申二

月士誠陷蘇州據之遣兵破杭州丁酉八月爲元師所敗乃降于元元以爲太尉士信爲平章癸卯秋七月士誠求王時不報遂自稱吳王國號曰吳以士信爲丞相丁未九月我師克平江執士誠以歸至建康自縊死

右張士誠凡稱吳王五年自起兵稱王至滅凡十五年

學海君道部卷之八十七卷終

Faint vertical text columns, likely bleed-through from the reverse side of the page.



